

魏書十七

張樂于張徐傳第十七



三國志十七

張遼字文遠鴈門馬邑人也本聶壹之後以避怨變姓少爲郡吏漢末并州刺史丁原以遼武力過人召爲從事使將兵詣京都何進遣詣河北募兵得千餘人還進敗以兵屬董卓卓敗以兵屬呂布遷騎都尉布爲李傕所敗從布東奔徐州領魯相時年二十八太祖破呂布於下邳遼將其衆降拜中郎將賜爵關內侯數有戰功遷裨將軍表紹破別遣遼定魯國諸縣與夏侯淵圍昌豨於東海數月糧盡議引軍還遼謂淵曰數日已來每行諸圍豨輒屬目視遼又其射矢更稀此必豨計猶豫故不力戰遂欲挑與語儻可誘也乃使謂豨曰公有命使遼傳之豨果下與遼語遼爲說太祖神武方以德懷四方先附者受大賞豨乃許降遼遂單身上三公

山入豨家拜妻子豨歡喜隨詣太祖太祖遣豨還責遼曰此非大將法也遼謝曰以明公威信著於四海遼奉聖旨豨必不敢害故也從討表譚表尚於黎陽有功行中堅將軍從攻尚於鄴尚堅守不下太祖還許使遼與樂進拔陰安徙其民河南復從攻鄴鄴破遼別徇趙國常山招降緣山諸賊及黑山孫輕等從攻表譚譚破別將徇海濱破遼東賊柳毅等還鄴太祖自出迎遼引共載以遼爲盪寇將軍復別擊荊州定江夏諸縣還屯臨穎封都亭侯從征表尚於柳城卒與虜遇遼勸太祖戰氣甚奮太祖壯之自以所持麾授遼遂擊大破之斬單于蹋頓傳子曰八祖將征柳城遼諫曰夫許天下之會據之以號令四方公之勢去矣太祖策表必不能自備遂行也時荊州未定復遣遼屯長社臨發軍中有謀反者夜驚亂起火一軍盡擾遼謂左右曰勿動是不一營盡反必有造變者欲以動亂人耳乃令軍中其不反者安坐遼將親兵數

十人中陣而立有頃定卽得首謀者殺之陳蘭梅成以氏六縣叛太祖遣于禁臧霸等討成遼督張郃朱蓋等討蘭成僞降禁禁還成遂將其衆就蘭轉入灤山灤中有天柱山高峻二十餘里道險狹步徑裁通蘭等壁其上遼欲進諸將曰兵少道險難用深入遼曰此所謂一與一勇者得前耳遂進到山下安營攻之斬蘭成首盡虜其衆太祖論諸將功曰登天山履峻險以取蘭成盪寇功也增邑假節太祖旣征孫權還使遼與樂進李典等將七千餘人屯合肥太祖征張魯教與護軍薛悌署函邊曰賊至乃發俄而權率十萬衆圍合肥乃共發教教曰若孫權至者張李將軍出戰樂將軍守護軍勿得與戰諸將皆疑遼曰公遠征在外比救至彼破我必矣是以教指及其未合逆擊之折其盛勢以安衆心然後可守也成敗之機在此一戰諸君何疑李典亦與遼同於是遼夜募敢

從之士得八百人椎牛饗將士明日大戰平日遼被甲持戟先登
陷陣殺數十人斬二將大呼自名衝壘入至權麾下權大驚眾不
知所為走登高冢以長戟自守遼叱權下戰權不敢動望見遼所
將眾少乃聚圍遼數重遼左右麾圍直前急擊圍開遼將麾下數
十人得出餘眾號呼曰將軍棄我乎遼復還突圍拔出餘眾權人
馬皆披靡無敢當者自旦戰至日中吳人奪氣還修守備眾心乃
安諸將咸服權守合肥十餘日賊不可拔乃引退遼率諸軍追擊
幾復獲權太祖大壯遼拜征東將軍孫資曰大兵固詭道奇正相資若乃命將
之勢群帥不和則棄帥之道也至於合肥之守縣弱無援身自勵者則好戰生患專任怯者則懼
心難保且彼眾我寡必懷貪墮以致命之兵擊貪墮之卒其勢必勝而後守守則必固是以魏
武推選方員參以同與為之密教節宜其用事至而應若合符契妙矣夫建安二十一年太祖復征孫權到合肥循
行遼戰處歎息者良久乃增遼兵多諸軍徙屯居巢關羽圍曹仁於樊會權稱藩召遼及諸軍悉還仁遼未至徐晃已破關羽

仁圍解遼與太祖會摩陂遼軍至太祖乘輦出勞之還屯陳郡文

帝即王位轉前將軍魏書曰王賜遼帛千匹穀萬斛分封兄汎及一子列侯孫權復叛

遣遼還屯合肥進遼爵都鄉侯給遼母輿車及兵馬送遼家詣屯

敕遼毋至導從出迎所督諸軍將吏皆羅拜道側觀者榮之文帝

踐阼封晉陽侯增邑千戶并前二千六百戶黃初二年遼朝洛陽

宮文帝引遼會建始殿親問破吳意狀帝歎息顧左右曰此亦古

之召虎也為起第舍又特為遼母作殿以遼所從破吳軍應募步

卒皆為虎賁孫權復稱藩遼還屯雍丘得疾帝遣侍中劉曄將太

醫視疾虎賁問消息道路相屬疾未瘳帝迎遼就行在所車駕親

臨執其手賜以御衣大官日送御食疾小差還屯孫權復叛帝遣

遼乘舟與曹休至海陵臨江權甚憚焉救諸將張遼雖病不可當

也慎之是歲遼與諸將破權將呂範遼病遂篤薨於江都帝為流

涕諡曰剛侯子虎嗣六年帝追念遼典在合肥之功詔曰合肥之役遼典以步卒八百破賊十萬自古用兵未之有也使賊至今奪氣可謂國之爪牙矣其分遼典邑各百戶賜一子爵關內侯虎爲偏將軍薨子統嗣

樂進字文謙陽平衛國人也容貌短小以膽烈從太祖爲帳下吏遣還本郡募兵得千餘人還爲軍假司馬陷陣都尉從擊呂布於濮陽張超於雍丘橋蕤於苦皆先登有功封廣昌亭侯從征張繡於安眾圍呂布於下邳破別將擊睦固於射犬攻劉備於沛皆破之拜討寇校尉渡河攻獲嘉還從擊袁紹於官渡力戰斬紹將淳于瓊從擊譚尚於黎陽斬其大將嚴敬行游擊將軍別擊黃巾破之定樂安郡從圍鄴鄴定從擊袁譚於南皮先登入譚東門譚敗別攻雍奴破之建安十一年太祖表漢帝稱進及于禁張遼曰武

力旣弘計略周備質忠性一守執節義每臨戰攻常爲督率奮疆突固無堅不陷自援枹鼓手不知倦又遣別征統御師旅撫衆則和奉令無犯當敵制決靡有遺失論功紀用宜各顯寵於是禁爲虎威進折衝遼盪寇將軍進別征高幹從北道入上黨回出其後幹等還守壺關連戰斬首幹堅守未下會太祖自征之乃拔太祖征管承軍淳于遣進李典擊之承破走逃入海島海濱平荆州未服遣屯陽翟後從平荆州留屯襄陽擊關羽蘇非等皆走之南郡諸縣山谷蠻夷詣進降又討劉備臨沮長社普旌陽長梁太皆大破之後從征孫權假進節太祖還留進與張遼李典屯合肥增邑五百并前凡千二百戶以進數有功分五百戶封一子列侯進遷右將軍建安二十三年薨諡曰威侯子綝嗣綝果毅有父風官至揚州刺史諸葛誕反掩襲殺綝詔悼惜之追贈衛尉諡曰愍侯子

于禁字文則泰山鉅平人也黃巾起鮑信昭合徒衆禁附從焉及太祖領兗州禁與其黨俱詣爲都伯屬將軍王朗朗異之薦禁才任大將軍太祖召見與語拜軍司馬使將兵詣徐州攻廣威拔之拜陷陣都尉從討呂布於濮陽別破布二營於城南又別將破高雅於須昌從攻壽張定陶離狐圍張超於雍丘皆拔之從征黃巾劉辟黃邵等屯版梁邵等夜襲太祖營禁帥麾下擊破之斬辟邵等盡降其衆遷平虜校尉從圍橋蕤於苦斬蕤等四將從至宛降張繡繡復叛太祖與戰不利軍敗還舞陰是時軍亂各間行求太祖禁獨勒所將數百人且戰且引雖有死傷不相離虜追稍緩禁徐整行隊鳴鼓而還未至太祖所道見十餘人被剝裸走禁問其故曰爲青州兵所劫初黃巾降號青州兵太祖寬之故敢因緣爲略禁怒令其衆曰青州兵同屬曹公而還爲賊乎乃討之數之以罪青州兵遽走詣太祖自訴禁既至先立營壘不時謁太祖或謂禁青州兵已訴君矣宜促詣公辨之禁曰今賊在後追至無時不先爲備何以待敵且公聰明譖訴何緣徐鑿塹安營訖乃入謁具陳其狀太祖悅謂禁曰清水之難吾其急也將軍在亂能整討暴堅壘有不可動之節雖古名將何以加之於是錄禁前後功封益壽亭侯復從攻張繡於穰禽呂布於下邳別與史渙曹仁攻眭固於射大破斬之太祖初征袁紹紹兵盛禁願爲先登太祖壯之乃選步騎二千人使禁將守延津以拒紹太祖引軍還官渡劉備以徐州叛太祖東征之紹攻禁禁堅守紹不能拔復與樂進等將步騎五千擊紹別營從延津西南緣河至汲獲嘉二縣焚燒保聚三十餘屯斬首獲生各數千降紹將何茂王摩等二十餘人太祖復

使禁別將屯原武擊紹別營於杜氏津破之遷裨將軍後從還官
渡太祖與紹連營起土山相對紹別營中士卒多死傷軍中懼禁
督守土山力戰氣益奮紹破遷偏將軍冀州平昌豨復叛遣禁征
之禁急進攻豨豨與禁有舊詣禁降諸將皆以爲豨已降當送詣
太祖禁曰諸君不知公常令乎圍而後降者不赦夫奉法行令事
上之節也豨雖舊友禁可失節乎自臨與豨訣隕涕而斬之是時
太祖軍淳于聞而歎曰豨降不詣吾而歸禁豈非命邪益重禁臣
之以爲圍而後降法雖不赦囚而送之未爲違命豨曾不爲舊交希冀東海平拜禁虎威
萬一而肆其好殺之心以戾衆人之議所以卒爲之虜死加惡論宜哉
將軍後與臧霸等攻梅成張遼張郃等討陳蘭禁到成舉衆三千
餘人降旣降復叛其衆奔蘭遼等與蘭相持軍食少禁運糧前後
相屬遼遂斬蘭成增邑二百戶并前千二百戶是時禁與張遼樂
進張郃徐晃俱爲名將太祖每征伐咸遞行爲軍鋒還爲後拒而

禁持軍嚴整得賊財物無所私入由是賞賜特重然以法御下不
甚得士衆心太祖常恨朱靈欲奪其營以禁有威重遣禁將數十
騎齎令書徑詣靈營奪其軍靈及其部衆莫敢動乃以靈爲禁部
下督衆皆震服其見憚如此遷左將軍假節鉞分邑五百戶封一
子列侯建安二十四年太祖在長安使曹仁討關羽於樊又遣禁
助仁秋大霖雨漢水溢平地水數丈禁等七軍皆沒禁與諸將登
高望水無所回避羽乘大船就攻禁等禁遂降惟龐惠不屈節而
死太祖聞之哀歎者久之曰吾知禁三十年何意臨危處難反不
及龐惠邪會孫權禽羽獲其衆禁復在吳文帝踐阼權稱藩遣禁
還帝引見禁鬚髮皓白形容憔悴泣涕頓首帝慰喻以荀林父孟
明視故事魏書制曰昔荀林父敗績於鄆孟明喪師於殽秦晉不替使復其位其後晉獲
秋土秦霸西戎區區小國猶尚若斯而况萬乘乎樊城之敗水災暴至非戰之咎
拜爲安遠將軍欲遣使吳先令北詣鄴謁高陵帝使豫於陵

其復禁等官

屋書關羽戰克龐惠憤怒禁降服之狀禁見慙恚發病薨子圭嗣封益壽亭侯諡禁曰厲侯

張郃字儁又河間鄭人也漢末應募討黃巾為軍司馬屬韓馥馥

敗以兵歸袁紹紹以郃為校尉使拒公孫瓚瓚破郃功多遷寧國

中郎將太祖與袁紹相拒於官渡漢晉春秋曰紹說紹曰公雖連勝然勿與曹公戰也密遣輕騎鈔絕其南則兵自敗矣紹不從

之紹遣將淳于瓊等督運屯烏巢太祖自將急擊之郃說紹曰曹

公兵精往必破瓊等瓊等破則將軍事去矣宜急引兵救之郭圖

曰郃計非也不如攻其本營勢必遂此為不救而自解也郃曰曹

公營固攻之必不拔若瓊等見禽吾屬盡為虜矣紹但遣輕騎救

瓊而以重兵攻太祖營不能下太祖果破瓊等紹軍潰圖慙又更

譖郃曰郃快軍敗出言不遜郃懼乃歸太祖比松之案武紀及袁紹傳並云表紹使張郃高覽攻太祖營郃

等聞淳于瓊破遂來降紹眾於是大潰是則緣郃等降而後紹軍壞也至此傳為紹軍先潰懼郭圖之譖然後歸太祖為參錯不同矣太祖得郃甚喜謂

曰昔子胥不早寤自使身危豈若微子去殷韓信歸漢邪拜郃偏

將軍封都亭侯授以眾從攻鄴拔之又從擊袁譚於渤海別將軍

圍雍奴大破之後討柳城與張遼俱為軍鋒以功遷平狄將軍別

征東萊討管承又與張遼討陳蘭梅成等破之從破馬超韓遂於

渭南圍安定降楊秋與夏侯淵討郿賊梁興及武都氏又破馬超

平宋建太祖征張魯先遣郃督諸軍討興和氏王寶茂太祖從散

關入漢中又先遣郃督步卒五千於前通路至陽平魯降太祖還

畱郃與夏侯淵等守漢中拒劉備郃別督諸軍降巴東巴西二郡

徙其民於漢中進軍宕渠為備將張飛所拒引還南鄭拜盪寇將

軍劉備屯陽平郃屯廣石備以精卒萬餘分為十部夜急攻郃郃

率親兵搏戰備不能克其後備於走馬谷燒都圍淵救火從他道

與備相遇交戰短兵接刃淵遂沒郃還陽平魏略曰淵雖為都督劉備懼郃而易淵及殺淵備曰當得其魁

用此何為耶當是時新失元帥恐為備所乘三軍皆失色淵司馬郭淮乃
 令眾曰張將軍國家名將劉備所憚今日事急非張將軍不能安
 也遂推郃為軍主郃出勒兵安陣諸將皆受郃節度眾心乃定太
 祖在長安遣使假郃節太祖遂自至漢中劉備保高山不敢戰太
 祖乃引出漢中諸軍郃還屯陳倉文帝即王位以郃為左將軍進
 爵都鄉侯及踐阼進封鄭侯詔郃與曹真討安定盧水胡及東羌
 召郃與真並朝許宮遣南與夏侯尚擊江陵郃別督諸軍渡江取
 洲上屯塢明帝即位遣南屯荊州與司馬宣王擊孫權別將劉阿
 等追至祁口交戰破之諸葛亮出祁山加郃位特進遣督諸軍拒
 亮將馬謖於街亭謖依阻南山不下據城郃絕其汲道擊大破之
 南安天水安定郡反應亮郃皆破平之詔曰賊亮以巴蜀之眾當
 虓虎之師將軍被堅執銳所向克定朕甚嘉之益邑千戶并前四

千三百戶司馬宣王治水軍於荊州欲順沔入江伐吳詔郃督關
 中諸軍往受節度至荊州會冬水淺大船不得行乃還屯方城諸
 葛亮復出急攻陳倉帝驛馬召郃到京都帝自幸河南城置酒送
 郃遣南北軍士三萬及分遣武威虎賁使衛郃因問郃曰遲將軍
 到亮得無已得陳倉乎郃知亮縣軍無穀不能久攻對曰比臣未
 到亮已走矣屈指計亮糧不至十日郃晨夜進至南鄭亮退詔郃
 還京都拜征西車騎將軍郃識變數善處營陣料戰勢地形無不
 如計自諸葛亮皆憚之郃雖武將而愛樂儒士嘗薦同鄉舉湛經
 明行修詔曰昔祭遵為將奏置五經大夫居軍中與諸生雅歌投
 壺今將軍外勒戎旅內存國朝朕嘉將軍之意今擢湛為博士諸
 葛亮復出祁山詔郃督諸將西至略陽亮還保祁山郃追至木門
 與亮軍交戰飛矢中郃右膝薨

魏畧曰亮軍退司馬宣王使郃追之郃曰軍法圍城必開出路歸軍勿追宣王不聽郃不得已遂進

蜀軍乘高布伏弓
弩亂發矢中郤詡
詡曰壯侯子雄嗣
郤前後征伐有功
明帝分郤戶封

郤四子列侯賜小子爵關內侯

徐晃字公明河東楊人也為郡吏從車騎將軍楊奉討賊有功拜

騎都尉李傕郭汜之亂長安也晃說奉令與天子還洛陽奉從其

計天子渡河至安邑封晃都亭侯及到洛陽韓暹董承日爭鬪晃

說奉令歸太祖奉欲從之後悔太祖討奉於美里遂歸太祖太祖

授晃兵使擊卷卷音唯原武賊破之拜裨將軍從征呂布別降布將

趙庶李鄒等與史渙斬駐固於河內從破劉備又從破顏良拔白

馬進至延津破文醜拜偏將軍與曹洪擊臧彊賊祝臂破之又與

史渙擊袁紹運車於故市功最多封都亭侯太祖既圍鄴破邯鄲

易陽令韓範偽以城降而拒守太祖遣晃攻之晃至飛矢城中為

陳成敗範悔晃輒降之既而言於太祖曰二表未破諸城未下者

傾耳而聽今日滅易陽明日皆以死守恐河北無定時也願公降

易陽以示諸城則莫不望風太祖善之別討毛城設伏兵掩擊破

三屯從破袁譚於南皮討平原叛賊克之從征蹋頓拜橫野將軍

從征荊州別屯樊討中廬臨沮宜城賊又與滿寵討關羽於漢津

與曹仁擊周瑜於江陵十五年討太原反者圍太陵拔之斬賊帥

商曜韓遂馬超等反關右遣晃屯汾陰以撫河東賜牛酒令上先

人募太祖至潼關恐不得渡召問晃晃曰公盛兵於此而賊不復

別守蒲阪知其無謀也今假臣精兵臣松之云案晃于時未應稱臣傳寫者誤也渡蒲阪津為

軍先置以截其裏賊可禽也太祖曰善使晃以步騎四千人渡津

作塹柵未成賊梁興夜將步騎五千餘人攻晃晃擊走之太祖軍

得渡遂破超等使晃與夏侯淵平鄜夏陽餘賊斬梁興降三千餘戶從征

祖還鄴使晃與夏侯淵平鄜夏陽餘賊斬梁興降三千餘戶從征

張魯別遣晃討攻積仇夷諸山氏皆降之遷平寇將軍解將軍張
順圍擊賊陳福等三十餘屯皆破之太祖還鄴留晃與夏涓淵拒
劉備於陽平備遣陳式等十餘營絕馬鳴閣道晃別征破之賊自
投山谷多死者太祖聞甚喜假晃節令曰此閣道漢中之險要喉
咽也劉備欲斷絕外內以取漢中將軍一舉克奪賊計善之善者
也太祖遂自至陽平引出漢中諸軍復遣晃助曹仁討關羽屯宛
會漢水暴溢于禁等沒羽圍仁於樊又圍將軍呂常於襄陽晃所
將多新卒以羽難與爭鋒遂前至陽陵陂屯太祖復還遣將軍徐
商呂建等詣晃令曰須兵馬集至乃俱前賊屯偃城晃到詭道作
都塹示欲截其後賊燒屯走晃得偃城兩面連營稍前去賊圍三
丈所未攻太祖前後遣殷署朱蓋等凡十二營詣晃賊圍頭有屯
又別屯四冢晃揚聲當攻圍頭屯而密攻四冢羽見四冢欲壞自
將步騎五千出戰晃擊之退走遂追陷與俱入圍破之或自投河
水死太祖令曰賊圍塹鹿角十重將軍致戰全勝遂陷賊圍多斬
首虜吾用兵三十餘年及所聞古之善用兵者未有長驅徑入敵
圍者也且樊襄陽之在圍過於莒卽墨將軍之功踰孫武穰苴晃
振旅還摩陂太祖迎晃七里置酒大會太祖舉卮酒勸晃且勞之
曰全樊襄陽將軍之功也時諸軍皆集太祖案行諸營士卒咸離
陣觀而晃軍營整齊將士駐陣不動太祖歎曰徐將軍可謂有周
亞夫之風矣文帝卽王位以晃爲右將軍進封還鄉侯及踐祚進
封楊侯與夏侯尚討劉備於上庸破之以晃鎮陽平徙封陽平侯
薦遺令歛以時服性儉約畏慎將軍常遠斥候先爲不可勝然後
戰追奔爭利士不暇食常歎曰古人患不遭明君今幸遇之當以

功自效何用私譽為終不廣交援太和元年薨諡曰壯侯子蓋嗣
 蓋薨子霸嗣明帝分晃戶封晃子孫二人列侯初清河朱靈為表
 紹將太祖之征陶謙紹使靈督三營助太祖戰有功紹所遣諸將
 各罷歸靈曰靈觀人多矣無若曹公者此乃真明主也今已遇復
 何之遂留不去所將士卒慕之皆隨靈留靈後遂為好將名亞晃
 等至後將軍封高唐亭侯

九州春秋曰初清河季雍以郿叛袁紹而降公孫瓚瓚遣
 兵衛之紹遣靈攻之靈家在城中瓚將靈母弟置城上誘
 呼靈靈望城弟泣曰丈夫一身與人豈復顧家邪遂力戰拔之生禽雍而靈家皆死 魏書曰
 靈字文博太祖既平冀州遣靈將新兵五千人騎千匹守許南大祖成之曰冀州新兵數承寬緩
 暫見齊整意尚快快卿各先有威嚴善以道寬之不然即有變靈至陽翟中郎將程昂等果反即
 斬昂以狀聞大祖手書曰兵中所以為危險者外對敵國內有姦謀不測之變昔鄧禹中分光武
 軍西行而有宗款馮愔之難後將二十四騎還洛陽禹豈以是減損哉來書懇惻多引咎過未必
 如所云也文帝即位封靈郿侯增其戶邑詔曰將軍佐命先帝典兵歷年威過方邵功踰絳灌圖
 籍所美何以加焉朕受天命帝有海內元功之將社稷之臣皆朕所與同福共慶傳之無窮者也
 今封郿侯富貴不歸故鄉如夜行衣繡若平常所志願勿難言靈謝曰高唐宿所願於是更封高
 唐侯薨諡曰

威侯子術嗣
 評曰太祖建茲武功而時之良將五子為先于禁最號毅重然弗

克其終張郃以巧變為稱樂進以驍果顯名而鑒其行事未副所
 聞或注記有遺漏未如張遼徐晃之備詳也

問延其時自盡未成... 東其絲... 以... 變... 爲... 所... 樂... 對... 以... 地... 果... 濕... 各... 而... 鑿... 其... 口... 專... 未... 隔... 迫...

魏書十八

二李臧文呂許典二龐閻傳十八

三國志十八

李典字曼成山陽鉅野人也典從父乾有雄氣合賓客數千家在乘氏初平中以眾隨太祖破黃巾於壽張又從擊袁術征徐州呂布之亂太祖遣乾還乘氏慰勞諸縣布別駕薛蘭治中李封招乾欲俱叛乾不聽遂殺乾太祖使乾子整將乾兵與諸將擊蘭封蘭封破從平兗州諸縣有功稍遷青州刺史整卒典徙潁陰令爲中郎將將整軍魏書曰典少好學不樂兵事乃就師讀春秋左氏傳博觀書太祖善之故試以治民之政遷離狐太守時太祖與袁紹相拒官渡典率宗族及部曲輸穀帛供軍紹破以典爲裨將軍屯安民太祖擊譚尚於黎陽使典與程昱等以船運軍糧會尚遣魏郡太守高蕃將兵屯河上絕水道太祖敕典昱若船不得過下從陸道典與諸將議曰蕃軍少甲而恃水有懈怠之心擊之

必克軍不內御苟利國家專之可也宜亟擊之昱亦以爲然遂北渡河攻蕃破之水道得通劉表使劉備北侵至葉太祖遣典從夏侯惇拒之備一旦燒屯去惇率諸軍追擊之典曰賊無故退疑必有伏南道窄狹草木深不可追也惇不聽與于禁追之典留守惇等果入賊伏裏戰不利典往救備望見救至乃散退從圍鄴鄴定與樂進圍高幹於壺關擊管承於長廣皆破之遷捕虜將軍封都亭侯典宗族部曲三千餘家居乘氏自請願徙詣魏郡太祖笑曰卿欲慕耿純邪典謝曰典爲怯功微而爵寵過厚誠宜舉宗陳力加以征伐未息宜實郊遂之內以制四方非慕純也遂徙部曲宗族萬二千餘口居鄴太祖嘉之遷破虜將軍與張遼樂進屯合肥孫權率衆圍之遼欲奉教出戰進典遂皆素不睦遼恐其不從典慨然曰此國家大事顧君計何如耳吾不可以私憾而忘公義乎乃率衆與遼破走權增邑百戶并前三百戶典好學問貴儒雅不與諸將爭功敬賢士大夫恂恂若不及軍中稱其長者年三十六薨子禎嗣文帝踐阼追念合肥之功增禎邑百戶賜典一子爵關內侯邑百戶諡典曰愍侯

李通字文達江夏平春人也

魏略曰通小字萬億

以俠聞於江汝之間與其郡

人陳恭共起兵於朗陵衆多歸之時有周直者衆二千餘家與恭通外和內違通欲圖殺直而恭難之通知恭無斷乃獨定策與直克會酒酣殺直衆人大擾通率恭誅其黨帥盡并其營後恭妻弟陳邵殺恭而據其衆通攻破邵軍斬邵首以祭恭墓又生禽黃巾大帥吳霸而降其屬遭歲大飢通傾家振施與士分糟糠皆爭爲用由是盜賊不敢犯建安初通舉衆詣太祖于許拜通振威中郎將屯汝南西界太祖討張繡劉表遣兵以助繡太祖軍不利通將

兵夜詣太祖太祖得以復戰通為先登大破繡軍拜裨將軍封建
功侯分汝南二縣以通為陽安都尉通妻伯父犯法朗陵長趙儼
收治致之大辟是時殺生之柄決於牧守通妻子號泣以請其命
通曰方與曹公戮力義不以私廢公嘉儼執憲不阿與為親交太
祖與表紹相拒於官渡紹遣使拜通征南將軍劉表亦陰招之通
皆拒焉通親戚部曲流涕曰今孤危獨守以失大援亡可立而待
也不如亟從紹通按劍以叱之曰曹公明哲必定天下紹雖彊盛
而任使無方終為之虜耳吾以死不貳即斬紹使送印綬詣太祖
又擊群賊瞿恭江宮沈成等皆破滅其眾送其首遂定淮汝之地
收封都亭侯拜汝南太守時賊張赤等五千餘家聚桃山通攻破
之劉備與周瑜圍曹仁於江陵別遣關羽絕北道通率眾擊之下
馬拔鹿角入圍且戰且前以迎仁軍勇冠諸將通道得病薨時年

四十二追增邑二百戶并前四百戶文帝踐阼諭曰剛侯詔曰昔

表紹之難自許蔡以南人懷異心通秉義不顧使攜貳率服朕甚
嘉之不幸早薨子基雖已襲爵未足酬其庸勲基兄緒前屯樊城
又有功世篤其勞以基為奉義中郎將緒平虜中郎將以寵異焉

王隱晉書曰緒子秉字玄青有雋才為時人所貴官至秦州刺史秉嘗答司馬文王問因以為家
誠曰昔侍坐於先帝時有三長史俱免臨辭出上曰為官長當清當慎當勤修此三者何患不治
乎並受詔既出上顧謂吾等曰相誠救正當爾不待坐眾賢莫不贊善上又問必不得已於斯三
者何先或對曰清固為本大復問吾對曰清慎之道相須而成必不得已慎乃為大夫清者不必
慎慎者必自清亦由仁者必有勇勇者不必有仁是以易稱括囊無咎藉用白茅皆慎之至也上
曰卿言得之耳可舉近世能慎者誰乎諸人各未知所對吾乃舉故太尉荀景倩尚書董仲連僕
射王公仲並可謂為慎上曰此諸人者溫恭朝夕執事有恪亦各其慎也然天下之至慎其惟阮
嗣宗乎每與之言言及玄遠而未嘗評論時事臧否人物真可謂至慎矣吾每思此言亦足以為
明誠凡人行事年少立身不可不慎勿輕論人勿輕說事如此則悔吝何由而生患禍無從而至
矣秉子重字茂曾少知名歷位吏部郎平陽太守晉諸公贊曰重以清尚稱相國趙王倫以重
望取為右司馬重以倫將為亂辭疾不就倫逼之不已重遂不復自活至於困篤扶曳受拜數日
卒贈散騎常侍重二弟尚字茂仲矩字茂約永嘉中並典郡矩至江州刺史重子式字景則官至

臧霸字宣高泰山華人也父戒為縣獄掾據法不聽太守欲所私

殺太守大怒令收戒詣府時送者百餘人霸年十八將客數十人徑於費西山中要奪之送者莫敢動因與父俱亡命東海由是以勇壯聞黃巾起霸從陶謙擊破之拜騎都尉遂收兵於徐州與孫觀吳敦尹禮等並聚眾霸爲帥屯於開陽太祖之討呂布也霸等將兵助布旣禽布霸自匿太祖募索得霸見而悅之使霸招吳敦尹禮孫觀觀兄康等皆詣太祖太祖以霸爲琅邪相敦利城禮東莞觀北海康城陽太守割青徐二州委之於霸太祖之在兗州以徐翕毛暉爲將兗州亂翕暉皆叛後兗州定翕暉亡命投霸太祖語劉備令語霸送二人首霸謂備曰霸所以能自立者以不爲此也霸受公生全之恩不敢違命然王霸之君可以義告願將軍爲之辭備以霸言白太祖太祖歎息謂霸曰此古人之事而君能行之孤之願也乃皆以翕暉爲郡守時太祖方與表紹相拒而霸數以精兵入青州故太祖得專事紹不以東方爲念太祖破表譚於南皮霸等會賀霸因求遣子弟及諸將父兄家屬詣鄴太祖曰諸君忠孝豈復在是昔蕭何遣子弟入侍而高祖不拒耿純焚室輿輓以從而光祖不逆吾將何以易之哉東州擾攘霸等執義征暴清定海岱功莫大焉皆封列侯霸爲都亭侯加威虜將軍又與于禁討昌豨與夏侯淵討黃巾餘賊徐和等有功遷徐州刺史沛國公武周爲下邳令霸敬異周身詣令舍部從事諛詞不法周得其罪便收考竟霸益以善周從討孫權先登再入巢湖攻居巢破之張遼之討陳蘭霸別遣至皖討吳將韓當使權不得救蘭當遣兵逆霸霸與戰於逢龍當復遣兵邀霸於夾石與戰破之還屯舒權遣數萬人乘船屯舒口分兵救蘭聞霸軍在舒遁還霸夜追之比明行百餘里邀賊前後擊之賊窘急不得上船赴水者甚衆由是

賊不得救蘭遼遂破之霸從討孫權於濡須口與張遼為前鋒行
遇霖雨大軍先及水遂長賊船稍進將士皆不安遼欲去霸止之
曰公明於利鈍寧肯捐吾等邪明日果有令遼至以語太祖太祖
善之拜揚威將軍假節後權乞降太祖還留霸與夏侯惇等屯居
巢文帝即王位遷鎮東將軍進爵武安鄉侯都督青州諸軍事及
踐阼進封開陽侯徙封良成侯與曹休討吳賊破呂範於洞浦徵
為執金吾位特進每有軍事帝常咨訪焉魏畧曰霸一名奴寇孫觀名嬰子
吳敦名黯奴尹禮名盧兒建安二
十四年霸遣別軍在濟會太祖崩霸所部及青州兵以為天下將亂皆鳴鼓擅去文帝即位以曹
休都督青徐霸為休曰國家未肯聽霸耳若假霸步騎萬人必能横行江表休言之於帝帝疑霸
軍前擅去今意壯心爾遂明帝即位增邑五百并前三千五百戶薨諡曰
東巡因霸來朝而奪其兵
威侯子艾嗣魏書曰艾少以才理稱
為當門郎歷位郡守艾官至青州刺史少府艾薨諡曰恭
侯子權嗣霸前後有功封子三人列侯賜一人爵關內侯霸一子舜
字太伯晉
散騎常侍見武帝自官名此百官名不知誰所撰也皆有題目稱舜才穎條暢識贊時宜也

祖討孫權戰被創薨子毓嗣亦至青州刺史

魏書曰孫觀字仲臺泰山人與
臧霸俱起討黃巾拜騎都尉太

祖破呂布使霸招觀兄弟皆厚遇之與霸俱戰伐觀常為先登征定青徐羣賊功次於霸封呂都
亭侯康亦以功封列侯與太祖會南皮遣子弟入居鄆拜觀偏將軍遷青州刺史從征孫權於濡
須口假節攻權為流矢所中傷左足力戰不顧太祖勞之曰將軍
被創深重而猛氣益奮不當為國愛身乎轉振威將軍創甚遂卒

文聘字仲業南陽宛人也為劉表大將使禦北方表死其子琮立

太祖征荊州琮舉州降呼聘欲與俱聘曰聘不能全州當待罪而

已太祖濟漢聘乃詣太祖太祖問曰來何遲邪聘曰先日不能輔

弼劉荊州以奉國家荊州雖沒常願據守漢川保全土境生不負

於孤弱死無愧於地下而計不得已以至於此實懷悲慙無顏早

見耳遂歔歔流涕太祖為之愴然曰仲業卿真忠臣也厚禮待之

授聘兵使與曹純追討劉備於長阪太祖先定荊州江夏與吳接

民心不安乃以聘為江夏太守使典北兵委以邊事賜爵關內侯

孫盛曰資文事君忠孝道一誠霸少有孝烈之稱文聘著垂涕之誠
是以魏武一而委之以三方之任豈非壯武見知於倉卒之間哉與樂進討關羽於

尋口有功進封延壽亭侯加討逆將軍又攻羽輜重於漢津燒其
船於荆城文帝踐阼進爵長安鄉侯假節與夏侯尚圍江陵使聘
別屯沔口止石楚自當一隊禦賊有功遷後將軍封新野侯孫權
以五萬衆自圍聘於石陽甚急聘堅守不動權住二十餘日乃解
去聘追擊破之魏畧曰孫權嘗自將數萬衆卒至時大雨城柵崩壞人民散在田野未及
補治聘聞權到不知所施乃思惟莫若潛默可以疑之乃數城中人使不
得見又自卧舍中不起權果疑之語其部黨曰北方以此人忠臣也故委之以此
郡今我至而不動此不有密圖必當有外救遂不敢攻而去魏畧此語與本傳反增邑五百
戶并前千九百戶聘在江夏數十年有威恩名震敵國賊不敢侵
分聘戶邑封聘子岱爲列侯又賜聘從子厚爵關內侯聘薨諡曰
壯侯岱又先亡聘養子休嗣卒子武嗣嘉平中譙郡相禹爲江夏
太守清儉有威惠名亞於聘

呂虔字子恪任城人也太祖在兗州聞虔有膽策以爲從事將家
兵守湖陸襄陵校尉杜松步民艮母等作亂與昌稀通太祖以虔

代松虔到招誘艮母渠率及同惡數十人賜酒食簡壯士伏其側
虔察艮母等皆醉使伏兵盡格殺之撫其餘衆群賊乃平太祖以
虔領泰山太守郡接山海世亂聞民人多藏竄表紹所置中郎將
郭祖公孫犢等數十輩係山爲寇百姓苦之虔將家兵到郡開恩
信祖等黨屬皆降服諸山中亡匿者盡出安土業簡其彊者補戰
士泰山由是遂有精兵冠名州郡濟南黃巾徐和等所在劫長吏
攻城邑虔引兵與夏侯淵會擊之前後數十戰斬首獲生數千人
太祖使督青州諸郡兵以討東萊群賊李條等有功太祖令曰夫
有其志必成其事蓋烈士之所徇也卿在郡以來禽姦討暴百姓
獲安躬蹈矢石所征輒克昔寇恂立名於汝潁耿弇建策於青兗
古今一也舉茂才加騎都尉典郡如故虔在泰山十數年甚有威
惠文帝卽王位加裨將軍封益壽亭侯遷徐州刺史加威虜將軍

請琅邪王祥為別駕民事一以委之世多其能任賢

孫盛雜語曰祥字休徵性至孝後母苛虐

每欲危害祥祥色養無怠盛寒之月後母曰吾思食生魚祥脫衣將剖冰求之有少堅冰解下有魚躍出因奉以供時人以為孝感之所致也供養三十餘年母終乃仕以淳誠貞粹見重於時王隱晉書曰祥始出仕年過五十矣稍遷至司隸校尉高貴鄉公入學以祥為三老遷司空太尉司馬文王初為晉王司空荀顛要祥盡敬祥不從語在少帝紀晉武踐阼拜祥為太保封睢陵公泰始四年年八十九薨祥弟覽字玄通光祿大夫晉諸公贊稱覽討利城叛賊斬獲

有功明帝即位徙封萬年亭侯增邑二百并前六百戶虔薨子翻

嗣翻薨子桂嗣

許褚字仲康譙國譙人也長八尺餘腰大十圍容貌雄毅勇力絕人漢末聚少年及宗族數千家共堅壁以禦寇時汝南葛陂賊萬餘人攻褚壁褚眾少不敵力戰疲極兵矢盡乃令壁中男女聚治石如斤斗者置四隅褚飛石擲之價值皆摧碎賊不敢進糧乏偽與賊和以牛與賊易食賊來取牛牛輒奔還褚乃出陳前一手逆曳牛尾行百餘步賊眾驚遂不敢取牛而走由是淮汝陳梁間聞

皆畏憚之太祖徇淮汝褚以眾歸太祖太祖見而壯之曰此吾樊噲也即日拜都尉引入宿衛諸從褚俠客皆以為虎士從征張繡先登斬首萬計遷校尉從討袁紹於官渡時常從士徐他等謀為逆以褚常侍左右憚之不敢發伺褚休下日他等懷刀入褚至下舍心動即還侍他等不知入帳見褚大驚愕他色變褚覺之即擊殺他等太祖益親信之出入同行不離左右從圍鄴力戰有功賜爵關內侯從討韓遂馬超於潼關太祖將北渡臨濟河先渡兵獨與褚及虎士百餘人留南岸斷後超將步騎萬餘人來奔太祖軍矢下如雨褚白太祖賊來多今兵渡以盡宜去乃扶太祖上船賊戰急軍爭濟船船重欲沒褚斬攀船者左手舉馬鞍蔽太祖船工為流矢所中死褚右手並泝船僅乃得渡是日微褚幾危其後太祖與遂超等單馬會語左右皆不得從唯將褚超負其力陰欲前

突太祖素聞褚勇疑從騎是褚乃問太祖曰公有虎侯者安在太祖顧指褚褚瞋目盼之超不敢動乃各罷後數日會戰大破超等褚身斬首級遷武衛中郎將武衛之號自此始也軍中以褚力如虎而癡故號曰虎癡是以超問虎侯至今天下稱焉皆謂其姓名也褚性謹慎奉法質重少言曹仁自荊州來朝謁太祖未出入與褚相見於殿外仁呼褚入便坐語褚曰王將出便還入殿仁意恨之或以責褚曰征南宗室重臣降意呼君君何故辭褚曰彼雖親重外藩也褚備內臣衆談足矣入室何私乎太祖聞愈愛待之遷中堅將軍太祖崩褚號泣歐血文帝踐阼進封萬歲亭侯遷武衛將軍都督中軍宿衛禁兵甚親近焉初褚所將爲虎士者從征伐太祖以爲皆壯士也同日拜爲將其後以功爲將軍封侯者數十人都尉校尉百餘人皆劍客也明帝卽位進平鄉侯邑七百戶賜

陳氏景雲曰將軍乃官號非國邑此封是衍字

子爵一人關內侯褚薨諡曰壯侯子儀嗣褚兄定亦以軍功封爲振威將軍都督徵道虎賁太和中帝思褚忠孝下詔褒贊復賜褚子孫二人爵關內侯儀爲鍾會所殺泰始初子綜嗣

典韋陳留已吾人也形貌魁梧旅力過人有志節任俠襄邑劉氏與睢陽李永爲讐韋爲報之永故富春長備衛甚謹韋乘車載雞酒僞爲侯者門開懷匕首入殺永并殺其妻徐出取車上刀戟步出永居近市一市盡駭追者數百莫敢近行四五里遇其伴轉戰得脫由是爲豪傑所識初平中張邈舉義兵韋爲士屬司馬趙寵牙門旗長大人莫能勝韋一手建之寵異其才力後屬夏侯惇數斬首有功拜司馬太祖討呂布於濮陽布有別屯在濮陽西四五十里太祖夜襲比明破之未及還會布救兵至三面掉戰時布身自搏戰自旦至日昃數十合相持急太祖募陷陣韋先占將應募

者數千人皆重衣兩鎧棄楯但持長矛撩戰時西面又急韋進當之賊弓弩亂發矢至如雨韋不視謂等人曰虜來十步乃白之等人曰十步矣又曰五步乃白等人懼疾言虜至矣韋手持十餘戟大呼起所抵無不應手倒者布衆退會日暮太祖乃得引去拜韋都尉引置左右將親兵數百人常繞大帳韋既壯武其所將皆選卒每戰鬪常先登陷陣遷爲校尉性忠至謹重常晝立侍終日夜宿帳左右稀歸私寢好酒食飲噉兼人每賜食於前大飲長歡左右相屬數人益乃供太祖壯之韋好持大雙戟與長刀等軍中爲之語曰帳下壯士有典君提一雙戟八十斤太祖征荊州至宛張繡迎降太祖甚悅延繡及其將帥置酒高會太祖行酒韋持大斧立後刃徑尺太祖所至之前韋輒舉斧目之竟酒繡及其將帥莫敢仰視後十餘日繡反襲太祖營太祖出戰不利輕騎引去韋戰於門中賊不得入兵遂散從他門並入時韋校尚有十餘人皆殊死戰無不一當十賊前後至稍多韋以長戟左右擊之一义入輒十餘矛摧左右死傷者畧盡韋被數十創短兵接戰賊前搏之韋雙挾兩賊擊殺之餘賊不敢前韋復前突賊殺數人創重發瞋目大罵而死賊乃敢前取其頭傳觀之覆軍就視其軀太祖退住舞陰聞韋死爲流涕募間取其喪親自臨哭之遣歸葬襄邑拜子滿爲郎中車駕每過常祠以中牢太祖思韋拜滿爲司馬引自近文帝卽王位以滿爲都尉賜爵關內侯

龐惠字令明南安狽道人也

桓音

少爲郡吏州從事初平中從馬騰

擊反羌叛氏數有功稍遷至校尉建安中太祖討袁譚尚於黎陽譚遣郭援高幹等略取河東太祖使鍾繇率關中諸將討之惠隨騰子超拒援幹於平陽惠爲軍鋒進攻援幹大破之親斬援首

魏畧

曰惠手斬一級不知是後賊罷之後眾人言援死而不得其首援鍾繇之甥惠晚後於韃中出一頭繇見之而哭惠謝繇曰援雖我甥乃國賊也卿何謝之拜中郎將

封都亭侯後張白騎叛於弘農惠復隨騰征之破白騎於兩穀間

每戰常陷陣却敵勇冠騰軍後騰徵為衛尉惠留屬超太祖破超

於渭南惠隨超亡入漢陽保冀城後復隨超奔漢中從張魯太祖

定漢中惠隨眾降太祖素聞其驍勇拜立義將軍封關門亭侯邑

三百戶侯音衛開等以宛叛真將所領與曹仁共攻拔宛斬音開

遂南屯樊討關羽樊下諸將以惠兄在漢中頗疑之魏書曰其從兄各案時在蜀惠

常曰我愛國恩義在效死我欲身自擊羽今年我不殺羽羽當殺

我後親與羽交戰射羽中額時惠常乘白馬羽軍謂之白馬將軍

皆憚之仁使惠屯樊北十里會天霖雨十餘日漢水暴溢樊下平

地五六丈惠與諸將避水上隄羽乘船攻之以大船四面射隄上

惠被甲持弓箭不虛發將軍董衡部曲將董超等欲降惠皆收斬

之自平日力戰至日過中羽攻益急矢盡短兵接戰惠謂督將成

何曰吾聞良將不怯死以苟免烈士不毀節以求生今日我死日

也戰益怒氣愈壯而水浸盛吏士皆降惠與麾下將一人五伯二

人彎弓傳矢乘小船欲還仁營水盛船覆失弓矢獨抱船覆水中

為羽所得立而不跪羽謂曰卿兄在漢中我欲以卿為將不早降

何為惠罵羽曰豎子何謂降也魏王帶甲百萬威振天下汝劉備

庸才耳豈能敵耶我寧為國家鬼不為賊將也遂為羽所殺太祖

聞而悲之為之流涕封其二子為列侯文帝即王位乃遣使就惠

墓賜諡策曰昔先軫喪元王蠲絕脰隕身殉節前代美之惟侯式

昭果毅蹈難成名聲溢當時義高在昔寡人愍焉諡曰壯侯又賜

子會等四人爵關內侯邑各有戶會勇烈有父風官至中衛將軍

封列侯

王隱蜀記曰鍾會平蜀前後鼓吹迎惠屍喪還葬鄴家中身首如生 臣松之案惠死於樊城文帝即位又遣使至惠墓所則其屍喪不應在蜀此王隱之虛說也

龐清字子冀酒泉表氏人也初以涼州從事守破羌長會武威太守張猛反殺刺史邯鄲商猛令曰敢有臨商喪死不赦清聞之棄官晝夜奔走號哭喪所訖詣猛門求七首欲因見以殺猛猛知其義士赦遣不殺由是以忠烈聞魏畧曰猛兵欲來縛清猛聞之歎曰猛以殺刺史義之士邪遂使行服 典畧曰張猛字叔威本蠡人也猛父貞桓帝時仕歷郡守中郎將太常遂居華陰終因葬焉建安初猛任邯鄲刺史別典四郡時武威太守缺詔又以猛父昔在河西有威名乃州詔以陳留人邯鄲商為雍州刺史別典四郡時武威太守缺詔又以猛父昔在河西有威名乃以猛補之商猛俱西初猛與商同歲每相戲侮及其之官行道更相責辱到商欲誅猛猛覺之遂勒兵攻商商治舍與猛側近商聞兵至恐怖登屋呼猛字曰叔威汝欲殺我耶然我死者有知汝亦族矣請和解尚可乎猛因呼曰來商踰屋就猛猛因責數之語畢以南屬都郵督郵錄商閉置傳舍後商欲逃事覺遂殺之是歲建安十四年也至十五年將軍韓遂自上討猛猛發兵遣軍東拒其吏民畏遂乃反共攻猛初貞為武威太守時猛方在孕母廖帶負印綬登樓而歌且以告與貞訊占夢者曰夫人方生男後當復臨此郡其必死官乎及猛被攻自知必死曰太守徐使死者無知則已矣若有知者使吾頭東過華陰歷先君之墓乎乃登樓自燒而死太守徐揖請為主簿後郡人黃昂反圍城清棄妻子夜踰城出圍告急於張掖燉煌二郡初疑未肯發兵清欲伏劍二郡感其義遂為興兵軍未至而郡城邑已陷揖死清乃收斂揖喪送還本郡行服三年

乃還太祖聞之辟為掾屬文帝踐阼拜駙馬都尉遷西海太守賜爵關內侯後徵拜中散大夫薨子曾嗣初清外祖父趙安為同縣李壽所殺消舅兄弟三人同時病死壽家喜消母娥自傷父讐不報乃幃車袖劍白日刺壽於都亭前訖徐詣縣顏色不變曰父讐已報請受戮祿福長尹嘉解印綬縱娥娥不肯去遂彊載還家會赦得免州郡歎貴刊石表閭皇甫謐烈女傳曰酒泉烈女龐娥親者表氏龐子夏之妻祿福趙君安之女也君安為同縣李壽所殺娥親有男弟三人皆欲報讐壽深以為備會遭災疫三人皆死壽聞大喜請會宗族共相慶賀云趙氏強壯已盡唯有女弱何足復憂防備懈弛娥親子清出行聞壽此言遂以啓娥親親既素有報讐之心及聞壽言感激愈深愴然隕涕曰李壽汝莫喜也終不活汝戴履天地為吾門戶吾三子之羞也焉知娥親不手刃殺汝而自徼倖邪陰市名刀挾長持短晝夜哀酸志在殺壽壽為人凶豪聞娥親之言更乘馬帶刀鄉人皆畏憚之比隣有徐氏婦憂娥親不能制恚逆見中害每諫止之曰李壽男子也凶惡有素如今備衛在身趙雖有強烈之志而疆弱不敵邂逅不制則為重受禍於壽絕滅門戶痛辱不輕也願詳舉動為門戶之計娥親曰父母之讐不同天地共日月者也李壽不死娥親視息世間活復何求今雖三弟早死門戶泯滅而娥親猶在豈可假手於人哉若以卿心況我則李壽不可得殺論我之心壽必為我所殺明矣夜數磨礪所持刃訖扼腕切齒悲涕長歎家人及鄉里咸共笑之娥親請左右曰卿等笑直以我女弱不能殺壽故也要當以壽頸血汚此刃乃令汝輩見之遂棄家事乘鹿車伺壽至光緒二年二月上旬以白日清時於都亭之前與壽相遇便下車扣壽馬叱之壽驚憚迴馬欲走娥親奮刀所之并傷其馬馬驚壽擗道邊溝中

娥親尋復就地斫之探中樹蘭折所持刃壽被創未死娥親因前欲取壽所佩刀殺壽壽護刀腹
目大呼跳梁而起娥親乃挺身奮手左抵其額右椿其喉反覆盤旋應手而倒遂拔其刀以截壽
頭持詣都亭歸罪有司徐步詣獄辭顏不變時祿福長壽陽尹嘉不忍論娥親即解印綬去官弛
法縱之娥親曰譬塞身死妾之明分也治獄制刑君之常典也何敢貪生以枉官法鄉人聞之傾
城奔往觀者如堵焉莫不為之悲喜憐慨嗟嘆也守尉不敢公縱陰詔使去以便宜自匿娥親抗
聲大言曰枉法逃死非妾本心今警人已雪死則妾分乞得歸法以全國體雖復萬死於娥親畢
足不敢貪生為明廷負也尉故不聽所執娥親復言曰匹婦雖微猶知憲制殺人之罪法所不縱
今既犯之義無可逃乞就刑戮隕身朝帝肅明王法娥親之願也辭氣愈厲而無懼色尉知其難
奪疆載還家涼州刺史周洪酒泉太守劉班等並共表上稱其烈義刊石立碑顯其門閭太常弘
農張奐貴尚所履以束帛二十端禮之海內聞之者莫不歎容贊善高大其義故黃門侍郎安定
梁寬追述娥親為其作傳玄晏先生以為父母之警不與共天地蓋男子之所為也而娥親以女
弱之微念父辱之酷痛感警黨之凶言奮劍仇頭人馬俱摧塞亡父之怨冤雪三弟之永恨近古
已來未之有也詩云修我戈矛與子同仇娥親之謂也

閻溫字伯儉天水西城人也以涼州別駕守上邽令馬超走奔上
邽郡人任養等舉眾迎之溫止之不能禁乃弛還州超復圍州所
治冀城甚急州乃遣溫密出告急於夏侯淵賊圍數重溫夜從水
中潛出明日賊見其迹遣人追遮之於顯親界得溫執還詣超超
解其縛謂曰今成敗可見足下為孤城請救而執於人手義何所

施若從吾言反謂城中東方無救此轉禍為福之計也不然今為
戮矣溫偽許之超乃載溫詣城下溫向城大呼曰大軍不過三日
至勉之城中皆泣稱萬歲超怒數之曰足下不為命計邪溫不應
時超攻城久不下故徐誘溫冀其改意復謂溫曰城中故人有欲
與吾同者不溫又不應遂切責之溫曰夫事君有死無貳而卿乃
欲令長者出不義之言吾豈苟生者乎超遂殺之先是河右擾亂
隔絕不通燉煌太守馬艾率官府又無丞功曹張恭素有學行郡
人推行長史事恩信甚著乃遣子就東詣太祖請太守時酒泉張
華張掖張進各據其郡欲與恭艾并勢就至酒泉為華所拘執劫
以白刃就終不回私與恭疏曰大人率厲燉煌忠義顯然豈以就
在困厄之中而替之哉昔樂羊食子李通覆家經國之臣寧懷妻
季邪今大軍垂至但當促兵以掎之耳願不以下流之愛使就有

恨於黃壤也恭即遣從弟華攻酒泉沙頭乾齊二縣恭又連兵尋繼華後以為首尾之援別遣鐵騎二百迎吏官屬東緣酒泉北塞徑出張掖北河逢迎太守尹奉於是張進須黃華之助華欲救進西顧恭兵恐急擊其後遂請金城太守蘇則降就竟平安奉得之官黃初二年下詔褒揚賜恭爵關內侯拜西域戊巳校尉數歲徵還將授以侍臣之位而以子就代焉恭至燉煌固辭疾篤太和中卒贈執金吾就後為金城太守父子著稱於西州

世語曰就子敷字祖文弘毅有幹正晉武帝世為廣漢太守王濬在益州受中制募兵討吳無虎符徵收濬從事列上由此召敷還帝責敷何不密啓而便收從事敷曰蜀漢絕遠劉備嘗用之輒收臣猶以為輕帝善之官至匈奴中郎將敷子固字元安有敬風為黃門郎早卒敷一本作勃魏畧勇俠傳載孫賓碩視公道楊阿若鮑出等四人賓碩雖漢人而魚豢編之魏書蓋以其人接魏事義相類故也論其行節皆雁關之流其祝公道一人已見賈逵傳今列賓碩等三人于後孫賓碩者北海人也家素貧當漢桓帝時常侍左官唐衡等權侔人主延熹中衡弟為京兆虎牙都尉秩比二千石而統屬郡衡弟初之官不修敬於京兆尹入門不持版郡功曹趙息呵廊下曰虎牙儀如屬城何得放管入府門促收其主簿衡弟顧促取版既入見尹尹欲修主人教外為市買息又啓云左官子弟來為虎牙非德選不足為特酷買宜隨中舍菜食而已及其到官遣吏奉賤謝尹息又救門言無常見此無陰兒輩子弟邪用其雙記為通乎晚乃通之又不得即令報衡弟皆知之甚悲欲滅諸趙因書與衡求為京兆

尹旬月之間得為之息自知前過乃逃走時息從父仲臺見為涼州刺史於是衡為詔徵仲臺遣歸遂詔中都官及郡都督郵捕諸趙尺兒以上及仲臺皆殺之有藏者與同罪時息從父岐為皮氏長聞有家禍因從官舍逃走之河間變姓字又轉詣北海著絮巾布袴常於市中販胡餅實碩時年二十餘乘犢車將騎入市觀見岐疑其非常人也因問之曰自有餅邪販之邪岐曰販之實碩曰買幾錢賣幾錢岐曰買三十亦賣三十實碩曰視處士之望非似賣餅者始有故乃開車後戶顧所將兩騎今下馬扶上之時岐以為是唐衡耳目也甚怖面失色實碩閉車後戶下檐謂之曰視處士狀貌既非販餅者加今而色變動即不有重怨則當亡命我北海孫賓碩也闔門百口又有百歲老母在堂勢能相度者也終不相負必語我以實岐乃具告之賓碩遂載岐驅歸住車門外先入白母言今日出得死友在外當來入拜乃出延岐入推牛鍾酒快相娛樂一二日因載著別田舍藏置復壁中後數歲唐衡及弟皆死岐乃得出還本郡三府並辟展轉仕進至郡守刺史太僕而賓碩亦從此顯名於東國仕至豫州刺史初平末賓碩以東方亂荒南客荊州至與平中趙岐以太僕持節使安慰天下南詣荊州乃復與賓碩相遇相對流涕岐為劉表陳其本末由是益禮賓碩頃之賓碩病亡岐在南為行喪也楊阿若後名豐字伯陽酒泉人少游俠常以報仇解怨為事故時人為之號曰東市相斫楊阿若西市相斫楊阿若至建安年中太守徐揖誅郡中疆族黃氏時黃昂得脫在外乃以昂家粟金數斛募眾得千餘人以攻揖城守豐時在外以昂為不義乃告揖揖妻子走詣張掖求救會張掖又反殺太守而昂亦陷城殺揖二郡合勢昂志昂不與已同乃重募取豐欲令張掖以麻繫其頭生致之豐遂逃走武威太守張猛假豐為都尉使齋檄告酒泉聽豐為揖報讐豐遂單騎入南羌中合眾得千餘騎從樂浪南山中出指趨郡城未到三十里皆令騎下馬曳柴揚塵酒泉郡人望見塵起以為東大兵到遂破散昂獨走出羌捕得昂昂為昂曰卿前欲生繫我頸今反為我所繫云何昂謝豐遂殺之時黃華在東又還領郡豐畏華復走依燉煌至黃初中河西與復黃華降豐乃還郡郡人表其義勇詔即拜騎馬都尉後二十餘年病亡鮑出字文才京兆新豐人也少游俠與平中三輔亂出與老母兄弟五人家居本縣以飢餓留其母守舍相將行採蓬實合得數升使其二兄初雅及其弟成持歸為母作食獨與小弟在後採蓬初等到家而噉人賊數十人已畧其母以繩貫其手掌驅去初等怖恐

不致追逐須臾出從後到知母為賊所畧欲追賊兄弟皆云賊眾當如何出怒曰有母而使賊貫其手將去莫救之用活何為乃攘臂結袂獨追之行數里及賊賊望見出乃共布列待之出到回從一頭斫賊四五人賊走復合聚圍出出跳越圍所之又殺十餘人時賊分布驅出母前去賊連擊出不勝乃走與前輩合出復追擊之還見其母與比舍姬同貫相連出遂復奮擊賊賊問出曰卿欲何得出責數賊指其母以示之賊乃解遂出母比舍姬獨不解遂望出求哀出復斫賊賊謂出曰已還卿母何為不止出又指求哀姬此我嫂也賊復解還之出得母遂相扶持客南陽建安五年關中始開出來北歸而其母不能步行兄弟欲共輿之出以輿車歷山險危不如負之安穩乃以籠盛其母獨自負之到鄉里鄉里士大夫嘉其孝烈欲薦州郡都辟召出出曰田民不堪冠帶至青龍中母年百餘歲乃終出時年七十餘行喪如禮於今年八九十才若五六十者魚豢曰昔孔子歎顏回以為三月不違仁者蓋觀其心耳孰如孫祝菜色於市里顛倒於牢獄據有實事哉且夫漢陽周氏不敢匿迹魯之宋家不問情實是何也懼禍之及且心不安也而太史公猶貴其竟脫季布豈若二賢厥義多乎今故遠收孫祝而近錄楊鮑既不欲其泯滅且敦薄俗至於鮑出不染禮教心痛意發起於自然跡雖在編戶與罵烈君子何以異乎若夫楊阿若少稱任俠長遂蹈義自西徂東摧討逆節可謂勇力而有仁者也

評曰李典貴尚儒雅義忘私隙美矣李通臧霸文聘呂虔鎮衛州郡並著威惠許褚典韋折衝左右抑亦漢之樊噲也龐惠授命叱敵有周苛之節龐清不憚伏劍而誠感鄰國閭閻向城大呼齊解路之烈焉

魏書十八

西漢書

三國志十八

魏書十九

三國志十九

任城陳蕭王傳十九

任城威王彰字子文少善射御膂力過人手格猛獸不避險阻數

從征伐志意慷慨太祖常抑之曰汝不念讀書慕聖道而好乘汗

馬擊劍此一夫之用何足貴也課彰讀詩書彰謂左右曰丈夫一

為衛霍將十萬騎馳沙漠驅戎狄立功建號耳何能作博士邪太

祖嘗問諸子所好使各言其志彰曰好為將太祖曰為將奈何對

曰披堅執銳臨難不顧為士卒先賞必行罰必信太祖大笑建安

二十一年封鄴陵侯二十三年代郡烏丸反以彰為北中郎將行

驍騎將軍臨發太祖戒彰曰居家為父子受事為君臣動以王法

從事爾其戒之彰北征入涿郡界叛胡數千騎卒至時兵馬未集

唯有步卒千人騎數百匹用田豫計固守要隙虜乃散退彰追之

身自搏戰射胡騎應茲而倒者前後相屬戰過半日彰鎧中數箭
 意氣益厲乘勝逐北至于桑乾臣松之案桑乾縣屬代郡今北虜居之號為索于之部去代二百餘里
 長史諸將皆以為新涉遠士馬疲頓又受節度不得過代不可深
 進違令輕敵彰曰率師而行唯利所在何節度乎胡走未遠追之
 必破從令縱敵非良將也遂上馬令軍中後出者斬二日一夜與
 虜相及擊大破之斬首獲生以千數彰乃倍常科大賜將士將士
 無不悅喜時鮮卑大人軻比能將數萬騎觀望疆弱見彰力戰所
 向皆破乃請服北方悉平時太祖在長安召彰詣行在所彰自代
 過鄴太子謂彰曰卿新有功今西見上宜勿自伐應對常若不足
 者彰到如太子言歸功諸將太祖喜持彰鬚曰黃鬚兒竟大奇也
魏畧曰太祖在漢中而劉備栖於山頭使劉封下挑戰太祖罵曰賣履吞兒長使假子拒汝公平待呼我黃鬚來令擊之乃曰彰晨夜進道西到長安而太祖已還從漢中而歸彰鬚黃故以呼之
 太祖東還以彰行越騎將軍留長安太祖至洛陽得疾驛召彰未

至太祖崩魏略曰彰至謂臨蒞侯植曰先王召我者欲立汝也植曰不可不見表氏兄弟乎文帝即王位彰與諸侯就

國魏畧曰太子嗣立既葬遣彰之國始彰自以先王兄任有功冀因此遂見授用而聞當隨劍意甚不悅不待遣而去時以鄢陵瘠薄使治中牟及受禪因封為中牟王是後大駕幸許昌北州諸侯上下皆畏彰之剛嚴每過中牟不敢不速詔曰先王之道庸勲親親並建母弟開國承家

故能藩屏大宗禦侮厭難彰前受命北伐清定朔土厥功茂焉增

邑五千并前萬戶黃初二年進爵為公三年立為任城王四年朝

京都疾薨于邸諡曰威魏氏春秋曰初彰問繼統將有異志故來朝不即得見彰忿怒暴薨至葬賜鑾輅龍旂

虎賁百人如漢東平王故事子楷嗣徙封中牟五年改封任城縣

太和六年復改封任城國食五縣二千五百戶青龍三年楷坐私

遣官屬詣中尚方作禁物削縣二千戶正始七年徙封濟南三千

戶正元景元初連增邑凡四千四百戶楷泰始初為崇化少府見百官名

陳思王植字子建年十歲餘誦讀詩論及辭賦數十萬言善屬文

太祖嘗視其文謂植曰汝倩人邪植跪曰言出為論下筆成章願

當面試奈何倩人時鄴銅爵臺新成太祖悉將諸子登臺使各為

賦植援筆立成可觀太祖甚異之陰澹魏紀載植賦曰從明后而嬉游兮登層臺以娛情見太府之廣開兮觀聖德之所營建高

門之嵯峨兮浮雙闕乎太清立中天之華觀兮連飛闕乎西城臨漳水之長流兮望園果之滋榮仰春風之和穆兮聽百鳥之悲鳴天雲垣其既立兮家願得而獲遠揚仁化於宇內兮盡肅恭於上京惟桓文之為盛兮豈足方乎聖明休矣美矣惠澤遠揚翼佐我皇家兮寧彼四方性簡易

同天地之規量兮齊日月之暉光永貴尊而無極兮等年壽於東王云云太祖深異之

不治威儀與馬服飾不尚華麗每進見難問應聲而對特見寵愛

建安十六年封平原侯十九年徙封臨菑侯太祖征孫權使植留

守鄴戒之曰吾昔為頓丘今年二十三思此時所行無悔於今今

汝年亦二十三矣可不勉與植既以才見異而丁儀丁廙楊修等

為之羽翼太祖狐疑幾為太子者數矣而植任性而行不自彫勵

飲酒不節文帝御之以術矯情自飾宮人左右並為之說故遂定

為嗣二十二年增補邑五千并前萬戶植嘗乘車行馳道中開司

馬門出太祖大怒公車令坐死由是重諸侯科禁而植寵日衰魏武

故事載今日始者謂子建見中最可定大事又今日自臨菑侯植私出開司馬門至金門令吾

目視此兒矣又今日諸侯長史及帳下吏知吾出輒將諸侯行意否從子建私開司馬門來吾

不復信諸侯也恐吾適出便復私出故攝將行不可恒使吾爾誰為心腹也太祖既慮終始之變以楊修頗有才策

而又表氏之甥也於是以罪誅修植益不自安典曰楊修字德祖太尉處子也諱恭才博建

安中舉孝廉除郎中丞相請署會曹屬主簿是時軍國多事修總知內外事皆稱意自魏太子已

下並爭與交好又是時臨菑侯植以才捷愛幸來意投修與修書書曰數日不見思子為夢想

同之也僕少好辭賦迄至于今二十有五年矣然今世作者可畧而言也昔仲宣獨步於漢南孔

璋鷹揚於河朔偉長擅名於青土公幹振藻於海隅德璉發迹於大魏足下高視於上京當此之

時人人自謂握靈蛇之珠家家自謂抱荆山之玉也吾王於是設天網以該之頓八紘以掩之今

盡集茲國矣然此數子猶不能飛翰絕迹一舉千里也以孔璋之才不閑辭賦而多自謂與司馬

長卿同風譬書虎不成還為狗者也前為書囑之反作論盛道僕贊其文夫鍾期不失聽于今

之吾亦不敢妄歎者畏後之嗤余也世人著述不能無病僕嘗好入譏彈其文有不善者應時改

抹史官之實錄辨時俗之得失定仁義之哀成一家之言雖未能藏之名山將以傳之同好此要
之曰自豈可以今日論乎其言之不作恃惠子之知我也明早相迎書不盡懷修答曰不待數日
若彌年載當獨愛顧之隆使係仰之情深邪損辱來命蔚矣其文誦讀反覆雖風雅頌不復過也
若仲宣之擅江表陳氏之跨冀域徐劉之顯青豫應生之發魏國斯皆然矣至如修者聽采風聲
仰德不暇目周章於首覽何惶駭於高視哉伏惟君侯少長貴盛體日發之質有聖善之教遠近
觀者徒謂能宣昭懿德光贊大業而已不謂復能兼覽傳記雷思文章今乃舍王超陳度絨數子
觀者駭視而拭目聽者傾首而聳耳非夫體通性達受之自然其誰能至於此乎又嘗親見執事
握牘持筆有所造作若成誦在心借書於手曾不斯須少爾思慮仲尼日月無所踰焉修之仰望
殆如此矣是以對鵬而辭作暑賦彌日而不獻見西施之容歸憎其貌者也伏想執事不知其然
猥受顧賜教使刊定春秋之成莫能損益呂氏淮南字直千金然而弟子鉗口市人拱手者聖賢
卓犖固所以殊絕凡庸也今之賦頌古詩之流不更孔公風雅無別耳修家子雲老不曉事繼著
一書悔其少作若此仲山周且之徒則皆有德乎君侯忘聖賢之顯迹述鄴宗之過言竊以為未
之思也若乃不忘經國之大美流千載之英聲銘功景鐘書名竹帛此自雅量素所蓄也豈與文
章相妨害哉輒受所惠竊備瞻矚歌誦而已敢忘惠施以奉莊氏季緒瑣瑣何足以及其相往來
如此其數植後以驕縱見疏而植故連綴修不止修亦不敢自絕至二十四年秋公以修前後漏
泄言教交關諸侯乃收殺之修臨死謂故人曰我固自以死之晚也其意以為坐曹植也修死後
百餘日而太祖薨太子立遂有天下初修以所得王髦劍奉太子太子常服之及即尊位在洛陽
從容出宮追思修之過薄也撫其劍駐車顧左右曰此楊德祖昔所說王髦劍也髦今為在及召
見之賜髦穀帛 擊虞文章志曰劉季緒名修劉表子官至東安太守著詩賦頌六篇 臣松之
案呂氏春秋曰人有臭者其兄弟妻妾皆臭能與居其人自若而居海上海人有悅其臭者晝
夜隨之而不能去此植所云逐臭之夫也田巴事出魯連子亦見身覽文多故不載 世語曰修
年二十五以名公子有才能為太祖所器與丁儀兄弟皆欲以植為嗣太子患之以車載廢簏內
胡歌長吳質與謀修以白太祖未及推驗太子懼告質質曰何患明日復以籠受絹車內以惑之
修必復重白重白必推而無驗則彼受罪矣世子從之修果白而無人大祖由是疑焉修與質

案始立世說嘗譽篇注
引世語作始立正乃立字之
形誤也

王凌並為主簿而為植所友每當就植慮事有關於度太祖意豫作答教十餘條教門下教出以
次答教裁出答已入太祖惟其捷推問始泄太祖遣太子及植各出鄴城一門密敕門不得出以
觀其所為太子至門不得出而還修先戒植若門不出侯侯受王命可斬守者植從之故修遂以
交臂賜死修子躡躡子準皆知名於晉世躡泰始初為典軍將軍受心膂之任早卒準字始丘惠
帝末為冀州刺史 荀綽冀州記曰準見王綱不振遂縱酒不以官事為意逍遙卒歲而已成都
王知進不治猶以為其各士惜而不責召以為軍謀祭酒府散停家關東諸侯議欲以準補三事
以示懷賢尚德之舉事未施行而卒準子嶠字國彥髦字士彥並為後出之俊準與裴頠樂廣善
遣往見之頠性弘方愛嶠之有高韻謂準曰嶠當及卿然髦不減也廣性清淳愛髦之有神檢謂
準曰嶠自及卿然髦尤精出準歎曰我二兒之優劣乃裴樂之優劣也評者以為嶠雖欲高韻而
神檢不逮廣言為得傳暢云嶠似準而疎嶠弟俊字惠彥最清出嶠髦皆為二千石俊太傅掾

二十四年曹仁為關羽所圍太祖以植為南中郎將行征虜將軍欲
遣救仁呼有所敕戒植醉不能受命於其悔而罷之

醉之王召植植不能
受王命故王怒也 文帝即王位誅丁儀丁廙並其男口

親善時隨乘輿見國家未定乃與太祖書曰足下平生有嘔然有匡佐之志今其時矣是時張揚
適還河內太祖得其書乃引軍迎天子東詣許以冲為司隸校尉後數來過諸將飲酒美不能止
醉爛腸死太祖以冲前見開導常德之聞儀為令士雖未見欲以愛女妻之以問五官將五官將
曰女人觀貌而正禮目不便誠恐愛女未必悅也以為不如與伏波子楙太祖從之尋辟儀為掾
到與論議嘉其才朗曰丁掾好士也即使其兩目盲尚當與女何況但眇是吾兒誤我時儀亦恨
不得尚公主而與臨苗侯親善數稱其奇才太祖既有意欲立植而儀又共贊之及太子立欲治
儀罪轉儀為右刺姦掾欲儀自裁而儀不能乃對中領軍夏侯尚叩頭求哀尚為涕泣而不能救
後遂因祿事收付獄殺之 廙字敬禮儀之弟也文士傳曰廙少有才姿博學洽聞初辟公府建

安中為黃門侍郎廉嘗從容謂太祖曰臨苗侯天性仁孝發於自然而聰明得達其始庶幾至於博學淵識文章絕倫當今天下之賢才君子不問少長皆願從其游而為之死實天下所以種福於大魏而永受無窮之祚也欲以勸動太祖太祖答曰植吾愛之安能若卿言吾欲立之為嗣何如與曰此國家之所以興衰天下之所以存亡非愚劣瑣瑣者所敢與及與聞知臣莫若於君知子莫若於父至於君不論明闇父不問賢愚而能常知其臣子者何益由相知非一事一物相盡非一旦一夕況明公加之以明哲習之以人子今發明達之命吐永安之言可謂上應天命下合人心得之於須臾垂之於萬世者也與

植與諸侯並就國黃初二年監國謁者灌均希指奏植醉酒悖慢劫脅使者有司請治罪帝以太后故貶

爵安鄉侯總書載詔曰植朕之同母弟朕於天下無所不容而況植乎骨肉之親捨而不誅其改封植其年改封鄆城侯三年

立為鄆城王邑二千五百戶四年徙封雍丘王其年朝京都上疏

曰臣自抱釁歸藩刻肌刻骨追思罪戾盡分而食夜分而寢誠以

天網不可重離聖恩難可再恃竊感相見之篇無禮過死之義形

影相弔五情愧赧以罪棄生則違古賢夕改之勸忍活苟全則犯

詩人胡顏之譏伏惟陛下德象天地恩隆父母施暢春風澤如時

雨是以不別荆棘者慶雲之惠也七子均養者尸鳩之仁也舍罪

責功者明君之舉也矜愚愛能者慈父之恩也是以愚臣徘徊於

恩澤而不能自棄者也前奉詔書臣等絕朝心離志絕自分黃耆

無復執珪之望不圖聖詔猥垂齒召至止之日馳心輦轂僻處西

館未奉闕廷踊躍之懷瞻望反仄謹拜表獻詩二篇其辭曰於穆

顯考時惟武皇受命于天寧濟四方朱旗所拂九土披攘玄化滂

流荒服來王超商越周與唐比蹤篤生我皇奕世再聰武則肅烈

文則時雍受禪炎漢臨君萬邦萬邦既化率由舊則廣命懿親以

藩王國帝曰爾侯君茲青土奄有海濱方周于魯車服有輝旗章

有叙濟濟雋乂我弼我輔伊予小子恃寵驕盈舉挂時網動亂國

經作藩作屏先軌是墜傲我皇使我朝儀國有典刑我削我紕

將寘于理元兇是率明明天子時篤同類不忍我刑暴之朝肆違

彼執憲哀予小子改封宛邑于河之濱股肱弗置有君無臣荒淫

之闕誰弼予身
煢煢僕夫于彼冀方
嗟予小子乃罹斯殃
赫赫小子恩不遺物
冠我玄冕要我朱紱
朱紱光大使我榮華
剖符授玉王爵是加
仰齒金璽俯執聖策
皇恩過隆祗承怵惕
咨我小子頑凶是嬰
逝慙陵墓存愧闕廷
匪敢傲德寔恩是恃
威靈改加足以沒齒
昊天罔極性命不圖
常懼顛沛抱罪黃墟
願蒙矢石建旗東嶽
庶立豪釐微功自贖
危軀授命知足免戾
甘赴江湘奮戈吳越
天啓其衷得會京畿
遲奉聖顏如渴如飢
心之云慕愴矣其悲
天高聽卑皇肯照微
又曰肅承明詔應會
皇都星陳夙駕秣馬
脂車命彼掌徒肅我
征旅朝發鸞臺夕宿
蘭渚芒芒原隰祁祁
士女經彼公田樂我
稷黍爰有樛木重陰
匪息雖有糗糧飢不
遑食望城不過面邑
匪游僕夫警策平路
是由玄駟藹藹揚鑣
灑沫流風翼衡輕雲
承蓋涉澗之濱綠山之隈
遵彼河澗黃阪是階
西濟關谷

或降或升驂駢倦路再寢再興將朝聖皇匪敢晏寧弭節長驚指

日遄征前驅舉燧後乘抗旌輪不輟運鸞無廢聲爰暨帝室稅此

西墉嘉詔未賜朝覲莫從仰瞻城闕俯惟闕廷長懷永慕憂心如

醒帝嘉其辭義優詔答勉之魏略曰初植未到關自念有過宜當謝帝乃留其從官

而關吏以聞帝使人逆之不得見太后以為自殺也對帝泣會植科頭負鐵鑽徒跣詣闕下帝及

太后乃喜及見之帝猶嚴顏色與語又不使冠履植伏地泣涕太后為不樂詔乃聽復王服

魏氏春秋曰是時待遇諸國法峻任城王累薨諸王既懷友于之痛植及白馬王彪還國欲同路

東歸以叙隔濶之思而監國使者不聽植發憤告歸而作詩曰謁帝承明廬逝將歸舊疆清晨發

皇邑日夕過自陽伊洛瞻日深欲濟川無眾汎舟越洪濤怨彼東路長回顧戀城闕引頌情內傷

大谷何寥廓山樹鬱蒼蒼霖雨泥我塗流潦浩從橫中田絕無軌改轍登高岡修阪造雲日我馬

玄以黃玄黃猶能進我思鬱以紆鬱紆將何念親愛在離居本圖相與偕中更不克俱鳴泉鳴衡

輒豺狼當路衢蒼蠅問白黑讒巧反親疎欲遂絕無蹊擊轡止踟躕踟躕亦何留相思無終極秋

風發微涼寒蟬鳴我側原野何蕭條白日忽西匿孤獸走索群銜草不遑食歸鳥赴高林翩翩厲

羽翼感物傷我懷撫心長嘆息嘆息何所為天命與我違奈何念同生一往形不歸孤魂翔故域

靈柩寄京師存者勿須過亡沒身自衰人生處一世忽若朝露晞年在桑榆間影響不能追自顧

非金石咄咄令心悲心悲勸我神棄置莫復陳丈夫志四海萬里猶比鄰恩愛苟不虧在遠分日

親何必同衾憐然後展殷勤倉卒骨肉情能不懷若幸若辛何慮思天命信可疑虛無末列仙松

子久吾欺變故在斯須百年誰能持離別永無會執手將何時王其愛玉體俱享黃髮期收涕即

長塗按筆

從此辭

六年帝東征還過雍丘幸植宮增戶五百太和元年徙封

浚儀二年復還雍丘植常自憤怨抱利器而無所施上疏求自試
曰臣聞士之生世入則事父出則事君事父尚於榮親事君貴於
與國故慈父不能愛無益之子仁君不能畜無用之臣夫論德而
授官者成功之君也量能而受爵者畢命之臣也故君無虛授臣
無虛受虛授謂之謬舉虛受謂之尸祿詩之素餐所由作也昔二
虢不辭兩國之任其德厚也且與不讓燕魯之封其功大也今臣
蒙國重恩三世于今矣正值陛下升平之際沐浴聖澤潛潤德教
可謂厚幸矣而竊位東藩爵在上列身被輕煖口厭百味目極華
靡耳倦絲竹者爵重祿厚之所致也退念古之授爵祿者有異於
此皆以功勤濟國輔主惠民今臣無德可述無功可紀若此終年
無益國朝將挂風人彼已之譏是以上慙玄冕俯愧朱紱方今天
下一統九州晏如而顧西有違命之蜀東有不臣之吳使邊境未

得脫甲謀士未得高枕者誠欲混同宇內以致太和也故啓滅有
扈而夏功昭成克商奄而周德著今陛下以聖明統世將欲卒文
武之功繼成康之隆簡賢授能以方叔邵虎之臣鎮御四境爲國
爪牙者可謂當矣然而高鳥未挂於輕繳淵魚未縣於鈎鉞者恐
鈎射之術或未盡也昔耿弇不俟光武亟擊張步言不以賊遺於
君父故車右伏劔於鳴轂雍門刻首於齊境若此二士豈惡生而
尚死哉誠忿其慢主而陵君也

劉向說苑曰越甲至齊雍門狄請死之齊王曰鼓
鐸之聲未聞矢石未交長兵未接子何務死知爲
人臣之禮邪雍門狄對曰臣聞之昔者王田於囿左轂鳴車右請死之王曰子何爲死車右曰爲
其鳴吾君也王曰左轂鳴者此工師之罪也子何事之有焉車右對曰吾不見工師之乘而見其
鳴吾君也遂刎頸而死有是乎王曰有之雍門狄曰今越甲至其鳴吾君豈左轂之下哉車右可
以死左轂而臣獨不可以死越甲亦遂刎頸而死是日越人引軍而退七十里曰齊王有臣鈎如
雍門狄疑使越社稷不血食遂歸齊王葬雍門狄以上卿之禮

夫君之寵臣欲以除患興利臣之事君必以
殺身靖亂以功報主也昔賈誼弱冠求試屬國請係單于之頸而
制其命終軍以妙年使越欲得長纓纓其王羈致北闕此二臣豈

好爲誇主而耀世哉。志或鬱結，欲逞其才力，輸能於明君也。昔漢武爲霍去病治第，辭曰：匈奴未滅，臣無以家爲固。夫憂國忘家，捐軀濟難，忠臣之志也。今臣居外，非不厚也，而寢不安席，食不遑味者，伏以二方未克爲念。伏見先武皇帝，武臣宿將，年耆卽世者有聞矣。雖賢不乏世，宿將舊卒，猶習戰陣，竊不自量，志在效命。庶立毛髮之功，以報所受之恩。若使陛下出不世之詔，效臣錐刀之用，使得西屬大將軍當一校之隊，若東屬大司馬統備舟之任，必乘危蹈險，騁舟奮驪，突刃觸鋒，爲士卒先。雖未能禽權、馘亮、庶將虜，其雄率殲其醜類，必效須臾之捷，以滅終身之愧。使名挂史筆，事列朝策，雖身分蜀境，首縣吳闕，猶生之年也。如微才弗試，沒世無聞，徒榮其軀而豐其體，生無益於事，死無損於數，虛荷上位而忝重祿，禽息鳥視，終於白首。此徒囹圄牢之養物，非臣之所志也。流聞

東軍失備，師徒小衄，輟食棄餐，奮袂攘衽，撫劍東顧，而心已馳於

吳會矣。臣昔從先武皇帝，南極赤岸，東臨滄海，西望玉門，北出玄

塞，伏見所以行軍用兵之勢，可謂神妙矣。故兵者不可豫言，臨難

而制變者也。志欲自效於明時，立功於聖世，每覽史籍，觀古忠臣

義士，出一朝之命，以徇國家之難，身雖屠裂，而功銘著於鼎鍾，名

稱垂於竹帛，未嘗不拊心而歎息也。臣聞明主使臣，不廢有罪，故

奔北敗軍之將，用秦魯以成其功。

臣松之案：秦用敗軍之將，事顯故不注。魯連與燕將書曰：曹子爲魯將三戰三北，而亡地五百里。向使曹子計不反顧，義不旋踵，列頸而死，則亦不免爲敗軍之將矣。曹子棄三北之恥，而退與魯君計，桓公朝天子，會諸侯，曹子以一劍之任，披桓公之心，於增城之上，顏色不變，辭氣不悖，三戰之所亡一朝而復之，天下震動，諸侯驚駭，威加吳越。若此二士者，非不能成小廉而行小節也。絕纓盜馬之臣，赦楚趙以濟其

難。

臣松之案：楚莊掩絕纓之罪，事亦顯，故不書。秦穆公有赦，難盜馬事，趙則未聞，蓋以秦亦趙姓，故互文以避上秦字也。臣竊感先帝早崩，威王

棄世，臣獨何人，以堪長久。常恐先朝露填溝壑，墳土未乾，而身名並滅，臣聞騏驥長鳴，伯樂照其能，盧狗悲號，則韓國知其才是以

效之齊楚之路以逞千里之任試之狡兔之捷以驗搏噬之用今
臣志狗馬之微功竊自惟度終無伯樂韓國之舉是以於邑而竊
自痛者也夫臨博而企竦聞樂而竊拊者或有賞音而識道也昔
毛遂趙之陪隸猶假錐囊之喻以寤主立功何況巍巍大魏多士
之朝而無慷慨死難之臣乎夫自銜自媒者士女之醜行也干時
求進者道家之明忌也而臣敢陳聞於陛下者誠與國分形同氣
憂患共之者也冀以塵霧之微補益山海熒燭末光增輝日月是
以敢冒其醜而獻其忠

魏畧曰補雖上此表猶疑不見用故曰夫人貴生者非貴其養
體好服終竟年壽也貴在其代天而利物也夫爵祿者非虛張

者也有功德然後應之當矣無功而爵厚無德而祿重或人以為榮而壯夫以為恥故太上立德
其次立功蓋功德者所以垂名也名者不滅士之所利故孔子有久死之論孟軻有棄生之義彼
一聖一賢豈不願久生哉志或不展也是用喟然求試
必立功也嗚呼言之未用欲使後之君子知吾意者也三年徙封東阿五年復上

疏求存問親戚因致其意曰臣聞天稱其高者以無不覆地稱其
廣者以無不載日月稱其明者以無不照江海稱其大者以無不

容故孔子曰大哉堯之為君惟天為大惟堯則之夫天德之於萬
物可謂弘廣矣蓋堯之為教先親後疏自近及遠其傳曰克明峻
德以親九族九族既睦平章百姓及周之文王亦崇厥化其詩曰
刑于寡妻至于兄弟以御于家邦是以雍雍穆穆風人詠之昔周
公弔管蔡之不咸廣封懿親以藩屏王室傳曰周之宗盟異姓為
後誠骨肉之恩爽而不離親親之義寔在敦固未有義而後其君
仁而遺其親者也伏惟陛下資帝唐欽明之德體文王翼翼之仁
惠洽椒房恩昭九族羣后百寮番休遞上執政不廢於公朝下情
得展於私室親理之路通慶弔之情展誠可謂恕已治人推惠施
恩者矣至於臣者人道絕緒桀錮明時臣竊自傷也不敢過望交
氣類修人事叙人倫近且婚媾不通兄弟乖絕吉凶之問塞慶弔
之禮廢恩紀之違甚於路人隔閼之異殊於胡越今臣以一切之

制永無朝覲之望。至於注心皇極，結情紫闥，神明知之矣。然天實爲之，謂之何哉？退惟諸王常有戚戚具爾之心，願陛下沛然垂詔，使諸國慶問四節，得展以叙骨肉之歡，恩全怡怡之篤，義妃妾之家膏沐之遺，歲得再通齊義於貴宗，等惠於百神如此，則古人之所歎風雅之所詠，復存於聖世矣。臣伏自惟首無錐刀之用，及觀陛下之所拔授，若以臣爲異姓，竊自料度，不後於朝士矣。若得辭遠游，戴武弁，解朱組，佩青紱，駟馬奉車，趣得一號安宅京室，執鞭珥筆，出從華蓋，入侍輦轂，承答聖問，拾遺左右，乃臣丹誠之至願，不離於夢想者也。遠慕鹿鳴君臣之宴，中詠常棣匪他之誠，下思伐木友生之義，終懷蓼莪罔極之哀。每四節之會，塊然獨處，左右惟僕隸所對，惟妻子高談，無所與陳，發義無所與展，未嘗不聞樂而拊心臨觴而歎息也。臣伏以爲犬馬之誠不能動人，譬人之誠不能動天，崩城隕霜，臣初信之，以臣心沈徒虛語耳。若葵藿之傾

葉，太陽雖不爲之回光，然向之者誠也。竊自比於葵藿，若降天地之施，垂三光之明者，實在陛下。臣聞文子曰：不爲福始，不爲禍先。今之否隔，友于同憂，而臣獨倡言者，竊不願於聖世，使有不蒙施之物，有不蒙施之物，必有慘毒之懷。故柏舟有天只之怨，谷風有棄予之歎。故伊尹恥其君不爲堯舜，孟子曰：不以舜之所以事堯事其君者，不敬其君者也。臣之愚蔽固非虞伊，至於欲使陛下崇光被時雍之美，宣緝熙章明之德者，是爲悽悽之誠，竊所獨守。寔懷鶴立企佇之心，敢復陳聞者。冀陛下儻發天聰，而垂神聽也。詔報曰：蓋教化所由，各有隆弊。非皆善始而惡終也。事使之然，故夫忠厚仁及草木，則行葦之詩作，恩澤衰薄，不親九族，則角弓之章刺。今令諸國兄弟情禮簡怠，妃妾之家膏沐疏畧，朕縱不能敦而睦

之王援古喻義備悉矣何言精誠不足以感通哉夫明貴賤崇親親禮賢良順少長國之綱紀本無禁固諸國通問之詔也矯枉過正下吏懼譴以至於此耳已敕有司如王所訴植復上疏陳審舉之義曰臣聞天地協氣而萬物生君臣合德而庶政成五帝之世非皆智三季之末皆非愚用與不用知與不知也既時有舉賢之名而無得賢之實必各援其類而進矣諺曰相門有相將門有將夫相者文德昭者也將者武功烈者也文德昭則可以匡國朝致雍熙稷契夔龍是也武功烈則可以征不庭威四夷南仲方叔是矣昔伊尹之為勝臣至賤也呂尚之處屠釣至陋也及其見舉於湯武周文誠道合志同玄曠神通豈復假近習之薦因左右之介哉書曰有不世之君必能用不世之臣用不世之臣必能立不世之功殷周二王是矣若夫經觀近步遵常守故安足為陛下言哉

故陰陽不和三光不暢官曠無人庶政不整者三司之責也疆場騷動方隅內侵沒軍喪衆干戈不息者邊將之憂也豈可虛荷國寵而不稱其任哉故任益隆者負益重位益高者責益深書稱無曠庶官詩有職思其憂此其義也陛下體天真之淑聖登神機以繼統冀聞康哉之謠偃武行文之美而數年以來水旱不時民困衣食師徒之發歲歲增調加東有覆敗之軍西有殫沒之將至使蚌蛤浮翔於淮泗鼉鼉謹謹於林木臣每念之未嘗不輟食而揮餐臨觴而搯腕矣昔漢文發代疑朝有變宋昌曰內有朱虛東牟之親外有齊楚淮南琅邪此則磐石之宗願王勿疑臣伏惟陛下遠覽姬文二虢之援中慮周成召畢之輔下存宋昌磐石之固昔騏驥之於吳阪可謂困矣及其伯樂相之孫郵御之形體不勞而坐取千里蓋伯樂善御馬明君善御臣伯樂馳千里明君致太平

誠任賢使能之明效也。若朝司惟良，萬機內理，武將行師，方難克
弔。陛下可得雍容都城，何事勞動鑿駕，暴露於邊境哉？臣聞羊質
虎皮，見草則悅，見豺則戰，忘其皮之虎也。今置將不良，有似於此。
故語曰：患為之者，不知知之者，不得為也。昔樂毅奔趙，心不忘燕。
廉頗在楚，思為趙將。臣生乎亂，長乎軍，又數承教于武皇帝，伏見
行師用兵之要，不必取孫吳而闇與之合，竊揆之於心，常願得一
奉朝覲，排金門，蹈玉陛，列有職之臣，賜須臾之問，使臣得一散所
懷，攄舒蘊積，死不恨矣。被鴻臚所下發，士息書期會甚急，又聞豹
尾已建，戎軒驚駕，陛下將復勞玉躬，擾挂神思，臣誠竦息不遑寧
處，願得策馬執鞭，首當塵露，撮風后之奇，接孫吳之要，追慕卜商
起予左右，效命先軀，畢命輪轂，雖無大益，冀有小補。然天高聽遠，
情不上通，徒徬望青雲而拊心，仰高天而歎息耳。屈平曰：國有驥

趙魏宗博士人潘子
趙魏宗博士人潘子
史記秦始皇本紀

趙魏宗博士人潘子
趙魏宗博士人潘子
史記秦始皇本紀

而不知乘焉。皇皇而更索，昔管蔡放誅，周召作弼，叔魚陷刑，叔向
匡國，三監之釁，臣自當之。二南之輔，求必不遠。華宗貴族，藩王之
中，必有應斯舉者。故傳曰：無周公之親，不得行周公之事。唯陛下
少留意焉。近者漢氏廣建藩王，豐則連城數十，約則饗食祖祭，而
已未若姬周之樹國五等之品制也。若扶蘇之諫，始皇淳于越之
難，周青臣可謂知時變矣。夫能使天下傾耳注目者，當權者是矣。
故謀能移主，威能懾下，豪右執政，不在親戚權之所在。雖疏必重，
勢之所去，雖親必輕。蓋取齊者田族，非呂宗也。分晉者趙魏，非姬
姓也。惟陛下察之。苟古專其位，凶離其患者，異姓之臣也。欲國之
安，祈家之貴，存共其榮，沒同其禍者，公族之臣也。今反公族疏而
異姓親，臣竊惑焉。臣聞孟子曰：君子窮則獨善其身，達則兼善天
下。今臣與陛下踐冰履炭，登山涉澗，寒溫燥濕，高下共之，豈得離

陛下哉不勝憤懣拜表陳情若有不合乞且藏之書府不便滅棄臣死之後事或可思若有豪釐少挂聖意者乞出之朝堂使夫博古之士糾臣表之不合義者如是則臣願足矣帝輒優文荅報

曰是後大發士息及取諸國士植以近前諸國士息已見發其遺孤稚弱在者無幾而復被取乃上書曰臣聞古者聖君與日月齊其明四時等其信是以戮凶無重賞善無輕怒若驚霆喜若時雨恩不中絕教無二可以此臨朝則臣下知所死矣受任在萬里之外審主之所以受官必已之反所以投命雖有請會之徒泊然不以爲懼者蓋君臣相信之明效也昔章子爲齊將人有告之反者威王曰不然左右曰王何以明之王曰聞章子改葬死母彼尚不欺死父顧當叛生君乎此君之信臣也昔管仲親射桓公後幽囚從魯轡車載使少年挽而送齊管仲知桓公之必用已懼魯之悔謂少年曰吾爲汝唱汝爲和聲和聲宜走於是管仲唱之少年走而和之日行數百里宿昔而至至則相齊此臣之信君也臣初受封策書曰值受茲青社封于東土以屏翰皇家爲魏藩輔而所得兵百五十人皆年在耳順或不諭知虎賁官騎及親事凡二百餘人止復不老皆使年壯備有不虞檢校乘賦顧不足以自救況皆復老耄罷曳平而名爲魏東藩使屏翰上室臣竊自羞矣就之諸國國有士子合不過五百人伏以爲三軍益損不復賴此方外不定必當須辦者臣願將部曲倍道奔赴夫妻負襁子弟懷懼蹈鋒履刃以徇國難何但習業小兒哉愚誠以揮涕增河懸鼠飲海於朝萬無損益於臣家計其有廢損又臣士息前後三送兼人已竭惟尚有小兒七八歲已上十六七已下三十餘人今部曲皆年者困在牀席非麋不食眼不能視氣息裁屬者凡三十七人疲瘵風靡疴首聾聵者二十三人惟正須此小兒大者可備宿衛雖不足以禦寇虜可以警小盜小者未堪大使爲可使杖鉏穡草驅護鳥鵲休候人則一事廢一日獵則衆業散不親自經營則功不攝常自躬親不委下吏而已陛下聖仁恩詔三至士子給國長不復發明詔之下有若微日保金石之恩必明神之信畫然自固如天如地定習業者並復見送賚若畫明悵然失圖

伏以爲陛下既問臣百寮之有居藩國之任爲器卿士屋名爲宮家名爲陵不使其危居獨立無異於凡庶若相成欣於野耕子仲樂於灌園蓬戶茅牖原憲之宅也幽巷單瓢顏子之居也臣才不見效用常慨然執斯志焉若陛下聽臣悉還部曲罷官屬省監官使解璽釋絛追伯成子仲之業營顏淵原憲之事居子臧之虛宅延陵之室如此雖進無成功退有可守身死之日猶松喬也然伏度國朝終未肯聽臣之若是固當羈絆於世繼維繫於位懷骨殖之小憂洗無已之百念安得蕩然肆志逍遙於宇宙之外哉此願未從陛下必欲稟親親篤骨肉潤白骨而榮枯木者惟遂仁德以副前恩詔皆遂還之其年冬詔諸王朝六年正月其二月以陳四縣封植爲

陳王邑二千五百戶植每欲求別見獨談論及時政幸冀試用終不能得既還悵然絕望時法制待藩國既自峻迫寮屬皆賈豎下才兵人給其殘老大數不過二百人又植以前過事事復減半十一年中而三徙都常汲汲無歡遂發疾薨時年四十一

植嘗爲琴瑟調歌辭何遜然長去本根漸風後無休閑東西經一陌南北越九阡卒遇回風起吹我入雲間自謂終天路忽焉下深淵驚鷗接我出故歸彼中田當南而更北謂東而反西宕宕當何依忽亡而復存飄飄周八澤連翩歷五山流轉無恒處誰知吾苦艱願爲中林草秋隨野火燔糜滅豈不痛願與林葉連孫盛曰異哉魏氏之封建也不度先王之典不思藩屏之術違教穆之風背維城之義漢初之封或權倖人主雖云不度時勢然也魏氏諸侯同匹夫雖懲七國矯枉過也且魏之代漢非積德之由風澤既微六合未一而彫剪枝幹委權異族勢同羸木危若巢幕不嗣忽諸非天喪也五等之制萬世不易之典遺令薄葬以小子志保家之主也欲立之初植六代興亡曹同論之詳矣

案上既傳陳思王此處不常思王之名惟應是王之說
案議下當脫一藏字或在字
陳氏嘗言曰通鑑引魚豢案諸至於植若下有豈能與難一司以文義求之此語斷不可刪當是刊本脫落耳

登魚山臨東阿喟然有終焉之心遂營為墓子志嗣徙封濟北王景初中詔曰陳思王昔雖有過矣既克已慎行以補前闕且自少至終篇籍不離于手誠難能也其收黃初中諸奏植罪狀公卿已下議尚書祕書中書三府大鴻臚者皆削除之撰錄植前後所著賦頌詩銘雜論凡百餘篇副藏內外志累增邑并前九百九十戶志別傳曰志字允恭好學有才行晉武帝為中撫軍迎常道鄉公于鄴志夜與帝相見帝與語從暮至旦甚器之及受禪政封鄆城公發詔以志為樂平太守歷章武趙郡遷散騎常侍國子博士後轉博士祭酒及齊王攸當之藩下禮官議崇錫之典志歎曰安有如此之才如此之親而不得樹本助化而遠出海隅者乎乃建議以諫辭旨甚切帝大怒免志官後復為散騎常侍志遭母憂居喪盡哀因得疾病喜怒失常大康九年卒諡曰定公

蕭懷王熊早薨黃初二年追封諡蕭懷公太和三年又追進爵為王青龍二年子哀王炳嗣食邑二千五百戶六年薨無子國除評曰任城武藝壯猛有將領之氣陳思文才富豔足以自通後葉然不能克讓遠防終致攜隙傳曰楚則失之矣而齊亦未為得也

其此之謂與

魚豢曰諺言貧不學儉卑不學恭非人性分也勢使然耳此實然之勢信不虛矣假令太祖防遏植等在於疇昔此賢之心何緣有窺望乎彰之挾恨尚無所

至於植者乃令楊修以倚注遇害丁儀以希意族滅哀夫余每覽植之華采思若有神以此推之太祖之動心亦良有以也

魏書二十

三國志二十

武文世王公傳第二十

武皇帝二十五男卞皇后生文皇帝任城威王彰陳思王植蕭懷
 王熊劉夫人生豐愍王昂相殤王鑠環夫人生鄧哀王冲彭城王
 據燕王宇杜夫人生沛穆王林中山恭王袞秦夫人生濟陽懷王
 珣陳留恭王峻尹夫人生范陽閔王矩王昭儀生趙王幹孫姬生
 臨邑殤公子上楚王彪剛殤公子勤李姬生穀城殤公子乘郿戴
 公子整靈殤公子京周姬生樊安公均劉姬生廣宗殤公子棘宋
 姬生東平靈王徽趙姬生樂陵王茂

豐愍王昂字子修弱冠舉孝廉隨太祖南征為張繡所害無子黃
 初二年追封諡曰豐悼公三年以樊安公均子琬奉昂後封中都
 公其年徙封長子公五年追加昂號曰豐悼王太和三年改昂諡

西川中鳳圖

三國

臣曰孫策以建安五年
年亦時孫權統事至是
安五年孫權多遜為孫
州刺史上受率兄弟孫
孫度此後或能致臣家
愈於已於建安十三年前
亦矣此等說委飾也臣
無列此等身術中亦有此
法能改舊習引君子
所冀並明主大命此官序
何而量之乎

曰愍王嘉平六年以琬襲昂爵為豐王正元景元中累增邑并前
二千七百戶琬薨諡曰恭王子廉嗣

相殤王鑠早薨太和三年追封諡青龍元年子愍王潛嗣其年薨
二年子懷王偃嗣邑二千五百戶四年薨無子國於正元二年以

樂陵王茂子陽都鄉公竦繼鑠後

鄧哀王冲字倉舒少聰察岐嶷生五六歲智意所及有若成人之
智時孫權曾致巨象太祖欲知其斤重訪之羣下咸莫能出其理

冲曰置象大船之上而刻其水痕所至稱物以載之則校可知矣

太祖大悅即施行焉時軍國多事用刑嚴重太祖馬鞍在庫而為
鼠所齧庫吏懼必死議欲面縛首罪猶懼不免冲謂曰待三日中

然後自歸冲於是以前穿單衣如鼠齧者謬為失意貌有愁色太

祖問之冲對曰世俗以為鼠齧衣者其主者不吉今單衣見齧是

以憂戚太祖曰此妄言耳無所苦也俄而庫吏以齧鞍聞太祖笑

曰兒衣在側尚齧况鞍縣柱乎一無所問冲仁愛識達皆此類也

凡應罪戮而為冲微所辨理賴以濟宥者前後數十魏書曰冲每見當刑者輒探視其冤枉之情而微理之及勤勞之吏以過誤觸罪常為太祖陳說宜寬宥之辨察仁愛與性俱生容貌姿美有殊於眾故特見寵異臣松之以容貌姿美一類之言而分以為三亦叙屬之一病也太

祖數對羣臣稱述有欲傳後意年十三建安十三年疾病太祖親

為請命及亡哀甚文帝寬喻太祖太祖曰此我之不幸而汝曹之

幸也孫盛曰春秋之義立嫡以長不以賢冲雖存也猶不宜立况其既沒而發斯言乎詩云無易由言魏武其易之也言則流涕為娉甄氏

亡女與合葬贈騎都尉印綬命宛侯據子琮奉冲後二十二年封

琮為鄧侯黃初二年追贈諡冲曰鄧哀侯又追加號為公魏書載策曰惟黃初

二年八月丙午皇帝曰咨爾鄧哀侯冲昔皇天鍾美於爾躬俾聰哲之才成於弱年當承永享顯祚

充成厥終如何不祿早世天昏朕承天序享有四海並建親親以藩王室惟爾不逮斯榮且葬禮未備追悼之懷愴然攸傷今遷葬于高陵使使持節兼謁者僕射郎中陳承追賜號曰鄧公祠以大牢魂而有靈休茲寵榮嗚呼哀哉魏畧曰文帝嘗言家兄孝廉自其分也若使倉舒在我亦

無天

二年進琮爵徙封冠軍公四年徙封巴氏公太和五年加冲號

曰鄧哀王景初元年琮坐於中尚方作禁物削戶三百貶爵爲都鄉侯三年復爲巴氏公正始七年轉封平陽公景初正元景元中累增邑并前千九百戶

彭城王據建安十六年封范陽侯二十二年徙封宛侯黃初二年

進爵爲公三年爲章陵王其年徙封義陽文帝以南方下溼又以

環太妃彭城人徙封彭城又徙封濟陰五年詔曰先王建國隨時

而制漢祖增秦所置郡至光武以天下損耗并省郡縣以今比之

益不及焉其改封諸王皆爲縣王據改封定陶縣太和六年改封

諸王皆以郡爲國據復封彭城景初元年據坐私遣人詣中尚方

作禁物削縣二千戶

劉書載應書曰制詔彭城王有司奏王遣司馬道和齎珠玉來到京師中尚方多作禁物交通工官出入近署踰侈非度慢令違制繩王以法朕用憮然不寧于心王以懿親之重處藩輔之位典籍日陳於前勤誦不懈於側加雅素奉修恭肅敬慎務在蹈道孜孜不衰豈忘率意正身考終厥行哉若然小疵或謬于細人忽不覺悟以斯爲失耳書云惟聖罔念作狂惟狂克念作聖古人垂誥乃至於此故君子思心無斯須遠道焉常慮所以累德者而去之則德明矣開心所以爲塞者而通之則心夷矣慎行所以爲允

者而修之則行全矣三者王之所能備也今詔有司宥王削縣二千戶以彰八柄與奪二年復之法昔義文作易著休復之誥仲尼論行既過能改王其改行茂昭斯義率意無忌

所削戶邑正元景元中累增邑并前四千六百戶

燕王宇字彭祖建安十六年封都鄉侯二十二年改封魯陽侯黃

初二年進爵爲公三年爲下邳王五年改封單父縣太和六年改

封燕王明帝少與宇同止常愛異之及卽位寵賜與諸王殊青龍

三年徵入朝景初元年還鄴二年夏復徵詣京都冬十二月明帝

疾篤拜宇爲大將軍屬以後事受署四日宇深固讓帝意亦變遂

免宇官三年夏還鄴景初正元景元中累增邑并前五千五百戶

常道鄉公奐宇之子入繼太宗

卷後漢通典卷九十三晉書卷一百一十四景初二年陳留國上蓋公是王之王命於帝祖今世王爲從父有司奉應殿閣不以親疏身爲降詔王年魏氏所承者重不得

沛穆王林建安十六年封饒陽侯二十二年徙封譙黃初二年進

爵爲公三年爲譙王五年改封譙縣七年徙封郵城太和六年改

封沛景初正元景元中累增邑并前四千七百戶林薨子緯嗣

案

氏譜 諸東妻
林子之友也

中山恭王袞建安二十一年封平鄉侯少好學年十餘歲能屬文
每讀書文學左右常恐以精力為病數諫止之然性所樂不能廢
也二十二年徙封東鄉侯其年又改封贊侯黃初二年進爵為公
官屬皆賀袞曰夫生深宮之中不知稼穡之艱難多驕逸之失諸
賢既慶其休宜輔其闕每兄弟游娛袞獨譚思經典文學防輔相
與言曰受詔察公舉錯有過當奏及有善亦宜以聞不可匿其美
也遂共表稱陳袞美袞聞之大驚懼責讓之學曰修身自守常人
之行耳而諸君乃以上聞是適所以增其負累也且如有善何患
不聞而遽共如是是非益我者其誠慎如此三年為北海王其年
黃龍見鄴西漳水袞上書贊頌詔賜黃金十斤詔曰昔唐叔歸禾
東平獻頌斯皆骨肉贊美以彰懿親王研精墳典耽味道真文雅

煥炳朕甚嘉之王其克慎明德以終令問四年改封贊王七年徙
封濮陽太和二年就國尚約儉教敕妃妾紡績織紉習為家人之
事五年冬入朝六年改封中山初袞來朝犯京都禁青龍元年有
司奏袞詔曰王素敬慎邂逅至此其以議親之典議之有司固執
詔削縣二戶七百五十魏書載制詔中山王有司奏王乃者來朝犯交通京師
之禁朕惟親親之恩用寢吏議然法者所與天下共也不可得
廢今削王縣二戶七百五十夫克已復禮聖人稱
仁朝過夕改君子與之王其誠諸無試咎悔也袞憂懼戒敕官屬愈謹帝嘉其
意二年復所削縣三年秋袞得疾病詔遣太醫視疾殿中虎賁齎
手詔賜珍膳相屬又遣太妃沛王林並就省疾袞疾困敕令官屬
曰吾寡德忝寵大命將盡吾既好儉而聖朝著終誥之制為天下
法吾氣絕之日自殯及葬務奉詔書昔衛大夫遽瑗葬濮陽吾望
其墓常想其遺風願託賢靈以弊髮齒營吾兆域必往從之禮男
子不卒婦人之手亟以時成東堂堂名之曰遂志之堂輿疾往

居之又令世子曰汝幼少未聞義方且為人君但知樂不知苦不知苦必將以驕奢爲失也接大臣務以禮雖非大臣老者猶宜荅拜事兄以敬恤弟以慈兄弟有不良之行當造膝諫之諫之不從流涕喻之喻之不改乃白其母若猶不改當以奏聞并辭國土與其守寵罹禍不若貧賤全身也此亦謂大罪惡耳其微過細故當掩覆之嗟爾小子慎修乃身奉聖朝以忠貞事太妃以孝敬聞闈之內奉令于太妃闈闈之外受教於沛王無怠乃心以慰予靈其年薨詔沛王林留訖葬使大鴻臚持節典護喪事宗正弔祭贈賵甚厚凡所著文章二萬餘言才不及陳思王而好與之侔子季嗣景初正元景元中累增邑并前三千四百戶濟陽懷王玹建安十六年封西鄉侯早薨無子二十年以沛王林子贊襲玹爵邑早薨無子文帝復以贊弟壹紹玹後黃初二年改

封濟陽侯四年進爵爲公太和四年追進玹爵諡曰懷公六年又進號曰懷王追諡贊曰西鄉哀侯壹薨諡曰悼公子恒嗣景初正元景元中累增邑并前千九百戶

陳留恭王峻字子安建安二十一年封郟侯二十二年徙封襄邑黃初二年進爵爲公三年爲陳留王五年改封襄邑縣太和六年又封陳留甘露四年薨子澳嗣景初正元景元中累增邑并前四千七百戶

范陽閔王矩早薨無子建安二十二年以樊安公均子敏奉矩後封臨晉侯黃初三年追封諡矩爲范陽閔公五年改封敏范陽王七年徙封句陽太和六年追進矩號曰范陽閔王改封敏琅邪王景初正元景元中累增邑并前三千四百戶敏薨諡曰原王子焜嗣

趙王幹建安二十年封高平亭侯二十二年徙封賴亭侯其年改

封弘農侯黃初二年進爵徙封燕公

魏畧曰幹一名良本陳太子良生而陳氏死太祖令王夫人養之良年五歲而太

祖疾困遺令語太子言此兒三歲亡母五歲失父以累汝也太子由是親待降於諸弟良年小常呼文帝為阿翁帝謂良曰我汝兄耳文帝又怒其如是每為涕淚臣松之案此傳以母貴賤為次不計兄弟之年故楚王彪年雖大傳在幹後尋朱建平傳知彪大幹二十歲三年為河間王五年改封樂城縣七年

徙封鉅鹿太和六年改封趙王幹母有寵於太祖及文帝為嗣幹

母有力文帝臨崩有遺詔是以明帝常加恩意青龍二年私通賓

客為有司所奏賜幹璽書誠誨之曰易稱開國承家小人勿用詩

著大車惟塵之誠自太祖受命創業深觀治亂之源鑒存亡之機

初封諸侯訓以恭慎之至言輔以天下之端士常稱馬援之遺誠

重諸侯賓客交通之禁乃使與犯妖惡同夫豈以此薄骨肉哉徒

欲使子弟無過失之愆士民無傷害之悔耳高祖踐阼祇慎萬機

申著諸侯不朝之令朕感詩人棠棣之作嘉采菽之義亦緣詔文

曰若有詔得詣京都故命諸王以朝聘之禮而楚中山並犯交通

之禁趙宗戴捷咸伏其辜近東平王復使屬官歐壽張吏有司舉

奏朕裁削縣令有司以曹纂王喬等因九族時節集會王家或非

其時皆違禁防朕惟王幼少有恭順之素加受先帝顧命欲崇恩

禮延乎後嗣況近在王之身乎且自非聖人孰能無過已詔有司

宥王之失古人有言戒慎乎其所不睹恐懼乎其所弗聞莫見乎

隱莫顯乎微故君子慎其獨焉叔父茲率先聖之典以纂乃先帝

之遺命戰戰兢兢靖恭厥位稱朕意焉景初正元景元中累增邑

并前五千戶

慈銘案帝紀景元三年八月改封趙王幹襲此失載且幹應有謚及嗣子皆傳寫所脫

臨邑殤公子上早薨太和五年追封諡無後

楚王彪字朱虎建安二十一年封壽春侯黃初二年進爵徙封汝

陽公三年封弋陽王其年徙封吳王五年改封壽春縣七年徙封

白馬太和五年冬朝京都六年改封楚初彪來朝犯禁元年為有司所奏詔削縣三戶千五百二年大赦復所削縣景初三年增戶五百并前三千戶嘉平元年兗州刺史令狐愚與太尉王凌謀迎彪都許昌語在凌傳乃遣傅及侍御史就國案驗收治諸相連及者廷尉請徵彪治罪於是依漢燕王旦故事使兼廷尉大鴻臚持節賜彪璽書切責之使自圖焉孔衍漢魏春秋載璽書曰夫先王行賞不遺位譬用戮不違親戚至公之義也故周公流涕而決二叔之罪孝武傷懷而斷昭平之獄古今常典也惟王國之至親作藩于外不能祇奉王慶表率宗室而謀于姦邪乃與太尉王凌兗州刺史令狐愚構通邪謀圖危社稷有悖忒之心無忠孝之意宗廟有靈王其何面目以見先帝朕深痛王自陷罪辜既得王情深用憮然有司奏王當就大理朕惟公族甸師之義不忍肆王市朝故遣使者賜書王自作孽匪由于他燕刺之事宜足以觀王其目彪乃自殺妃及諸子皆免為庶人徙平原彪之官屬以下及監國謁者坐知情無輔導之義皆伏誅國除為淮南郡詔曰故楚王彪背國附姦身死嗣替雖自取之猶哀矜焉夫舍垢藏疾親親之道也其封彪世子嘉為常山真定王景元元年增邑并前二千五

百戶臣松之案嘉入晉封高邑公元康中與石崇俱為國子博士嘉後為東莞太守崇為征虜將軍監青徐軍事屯於下邳嘉以詩遺崇曰文武應時用兼才在明哲嗟嗟我石生為國之俊傑入侍於皇闈出則登九列威檢肅青徐風發宣吳裔疇昔謬同位情至過魯衛分離踰十載思遠心增結願子鑒斯誠寒暑不踰契崇答曰昔常接羽儀俱遊青雲中敦道訓肯子儒化渙以融同聲無異響故使恩愛隆豈惟敦初好款分在令終孔不晒九夷老氏適西戎逍遙滄海隅可以保王躬世事非所務周公不足夢玄寂令神王是以守至沖王隱晉書載吏部郎李重啓云魏氏宗室屈滯每聖恩所存東莞太守曹嘉才幹學義不及志翁而良素修潔性業踰之又已歷二郡臣以為優先代之後可以嘉為員外散騎侍郎

剛殤公子勤早薨太和五年追封諡無後

穀城殤公子乘早薨太和五年追封諡無後

郿戴公子整奉從叔父郎中紹後建安二十二年封郿侯二十三年薨無子黃初二年追進諡曰戴公以彭城王據子範奉整後三年封平氏侯四年徙封成武太和三年進爵為公青龍三年薨諡曰悼公無後四年詔以範弟東安鄉公闡為郿公奉整後正元景元中累增邑并前千八百戶

靈殤公子京早薨太和五年追封諡無後

靈殤公子京早薨太和五年追封諡無後

靈殤公子京早薨太和五年追封諡無後

靈殤公子京早薨太和五年追封諡無後

靈殤公子京早薨太和五年追封諡無後

樊安公均奉叔父薊恭公彬後建安二十二年封樊侯二十四年薨子抗嗣黃初二年追進公爵諡曰樊安公三年徙封抗薊公四年徙封屯留公景初元年薨諡曰定公子諱嗣景初正元景元中累增邑并前千九百戶

廣宗殤公子棘早薨太和五年追封諡無後

東平靈王徽奉叔父朗陵哀侯王後建安二十二年封歷城侯黃初二年進爵為公三年為廬江王四年徙封壽張王五年改封壽張縣太和六年改封東平青龍二年徽使官屬樞壽張縣吏為有司所奏詔削縣一戶五百其年復所削縣正始三年薨子翕嗣景

初正元景元中累增邑并前三千四百戶

此松之案翕入晉封歷丘公魏宗室之中名次鄆城公至泰始二年

翕遣世子琨奉表來朝詔曰翕秉德履道魏宗之良今琨遠至其假世子印綬加騎都尉賜服二具錢十萬隨才叙用翕撰解寒食散方與皇甫謐所撰並行於世

樂陵王茂建安二十二年封萬歲亭侯二十三年改封平輿侯黃

初三年進爵徙封乘氏公七年徙封中丘茂性傲很少無寵於太祖及文帝世又獨不王太和元年徙封聊城公其年為王詔曰昔象之為虐至甚而大舜猶侯之有鼻近漢氏淮南阜陵皆為亂臣逆子而猶或及身而復國或至子而錫土有虞建之于上古漢文明章行之乎前代斯皆敦叙親親之厚義也聊城公茂少不閑禮教長不務善道先帝以為古之立諸侯也皆命賢者故姬姓有未必侯者是以獨不王茂太皇太后數以為言如聞茂頃來少知悔昔之非欲修善將來君子與其進不係其往也合封茂為聊城王以慰太皇太后下流之念六年改封曲陽王正始三年東平靈王薨茂稱嗑痛不肯發哀居處出入自若有司奏除國土詔削縣一戶五百五年徙封樂陵詔以茂租奉少諸子多復所削戶又增戶七百嘉平正元景元中累增邑并前五千戶

文皇帝九男甄氏皇后生明帝李貴人生贊哀王協潘淑媛生北海悼王蕤朱淑媛生東武陽懷王鑿仇昭儀生東海定王霖徐姬生元城哀王禮蘇姬生邯鄲懷王邕張姬生清河悼王貢宋姬生廣平哀王儼

贊哀王協早薨太和五年追封諡曰經殤公青龍二年更追故號諡三年子殤王尋嗣景初三年增戶五百并前三千戶正年九年薨無子國除

北海悼王蕤黃初七年明帝卽位立爲陽平縣王太和六年改封北海青龍元年薨二年以琅邪王子贊奉蕤後封昌鄉公景初二年立爲饒安王正始七年徙封文安正元景元中累增邑并前三千五百戶

東武陽懷王鑿黃初六年立其年薨青龍三年賜諡無子國除

東海定王霖黃初三年立爲河東王六年改封館陶縣明帝卽位以先帝遺意愛寵霖異於諸國而霖性麤暴閹門之內婢妾之間多所殘害太和六年改封東海嘉平元年薨子啓嗣景初正元景元中累增邑并前六千二百戶高貴鄉公髦霖之子也入繼太宗元城哀王禮黃初二年封秦公以京兆郡爲國三年改爲京兆王六年改封元城王太和三年薨五年以任城王楷子悌嗣禮後六年改封梁王景初正元景元中累增邑并前四千五百戶邯鄲懷王邕黃初二年封淮南公以九江郡爲國三年進爲淮南王四年改封陳六年改封邯鄲太和三年薨五年以任城王楷子溫嗣邕後六年改封魯陽景初正元景元中累增邑并前四千四百戶

清河悼王貢黃初三年封四年薨無子國除

廣平哀王儼黃初三年封四年薨無子國除

評曰魏氏王公既徒有國土之名而無社稷之實又禁防壅隔同

於囹圄位號靡定大小歲易骨肉之恩乖棠棣之義廢為法之弊

一至于此乎素子曰魏興承大亂之後民人損滅不可則以古始於是封建侯王皆使寄地

夫縣隔千里之外無朝聘之儀鄰國無會同之制諸侯游獵不得過三十里又為設防輔監國之

官以伺察之王侯皆思為布衣而不能得既違宗國藩屏之義又虧親戚骨肉之恩魏氏春秋

載宗室曹罔上書曰臣聞古之王者必建同姓以明親親必樹異姓以明賢賢故傳曰庸勳親親

昵近尊賢書曰克明峻德以親九族詩云懷德維寧宗子維城由是觀之非賢無與與功非親無

與輔治夫親親之道專用則其漸也微弱賢賢之道偏任則其弊也劫奪先聖知其然也故博求

親疎而並用之通則有宗盟藩衛之固途則有仁賢輔弼之助盛則有與其治衰則有與守其

士安則有與享其福危則有與同其禍夫然故能有其國家保其社稷歷紀長久本枝百世也今

魏尊尊之法雖明親親之道未備詩不云乎鶴鳴在原兄弟急難以斯言之明兄弟相救於喪亂

之際同心於憂禍之聞雖有鬪端之忿不忘禦侮之事何則憂患同也今則不然或任而不重或

釋而不任一且疆場稱警關門及拒股肱不扶智心無衛臣竊惟此寢不安席思獻丹誠貢策朱

闕謹撰合所聞叙論成敗論曰昔夏殷周歷世數十而秦二世而亡何則三代之君與天下共其

民故天下同其憂奉王獨制其民故傾危而莫救人與民共其樂者人必憂其憂與民同其安者

人必拯其危先王知獨治之不能久也故與人共治之知獨守之不能固也故與人共守之兼親

疎而兩用參同異而並建是以輕重足以相鎮親疎足以相衛并兼路塞逆節不生及其衰也相

文帥禮苞茅不貢齊師伐楚宋不城周皆戮其宰王綱弛而禮張諸侯傲而復肅二霸之後浸以

浸遲吳楚憑江負固方城雖心希九鼎而畏迫宗姬姦情散於胸懷逆謀消於唇吻斯豈非信重

親戚任用賢能枝葉碩茂本根賴之與自此之後轉相攻伐吳并於越晉分為三魯滅於楚鄭兼

於韓暨于戰國諸姬微矣惟燕衛獨存然皆弱小西迫疆秦南與齊楚憂懼滅亡匪遑相恤至於

王報降為庶人猶枝幹相持得居虛位海內無主四十餘年秦據勢勝之地騁譎詐之術征伐關

東蠶食九國至於始皇乃定天位曠日若彼用力若此豈非深固根蒂不拔之道乎易曰其亡其

亡繫于苞桑周德其可謂當之矣秦觀周之弊以為小弱見奪於是廢五等之爵立郡縣之官棄

從主父之策下推恩之令自是之後齊分爲七趙分爲六淮南三割梁代五分遂以陵遲子孫微
弱衣食租稅不預政事或以爵金免削或以無後國除至于成帝王氏擅朝劉向諫曰臣聞公族
者國之枝葉枝葉落則本根無所庇蔭方今同姓疎遠母黨專政排擯宗室孤弱公族非所以保
守社稷安固國嗣也其言深切多所稱引成帝雖悲傷歎息而不能用于哀平異姓秉權假周
公之事而爲田常之亂高拱而竊天位一朝而臣四海漢宗室王侯解印釋綬貢奉社稷猶懼不
得爲臣妾或乃爲之符命頒奉恩德豈不哀哉田斯言之非宗子獨忠孝於惠文之間而叛逆於
哀平之際也徒權輕勢弱不能定耳賴光武皇帝挺不世之姿禽王莽於已成紹漢嗣於既絕
斯豈非宗子之力也而曾不監秦之失策襲周之舊制踵王國之法而微倖無疆之期至于桓靈
閹豎執衡朝無死難之臣外無同憂之國君孤立於上臣弄權於下本末不能相御身首不能相
使由是天下鼎沸紆凶並爭宗廟焚爲灰燼宮室變爲榛藪居九州之地而身無所安處悲夫魏
太祖武皇帝躬聖明之資兼神武之畧賦王綱之廢絕愍漢室之傾覆龍飛譙沛鳳翔兗豫掃除
凶逆翦滅鯨鯢迎帝西京定都穎邑德動天地義感人神漢氏奉天禪位大魏大魏之興于今二
十有四年矣觀五代之存亡而不用其長策觀前車之傾覆而不改於轍迹子弟王空虛之地君
有不使之民宗室竄于閭閻不聞邦國之政權均匹夫勢齊凡庶內無深根不拔之固外無磐石
宗盟之助非所以安社稷爲萬世之業也且今之州牧郡守古之方伯諸侯皆跨有千里之士兼
軍武之任或比國數人或兄弟並據而宗室子弟曾無一人間顧其間與相維持非所以彊幹弱
枝備萬一之虞也今之用賢或超爲名都之主或爲偏師之帥而宗室有文者必限小縣之宰有
武者必置百人之上使夫廉高之士畢志於衡轅之內才能之人恥與非類爲伍非所以勸進賢
能褒異宗室之禮也夫泉竭則流涸根朽則葉枯枝繁者蔭根條落者本孤故語曰百足之蟲至
死不僵以扶之者衆也此言雖小可以警大且庸庸基不可倉卒而成威名不可一朝而立皆爲之
有漸建之有素譬之種樹久則深固其本根茂盛其枝葉若造次徙於山林之中植於宮闕之下
雖進之以黑噴煖之以春日猶不救於枯槁而何暇繁育哉夫樹猶親戚上有土民建置不久則
輕下慢上平居猶懼其離叛危急將若之何是以聖王安而不逸以慮危也存而設備以懼亡也
疾疾風卒至而無摧拔之憂天下有變而無傾危之患矣問中常侍兄叔與之後少帝族祖也是

時天子幼弱同輩以此
論感悟曹爽不能納

備源節曹爽不請

魏書二十一

三國志二十一

王衛二劉傳傳第二十一

王粲字仲宣山陽高平人也曾祖父龔祖父暢皆為漢三公

張璠漢紀曰龔

字伯宗有高名於天下順帝時為太尉初山陽太守辭勤喪妻不哭將殯臨之曰幸不為天復何恨哉及龔妻卒龔與諸子並杖行服時人或兩譏焉暢字叔茂名在八俊靈帝時為司空以水災免而李膺亦免歸故郡二人以直道不容當時天下以暢膺為高士諸危言危行之徒皆推宗之願涉其流惟恐不及會連有災異而言事者皆言三公非其人宜因其變以暢膺代之則禍祥必至由是言豎深怨之及膺誅死而暢遂廢終于家父謙為大將軍何進長史進以謙名公之胄欲

與為婚見其二子使擇焉謙弗許以疾免卒于家獻帝西遷粲徙

長安左中郎將蔡邕見而奇之時邕才學顯著貴重朝廷常車騎

填巷賓客盈坐聞粲在門倒屣迎之粲至年既幼弱容狀短小一

坐盡驚邕曰此王公孫也有異才吾不如也吾家書籍文章盡當

與之年十七司徒辟詔除黃門侍郎以西京擾亂皆不就乃之荆

州依劉表表以粲貌寢而體弱通佻不甚重也

臣松之曰貌寢謂貌負其實也通佻者簡易也

卒祭勸表子琮令歸太祖

文士傳載祭說琮曰僕有愚計願進之於將軍可乎琮曰吾所願聞也祭曰天下大亂豪傑並起在倉卒之際疆弱

未分故天各各有心耳當此之時家家欲為帝王人人欲為公侯觀古今之成敗能先見事機者則恒受其福今將軍自度何如曹公邪琮不能對祭復曰如祭所聞曹公故人傑也雄畧冠時智

謀出世崔表氏於官渡驅孫權於江外遂劉備於隴右破烏丸於白登其餘梟夷蕩定者往往如神不可勝計今日之事去就可知也將軍能聽祭計掩甲倒戈應天順命以歸曹公曹公必重德

將軍保已全宗長享福祚垂之後嗣此萬全之策也祭遭亂流離託命此州蒙將軍父子重顧敢不盡言琮納其言臣松之案孫權自此以前尚與中國和同未嘗交兵何云驅權於江外乎魏

武以十三年征荊州劉備却後數年方入蜀備身未嘗涉於關隴而於征荊州之年便云逐備於隴右既已垂錯又白登在平城亦魏武所不經北征烏丸與白登不相豫以此知張騰假偽之

辭而不覺其虛之自露也凡騰虛偽妄作不可覆疏如此類者不可勝紀

太祖辟為丞相掾賜爵關內侯太祖置

酒漢濱祭奉觴賀曰方今表紹起河北仗大眾志兼天下然好賢

而不能故奇士去之劉表雍容荆楚坐觀時變自以為西伯可

規士之避亂荊州者皆海內之僑傑也表不知所任故國危而無

輔明公定冀州之日下車即繕其甲卒收其豪傑而用之以橫行

天下及平江漢引其賢儁而置之列位使海內回心望風而願治

文武並用英雄畢力此三王之舉也後遷軍謀祭酒魏國既建拜

侍中博物多識問無不對時舊儀廢弛興造制度祭恒典之

日漢末喪亂絕無玉佩魏侍中王粲識舊佩始復作之今之玉佩受法於祭也初祭與人共行讀道邊碑人問曰卿能

闡誦乎曰能因使背而誦之不失一字觀人圍碁局壞祭為覆之

碁者不信以靶蓋局使更以他局為之用相比校不誤一道其彊

記默識如此性善算作算術略盡其理善屬文舉筆便成無所改

定時人常以為宿構然正復精意覃思亦不能加也

此句各曰祭才既高辯論應機鍾繇王

朗等雖各為魏卿相至於朝廷奏議皆闕筆不能措手

著詩賦論議垂六十篇建安二十一年從征吳

二十二年春道病卒時年四十一祭二子為魏諷所引誅後絕

志曰太祖時征漢中聞祭子死

歎曰孤若在使仲宣無後

始文帝為五官將及平原侯植皆好文學祭

與北海徐幹字偉長廣陵陳琳字孔璋陳留阮瑀字元瑜汝南應

瑒字德璉

瑒音徒陵反音暢也

東平劉楨字公幹並見友善幹為司空軍謀祭

酒掾屬五官將文學

先賢行狀曰幹清玄體道六行修備聰識洽聞操翰成章輕官忽祿不耽世榮建安中太祖特加旌命以疾休息後除上艾長又以

二

疾不琳前為何進主簿進欲誅諸宦官太后不聽進乃召四方猛將
並使引兵向京城欲以劫恐太后琳諫進曰易稱即鹿無虞諺有
掩目捕雀夫微物尚不可欺以得志況國之大事其可以詐立乎
今將軍總皇威握兵要龍驤虎步高下在心以此行事無異於鼓
洪爐以燎毛髮但當速發雷霆行權立斷違經合道天人順之而
反釋其利器更徵於他人兵合聚彊者為雄所謂倒持干戈授人
以柄心不立功祇為亂階進不納其言竟以取禍琳避難冀州表
紹使典文章袁氏敗琳歸太祖太祖謂曰卿昔為木初移書但可
罪狀孤而已惡惡止其身何乃上及父祖邪琳謝罪太祖愛其才
而不咎瑀少受學於蔡邕建安中都護曹洪欲使掌書記瑀終不
為屈太祖並以琳瑀為司空軍謀祭酒管記室文士傳曰太祖雅聞瑀名
辟之不應連見偏促乃逃
入山中太祖使人焚山得瑀送至召入太祖時征長安大延賓客怒瑀不與語使就枝人列瑀善
解音能鼓琴遂撫絃而歌因造歌曲曰奕奕天門開大魏應期運青蓋巡九州在東西人怨士為

知已死女為悅者玩恩義苟數暢他人焉能亂為曲既捷音聲殊妙當時冠坐太祖大悅
之案原氏典畧瑀文章志並云瑀建安初辭疾避役不為曹洪所得太祖召即投杖而起不得
有逃入山中焚之乃出之事也 又典畧載太祖初征荆州使瑀作書與劉備及征馬超又使瑀
作書與韓遂此二書今具存至長安之前遂等破走太祖始以十六年得入關耳而張繡云初得
瑀時太祖在長安此又乖戾瑀以十七年卒太祖十八年策為魏公而云瑀歌舞辭 軍國書
稱大魏應期運愈知其妄又其辭云他人焉能亂了不成語瑀之吐屬必不如此

檄多琳瑀所作也
典畧曰琳作諸書及檄草成呈太祖太祖先苦頭風是日疾發因讀琳
所作命然而起曰此愈我病數加厚賜太祖常使瑀作書與韓遂時太
祖適近出瑀隨從因于馬上具草書成呈

琳徙門下督瑀為倉曹掾屬瑒瑒各

被太祖辟為丞相掾屬瑒轉為平原侯庶子後為五官將文學

漢書曰瑒祖泰字世叔才敏善諷誦故世稱應世叔讀書五行俱下著後序十餘篇為世儒者延
熹中至司隸校尉子劭字仲遠亦博學多識尤好軍事諸所撰述風俗通等凡百餘篇辭雖不典世
服其博聞續漢書曰劭又著中漢輯叙漢官儀及禮儀故事凡十一種百三十六卷朝廷
制度百官儀式所以不亡者由劭記之官至泰山太守劭弟瑒字季瑜司空掾即瑒之父

不敬被刑刑竟署吏
文士傳曰瑒父名梁字曼山一名恭少有清才以文學見賞終于
野王令典畧曰文帝常賜瑒落帶其後師死欲借取以為像因

書嘲瑒云夫物因人為貴故在賤者之手不御至尊之側今雖取之勿嫌其不反也瑒答曰瑒聞
荆山之璞矐元后之寶隋侯之珠燭眾士之好南琅之金登窈窕之首羈貂之尾綴侍臣之幘此
四寶者伏朽石之下潛汗泥之中而揚光于載之上發彩疇昔之外亦皆未能初自接于至尊也
夫尊者所服卑者所修也貴者所御賤者所先也故夏屋初成而大匠先立其下嘉禾始熟而農
夫先嘗其粒恨瑒所帶無他妙飾若實殊異尚可納也瑒辭言巧妙皆如是由是特為諸公子所
親愛其後太子嘗請諸文學酒酣坐歡命夫人甄氏出拜坐中眾人咸伏而瑒獨平視太祖聞之

乃收慎減 咸著文賦數十篇瑀以十七年卒幹琳楨二十二年卒文

帝書與元城令吳質曰昔年疾疫親故多離其災徐陳應劉一時

俱逝觀古今文人類不護細行鮮能以名節自立而偉長獨懷文

抱質恬淡寡欲有箕山之志可謂彬彬君子矣著中論二十餘篇

辭義典雅足傳于後德璉常斐然有述作意其才學足以著書美

志不遂良可痛惜孔璋章表殊健微為繁富公幹有逸氣但未適

耳元瑜書記翩翩致足樂也仲宣獨自善於辭賦惜其體弱不起

其文至於所善古人無以遠過也昔伯牙絕弦於鍾期仲尼覆醢

于子路痛知音之難遇傷門人之莫逮也諸子但為未及古人自

一時之雋也典論曰今之文人魯國孔融廣陵陳琳山陽王粲北海徐幹陳留阮瑀汝南應

足而並馳張長於辭賦幹時有逸氣然其辭也如繁之初征登樓賦賦征思幹之玄後漏卮圖

扇橋賦雖張蔡不過也然於他文未能稱是琳瑀之章表書記今之雋也應瑒和而不壯劉楨壯

而不密孔融體氣高妙有過人者然不能持論理 自賴川郎鄂淳魏畧曰淳一名竺字子

不勝載至子難以嘲戲及其所善楊班之雋也

雅蟲葉許氏字指初平時從三輔客荆州荆州附太祖素聞其名召與相見其傲異之時五官

將博延英儒亦宿聞淳名因啓淳欲使在文學官屬中會臨苗侯植亦求淳太祖遣淳詣植植初

得淳甚喜延入坐不先與談時天暑熱植因呼常從取水自潔詔傳粉遂科頭袒跣舞五椎鍛

跳丸擊劍誦俳優小說數千言詭謂淳曰郎卿生何如邪於是乃更著衣幘整儀容與淳評說混

元造化之端品物區別之意然後論義皇以來賢聖名臣烈士優劣之差次頌古今文章賦誄及

當官政事宜所先後又論用武行兵倚伏之勢乃命厨宰酒炙交至坐席默然無與侑者及暮淳

歸對其所知歎植之材謂之天人而于時世子未立太祖俄有意於植而淳屢稱植由是五官

官將廢不悅及黃初初以淳為博士給事中淳作投壺賦于餘言奏之文帝以為工賜帛千匹每示

欽繁音婆曲畧曰欽字休伯以文才機辯少短名於汝穎欽既長於書記又善陳留路粹

曰粹字文蔚少學於蔡邕初平中隨車駕至三輔建安初以高才與京兆嚴像權拜尚書郎像以

兼有文武出為揚州刺史粹後為軍謀祭酒與陳琳阮瑀等典記室及孔融有過太祖使粹為奏

承指數致融罪其大畧言融嘗在北海見王室不寧招合徒眾欲圖不軌言我大聖之後也而滅

放蕩衝與融更相贊揚謂融曰仲尼不死也融答曰顏淵復生凡說融語如此輩辭語甚多融

誅之後人觀粹所作無不嘉其才而畏其筆也至十九年粹轉為祕書令從大軍至漢中坐違禁

賤請驢伏法太子素與粹善聞其死為之歎惜及即位特用其子為長史 魚豢曰尋首往者魯

連鄒陽之徒援譬引類以解締結誠彼時文辭之雋也今覽王粲阮陳路諸人前後文旨亦何昔

不若哉其所以不論者時世異耳余又竊怪其不甚見用以問大鴻臚卿韋仲將仲將曰仲宣寫

於肥體休伯都無格檢元瑜病於體緣孔璋實自龔疏文蔚性頗忿戾如是彼為非徒以脂燭自

煎糜也其不高蹈蓋有由矣然君子不責備下 沛國丁儀丁廙弘農楊修河內荀

一人譽之朱濼雖無楨幹其為光澤亦壯觀也

緯等亦有文采而不在此七人之例

儀廙修事並在陳思王傳荀勗文章紀錄曰

緯字公高少喜文學建安中召署軍謀掾魏

四

三

二

一

四

三

二

一

四

三

二

一

四

三

二

一

四

三

太子庶子稍遷至散騎常侍越
騎校尉年四十二黃初四年卒
場弟璩璩子貞咸以文章顯璩官至侍中貞

咸熙中參相國軍事
文章叙錄曰璩字休璩博學好屬文善為書記文明帝世歷官散

為詩以諷焉其言雖頗諧合多切時變世共傳之復為侍中典著作嘉平四年卒追贈衛尉貞字

吉甫少以才聞能談論正始中夏侯文盛有名勢貞嘗在女坐作五言詩玄嘉玩之舉高第歷顯

位晉武帝為撫軍大將軍以貞參軍事晉室踐阼遷太子中庶子散騎常侍又以儒學與太尉荀

顛撰定新禮事未施行泰始五年卒貞弟純純子紹永嘉中為黃門侍郎為司馬越所殺純弟秀

秀子詹鎮南大將軍江州刺史

璩子籍才藻豔逸而倜儻放蕩行已寡欲以莊周為模

則官至步兵校尉

籍字嗣宗魏氏春秋曰籍曠遠不羈不拘禮俗性至孝居喪雖不率常

自以不能測也太尉蔣濟聞而辟之後為尚書郎曹爽參軍以疾歸田里歲餘爽誅太傅及大將

軍乃以為從事中郎後朝論以其名高欲顯崇之籍以世多故祿事而已聞步兵校尉缺廚多美

酒營人善釀酒求為校尉遂縱酒昏酣遺落世事嘗登廣武觀楚漢戰處乃歎曰時無英不使豈

子成名乎時率意獨駕不由徑路車迹所窮輒慟哭而反籍少時嘗游蘇門山蘇門山有隱者莫

知姓名有竹實數斛以待而已籍從之與談太古無為之道及論五帝三王之義蘇門生蕭然曾

不經聽籍乃對之長嘯清韻響亮蘇門生道爾而笑籍既降蘇門生亦嘯若鸞鳳之音焉至是籍

乃假蘇門先生之論以寄所懷其歌曰日沒不周西月出丹淵中陽精蔽不見陰精代為維亭亭

在須臾厭厭將復降富貴俯仰間貧賤何必終又歎曰天地解兮六合開辰辰兮日月頽我騰

而上將何懷籍口不論人過而自然高邁故為禮法之士何曾等深所设疾大將軍司馬文

王常保持之卒以壽終子渾字長成世語曰渾以閑澹寡欲知名京邑為太子庶子早卒時又

有譙郡嵇康文辭壯麗好言老莊而尚奇任俠至景元中坐事誅

康字叔夜案嵇康譜康父昭字子遠督軍糧治書侍御史見喜字公穆晉揚州刺史宗正喜為康

傳曰家世儒學少有備才曠邁不羈高亮任信不修名譽寬簡有大量學不師授博洽多聞長而

好老莊之業恬靜無欲性好服食常採御上藥善屬文論彈琴詠詩自足於懷抱之中以為神仙

者稟之自然非積學所致至於導養得理以盡性命若安期彭祖之倫可以善求而得也著養生

篇即自厚者所以喪其所生其求益者必失其性超然獨達遂放世事縱意於塵埃之表撰錄上

古以來聖賢隱逸遁名遺名者集為傳贊自混沌至于管寧凡百一十有九人蓋求之於宇宙之

善官將軍字善官作善官將
下將軍也任將軍字善官
注引典略善官將字

壽曰不可儉亦已敗。臣松之案本傳云康以景元中坐事誅而干寶孫盛習鑿齒諸書皆云正
元二年司馬文王反自樂嘉殺嵇康呂安蓋緣世語云康欲舉兵應母丘儉故謂破儉便應殺康
也其實不然山濤為選官欲舉康自代康書告絕事之明審者也案濤行狀濤始以景元二年除
吏部郎其景元與正元相較七八年以濤行狀檢之如本傳為審又鍾會傳亦云會作司隸校尉
時誅康會作司隸景元中也干寶云呂安兄異善於鍾會異為相國掾俱有寵於司馬文王故遂
抵安罪尋文王以景元四年鍾鄧平蜀後始授相國位若異為相國掾時陌安焉得以破母丘儉
年殺嵇呂此又干寶之疏謬自相違伐也。康子紹字延祖少知名山濤啓以為祕書郎稱紹平
簡溫敏有文思又曉音當成濟者帝曰紹如此便可以為丞不足復為郎也遂歷顯位晉諸公贊
曰紹與山濤子簡弘農楊暹同好友善而紹最有忠正之情以侍中從惠帝北伐成都王景初
王師敗績百官皆走惟紹獨以身扞衛遂死於帝側故累見褒崇追贈太尉諡曰忠穆公。景初

中下邳相威出自孤微年十八而著渾輿經依道以見意從齊國

門下書佐司徒署吏後為安成令吳質濟陰人以文才為文帝所

善官至振威將軍假節都督河北諸軍事封列侯魏畧曰質字季重以才

侯所禮愛質亦善處其兄弟之間若前世樓君卿之游五侯矣及河北平定大將軍為世子質與
劉楨等並在坐楨坐譏之際質出為朝歌長後遷元城令其後大將軍西征太子南在孟津小
城與質書曰季重無恙途路雖官守有限願言之懷良不可任足下所治僻左書問致簡益用
增勞毋念昔日南皮之游誠不可忘既思六經逍遙自氏彈碁間設終以博奕高談娛心哀華
順耳馳騫北場旅食南館浮甘瓜於清泉沉朱李於寒水曠日既沒繼以朗月同乘並載以游後
圍輿輪徐動質從無聲清風夜起悲翁微吟樂往哀來淒然傷懷余顧而言茲樂難常足下之徒
咸以為然今果分別各在一方元愉長逝化為異物勿一念至何時可言方今劉賓紀辰景風扇
物風氣和暖眾果具繁時駕而游北遵河曲從者鳴笳以啓路文學託乘於後車節同時異物是

人非我勞如何今遣騎到鄴故使枉道相過行矣自愛二十三年太子又與質書曰歲月易得別
來行復四年二年不見東山猶歎其遠況乃過之思何可支雖書疏往反未足解其勞結昔年疾
疫親故多離其災徐陳應劉一時俱逝痛何可言邪昔日游處行則同輿止則接席何嘗須臾相
失每至觴酌流行絲竹並奏酒酣耳熱仰而賦詩當此之時忽然不自知樂也謂百年已矣長共
相保何圖數年之間零落畧盡言之傷心頃撰其遺文都為一集觀其姓名已為鬼錄追思昔游
懷文抱質恬淡寡欲有箕山之志可謂彬彬君子矣著中論二十餘篇成一家之業辭義典雅足
傳于後此子為不朽矣德運常斐然有述作意才學足以著書美志不遂良可痛惜聞歷觀諸子
之文對之投淚既痛逝者行自念也孔璋章表殊健微為繁富公幹有逸氣但未適耳至其五言
詩妙絕當時元瑜書記翩翩致足樂也仲宣獨自善於辭賦惜其體弱不足起其文至於所善古
人無以遠過也昔伯牙絕弦於鍾期仲尼覆醢於子路慈知音之難遇傷門人之莫逮也諸子但
為未及古人自一時之雋也今之存者已不逮矣後生可畏來者難誣然吾與足下不及見也行
年已長人所懷萬端時有所慮至乃通夕不眠何時復類昔日已成老翁但未白頭耳光武言年
已三十在軍十年所更非一吾德雖不及年與之齊以犬羊之質服虎豹之文無眾星之明假日
月之光動見瞻觀何時易邪恐永不復得為昔日游也少壯真當努力年一過往何可攀援古人
思秉燭夜遊良有以也頃何以自娛頗復有所造述不東望於邑裁書叙心。臣松之以本傳雖
略載太子此書美辭多被刪落今故悉取魏畧所述以備其文太子即王位又與質書曰南皮之
游存者三人烈祖龍飛或將或侯今惟吾子棲遲下仕從吾游處獨不及門就鑿壘恥能無懷愧
路不云遠今復相聞初曹真曹休亦與質等俱在勃海游處時休真亦以宗親並受爵封出為列
將而質故為長史王顧質有望故稱二人以慰之始質為單家少游遊貴戚間蓋不與鄉里相沉
浮故雖已出官本國猶不與之士名及魏有天下文帝徵質與車駕會洛陽到拜北中郎將封列
侯使持節督幽并諸軍事治信都太和入朝質自以不為本部所饒謂司徒董昭曰我欲溺鄉
里耳昭曰君且止我年八十不能老為君溺也。世語曰魏王嘗出征世子及臨前侯植並送
路側植稱述功德發言有章左右屬目王亦悅焉世子悵然自失吳質其曰王常行流涕可也及

辭世子泣而拜王及左右咸歎欵於是皆以植辭多華而誠心不及也質別傳曰帝嘗召質及曹休歡會命郭后出見質等帝曰卿仰諦視之其至親如此質黃初五年朝京師詔上將軍及特進以下皆會質所大官給供具酒醢質欲盡歡時上將軍曹真性肥中領軍朱鑠性瘦質召優使說肥瘦真負貴恥見戲怒謂質曰卿欲以部曲將遇我邪驃騎將軍曹洪輕車將軍王忠言將軍必欲使上將軍服肥即自宜為瘦真愈恚拔刀瞋目言非敢輕脫吾斬爾遂罵坐質案劍曰曹子丹汝非屠枕上肉吳質吞爾不搖喉咀爾不搖牙何敢恃勢驕邪鑠因起曰陛下使吾等來樂卿耳乃至此邪質顧叱之曰朱鑠敢壞坐諸將軍皆還坐鑠性急愈恚遂拔劍斬地遂便罷也及文帝崩質思慕作詩曰愴愴懷殷憂廢憂不可居徒倚不能坐出入步踟躕念蒙聖王恩榮爵與眾殊自謂永終身志氣甫當舒何意中見棄棄我歸黃墟筑筑靡所恃淚下如連珠隨沒無所益身死名不書慷慨自餽俛庶幾烈丈夫太和四年入為侍中時司空陳群錄尚書事帝初親萬機質以輔弼大臣安危之本對帝盛稱驃騎將軍司馬懿忠智至公社稷之臣也陳群從容之士非國相之才處重任而不親重帝甚納之明日有切詔以督責群而天下以司空不如長文即群言無實也質其年夏卒質先以怙威肆行論曰醜侯質于應仍上書論枉至正元中乃改諡威侯應字溫舒晉尚書應子康字子仲知名於時亦至大位

衛覲字伯儒河東安邑人也少夙成以才學稱太祖辟為司空掾屬除茂陵令尚書郎太祖征袁紹而劉表為紹援關中諸將又中立益州牧劉璋與表有隙覲以治書侍御史使益州令璋下兵以綴表軍至長安道路不通覲不得進遂留鎮關中時四方大有還民關中諸將多引為部曲覲書與荀彧曰關中膏腴之地頃遭荒

亂人民流入荊州者十餘萬家聞本土安寧皆企望思歸而歸者無以自業諸將各競招懷以為部曲郡縣貧弱不能與爭兵家遂彊一旦變動必有後憂夫鹽國之大寶也自亂來放散宜如舊置使者監賣以其直益市犂牛若有歸民以供給之勤耕積粟以豐殖關中遠民間之必日夜競還又使司隸校尉留治關中以為之主則諸將日削官民日盛此疆本弱敵之利也或以白太祖太祖從之始遣謁者僕射監鹽官司隸校尉治弘農關中服從乃白召覲還稍遷尚書初漢朝遷後臺閣舊事散亂自都許之後漸有綱紀覲以古義多所正定是時關西諸將外難懷附內未可信司隸校尉鍾繇求以三千兵入關外託討張魯內以會取質任太祖使荀彧問覲以為西方諸將皆賢夫屈起無雄天下意苟安樂目前而已今國家厚加爵號得其所志非有大故不憂為變也宜為後圖若以兵入關中當討張魯魯在深山道徑不通彼必疑之一相驚動地險眾彊殆難為慮或以覲議呈太祖太祖初善之而以繇自曲其任遂從繇議兵始進而關右大叛太祖自親征僅乃平之死者萬計太祖初不從覲議由是益重覲魏國既建拜侍中與王粲並典制度文帝即上位徙為尚書頃之還漢朝為侍郎勸贊禪代之義為文誥之詔文帝踐阼復

爲尚書封陽吉亭侯明帝卽位進封鬲鄉侯三百戶鬲音謁謁奏曰九章之律自古所傳斷定刑罪其意微妙百里長吏皆宜知律刑法者國家之所貴重而私議之所輕賤獄吏者百姓之所縣命而選用者之所卑下王政之弊未必不由此也請置律博士轉相教授事遂施行時百姓凋匱而役務方殷謁上疏曰夫變情厲性彊所不能入臣言之既不易人主受之又艱難且人之所樂者富貴顯榮也所惡者貧賤死亡也然此四者君上之所制也君愛之則富貴顯榮君惡之則貧賤死亡順指者愛所由來逆意者惡所從至也故人臣皆爭順指而避逆意非破家爲國殺身成君者誰能犯顏色觸忌諱建一言開一說哉陛下留意察之則臣下之情可見矣今議者多好悅耳其言政治則比陛下於堯舜其言征伐則比二虜於貍鼠臣以爲不然昔漢文之時諸侯彊大賈誼累息以爲

至危況今四海之內分而爲三學士陳力各爲其主其來降者未肯言舍邪就正咸稱迫於困急豈與六國分治無以爲異也當今千里無烟遺民困苦陛下不善留意將遂凋弊難可復振禮天子之器必有金玉之飾飲食之肴必有八珍之味至於凶荒則徹膳降服然則奢儉之節必視世之豐約也武皇帝之時後宮食不過一肉衣不用錦繡茵褥不緣飾器物無丹漆用能平定天下遺福子孫此皆陛下之所親覽也當今之務宜君臣上下並用籌策計校府庫量入爲出深思句踐滋民之術由恐不及而尚方所造金銀之物漸更增廣工役不輟侈靡日崇帑藏日竭昔漢武信求神仙之道謂當得雲表之露以餐玉屑故立仙掌以承高露陛下通明每所非笑漢武有求於露而由尚見非陛下無求於露而空設之不益於好而糜費工夫誠皆聖慮所宜裁制也謁歷漢魏時獻

忠言率如此受詔典著作又為魏官儀凡所撰述數十篇好古文
鳥篆隸草無所不善建安末尚書右丞河南潘勗文章志曰勗字元茂初

曰勗獻帝時為尚書郎遷右丞詔以勗前在二千石曹才敏兼通明習舊事勗并領本職數加特
賜二十年遷東海相未及拜尚書左丞其年病卒時年五十餘魏公九錫策命勗所作也勗子
滿平原太守亦以學行稱滿子思字正叔尼別傳曰尼少有清才文辭溫雅初應州辟後以父老
歸供養居家十餘年父終晚乃出仕尼嘗贈陸機詩機答之其四句曰綺數潘生世為其藻仰儀
前文不陸祖考位終太常尼從父留字安仁岳別傳曰岳美姿容風以才穎發名其所著述清綺
絕倫為黃門侍郎為孫丞所殺尼岳文翰並見重於世尼從子滔字湯仲晉諸公贊滔以博學才
量為各永嘉末黃初時散騎常侍河內王象亦與觀並以文章顯王象事
別見楊

為河南尹遇害俊觀夢諡曰敬侯子權嗣權咸熙中為鎮西將軍晉陽秋曰權字伯玉清
自有名理少為博學所

劉廙字恭嗣南陽安眾人也年十歲戲於講堂上賴川司馬德操

拊其頭曰孺子孺子黃中通理寧自知不廙兄望之有名於世荆

州牧劉表辟為從事而其友二人皆以讒毀為表所誅望之又以

正諫不合投傳告歸廙謂望之曰趙殺鳴犢仲尼回輪劉向新序曰趙
簡子欲專天下

請其相曰趙有犢犢晉有鐘鳴魯有孔丘吾殺三人者天下可土也於是乃召犢犢鐘鳴而問政
焉已即殺之使使者聘孔子於魯以辟牛肉迎於河上使者謂船人口孔子即上船中河必流而
殺之孔子至使者致命進胙牛之肉孔子仰天而歎曰美哉水乎洋洋乎使丘不濟此水者命也
夫子路趨而進曰敢問何謂也孔子曰夫犢犢鐘鳴晉國之賢大夫也趙簡子未得意之時質而
後從政及其得意也殺之黃龍不反于淵澤鳳皇不離其窟羅故列胎焚林則麒麟不臻覆巢破
卵則鳳皇不翔竭澤而漁則龜龍不見易獸之於不仁猶知避之況丘乎故虎嘯而各風起龍興
而景雲見擊庭鐘於外而黃鐘應於內天物類之相感精神之相應若響之應聲影
之象形故君子違傷其類者今彼已殺吾類矣何為之此乎於是遂回車不渡而還今兄既

不能法柳下惠和光同塵於內則宜模范蠡遷化於外坐而自絕

於時殆不可也望之不從尋復見害廙懼奔揚州廙別傳載廙道路為賊
謝劉表曰考躬過家分

遇榮受之顯未有管狐相文之烈孤德隕命精誠不遂兄望之見禮在昔既無堂構昭前之積中
規不密用墜禍礙斯乃明神弗祐天降之災悔吝之負哀號靡及廙之思淺言行多違懼有浸潤
三至之間考躬之愛已衰望之之責猶存必傷天慈既往之斧門戶竄滅取笑明哲是用避竄永
涉川路即日到廬江尋陽昔鍾儀有南音之操椒舉有班荆之思雖遠猶適敢忘前施 傅子曰
表既殺望之荆州士人皆自危也夫表之本心於望之不輕也以前連情而讓言得入者以無容
直之度也據前楚之地不能以成功者未必不由此也夷叔連武王以成名丁公順高祖以受戮
二主之度速也若不遠其度惟遂歸太祖太祖辟為丞相掾屬轉五官將文

學文帝器之命廙通草書與答書曰初以尊卑有踰禮之常分也
是以貪守區區之節不敦修草必如嚴命誠知勞謙之素不貴殊

異若彼之高而惇白屋如斯之好苟使郭隗不輕於燕九九不忽
於齊樂毅自至霸業以隆戰國策曰有以九九求見齊相公相公不納其人曰九九
小術而君納之況大於九九者乎於是相公設庭燎之禮
初建為黃門侍郎太祖在長安欲親征蜀廩上疏曰聖人不以智
輕俗王者不以人廢言故能成功於千載者必以近察遠智周於
獨斷者不恥於下問亦欲博采必盡於衆也且韋弦非能言之物
而聖賢引以自匡臣才智闇淺願自比於韋弦昔樂毅能用弱燕
破大齊而不能以輕兵定卽墨者夫自為計者雖弱必固欲自潰
者雖強必敗也自殷下起軍以來三十餘年敵無不破疆無不服
今以海內之兵百勝之威而孫權負險於吳劉備不賓於蜀夫夷
狄之臣不當冀州之卒權備之籍不比袁紹之業然本初以亡而
二寇未捷非闇弱於今而智武於昔也斯自為計者與欲自潰者

案才疑有字之誤當
作一詞讀

案廣平當脫一勸字

異勢耳故文王伐崇三駕不下歸而修德然後服之秦為諸侯所
征必服及兼天下東向稱帝匹夫大呼而社稷用壞是力斃於外
而不恤民於內也臣恐邊寇非六國之敵而世不乏才土崩之勢
此不可不察也天下有重得有重失勢可得而我勤之此重得也
勢不可得而我勤之此重失也於今之計莫若料四方之險擇要
害之處而守之選天下之甲卒隨方面而歲更焉殿下可高枕於
廣夏潛思於治國廣農桑事從節約修之旬年則國富民安矣太
祖遂進前而報廩曰非但君當知臣臣亦當知君今欲使吾坐行
西伯之德恐非其人也魏諷反廩弟偉為諷所引當相坐誅太祖
令曰叔向不坐弟虎古之制也特原不問與別傳曰初廩弟偉與諷善廩戒
之曰夫交友之美在於得賢不可
不詳而世之交者不審擇人務合黨聚違先聖人交友之義此非厚已輔仁之謂也吾觀魏諷不
修德行而專以鳩合為務華而不實此直攬世沽名者也卿其慎之勿復與通偉不從故及於難
徙署丞相倉曹屬廩上疏謝曰臣罪應傾宗禍應覆族遭乾坤之

靈值時來之運揚湯止沸使不焦爛起煙於寒灰之上生華於已枯之木物不吝施於天地子不謝生於父母可以死效難用筆陳

廡別傳載廡表論治道曰昔者周有亂臣十人有婦人焉九人而已孔子稱其才難不其然乎明賢者難得也况亂弊之後百姓凋盡士之存者蓋亦無幾暇朕大職及州郡督司邊方重任雖備其官亦疎得人也此非選者之不用意蓋才賈使之然耳况於長吏以下羣職小任能皆簡練備得其人也其計莫如督之以法不爾而數轉易往來不已送迎之煩不可勝計轉易之間輒有姦巧既於其事不直而為政者亦以其不得久安之故知惠益不得成於已而苟且之可免於患皆將不念盡心於郵民而夢想於聲譽此非所以為政之本意也今之所以為佳者奉法也憂公也郵之毀譽聽往來之浮言耳亦皆得其事實而課其能否也長吏之所以為佳者奉法也憂公也郵民也此三者者或州郡有所不便往來者有所不安而長吏執之不已於治雖得計其聲譽未為美闕而從人於治雖失計其聲譽必集也長吏皆知黜陟之在於此也亦何能不去本而就末哉以爲長吏皆宜使不久足使自展歲課之能三年總計乃加黜陟課之皆當以事不得依名事者皆以戶口率其墾田之多少及盜賊發與民之亡叛者為得負之計如此行之則無能之吏修名無益有能之人無名無損法之一行雖無部司之監姦譽多毀可得而盡事上太祖甚善之廡

著書數十篇及與丁儀共論刑禮皆傳於世文帝即王位為侍中賜爵關內侯黃初二年卒

廡別傳云時年四十二無子帝以弟子阜嗣

案劉氏譜阜字伯陵陳留太守阜子喬字仲彥晉陽秋曰喬有贊世志女惠帝末為豫州刺史喬胃胤不顯貴盛至今

劉劭字孔才廣平邯鄲人也建安中為計吏詣許太史上言正旦

當日蝕劭時在尚書令荀彧所坐者數十人或云當廢朝或云宜却會劭曰梓慎禘竈古之良史猶占水火錯失天時禮記曰諸侯

旅見天子及門不得終禮者四日蝕在一然則聖人垂制不為變

豫廢朝禮者或災消異伏或推術謬誤也或善其言敕朝會如舊

日亦不蝕

晉承和中廷尉王彪之與楊州刺史殷浩書曰太史上元日合朔談者或有疑應却元會浩從御史大夫郝慮辟劭會慮免拜太子舍人遷祕書郎黃初

中為尚書郎散騎侍郎受詔集五經羣書以類相從作皇覽明帝即位出為陳留太守敦崇教化百姓稱之徵拜騎都尉與議郎庾嶷荀詵等定科令作新律十八篇著律略論遷散騎常侍時聞公

孫淵受孫權燕王之號議者欲留淵計吏遣兵討之劭以爲昔袁尚兄弟歸淵父康康斬送其首是淵先世之效忠也又所聞虛實未可審知古者要荒未服修德而不征重勞民也宜加寬貸使有以自新後淵果斬送權使張彌等首劭嘗作趙都賦明帝美之詔劭作許都洛都賦時外興軍旅內營宮室劭作二賦皆諷諫焉青龍中吳圍合肥時東方吏士皆分休征東將軍滿寵表請中軍兵并召休將士須集擊之劭議以爲賊衆新至心專氣銳寵以少人自戰其地若便進擊不必能制寵求待兵未有所失也以爲可先遣步兵五千精騎三千軍前發揚聲進道震耀形勢騎到合肥疏其行隊多其旌鼓曜兵城下引出賊後擬其歸路要其糧道賊聞大軍來騎斷其後必震怖遁走不戰自破賊矣帝從之兵比至合肥賊果退還時詔書博求衆賢散騎侍郎夏侯惠薦劭曰伏見常

侍劉劭深忠篤思體周於數凡所錯綜源流弘遠是以羣才大小咸取所同而斟酌焉故性實之士服其平和良正清靜之人慕其玄虛退讓文學之士嘉其推步詳密法理之士明其分數精比意思之士知其沈深篤固文章之士愛其著論屬辭制度之士貴其化略較要策謀之士贊其明思通微凡此諸論皆取適已所長而舉其支流者也臣數聽其清談覽其篤論漸漬歷年服膺彌久實爲朝廷竒其器量以爲若此人者宜輔翼機事納謀幃幄當與國道俱隆非世俗所常有也惟陛下垂優游之聽使劭承清閑之歡得自盡於前則德音上通輝燿日新矣

臣松之以爲凡相稱薦率多溢美之辭能不違中者或寡矣惠之稱劭云玄虛

退讓及明思通微近於過矣

景初中受詔作都官考課劭上疏曰百官考課王政之大較然而歷代弗務是以治典闕而未補能否混而相蒙陛下以上聖之宏畧愍王綱之弛頽神慮內鑒明詔外發臣奉恩曠然得

以啓矇輒作都官考課七十二條又作說畧一篇臣學寡識淺誠

不足以宣暢聖旨著定典制又以為宜制禮作學以移風俗著樂

論十四篇事成未上會明帝崩不施行正始中執經講學賜爵關

內侯凡所撰述法論人物志之類百餘篇卒追贈光祿勳子琳嗣

劭同時東海繆襲亦有才學多所述叙官至尚書光祿勳日繆斐字

文雅該覽經傳事親色養徵博士六辟公府漢帝在長安公卿博舉名儒

就即襲父也文章志曰襲字熙伯辟御史大夫府歷事魏四世正始六

播徵庸等並皆顯達襲友人山陽仲長統漢末為尚書郎早卒著昌言

詞佳可觀省襲撰統昌言表稱統字公理少好學博涉書記勝於文

過幹幹善待遇之訪以世事統謂幹曰君有雄志而無雄才不好上而

道統性倜儻敢直言不矜小節每列郡命召陳州疾不赴統謂其人

書今苟或領典樞機好士愛奇聞統名啓召以為尚書郎後參太師軍事

時年四十餘統每論說古今世俗行事發憤歎息輒以為論名曰昌言凡

傳文間危疑林皆釋之建安中為五官將軍文學甚見禮待黃初中為博士

帝作典論所稱蘇林者是也以老歸策國家無遣人就問之數加賜遺年

大京兆韋誕文章叙錄曰誕字仲將大僕端之子有文才善屬辭意建安中為郡上計吏特

及誕並善書有名觀孫相撰四體書勢其序古文曰自秦用篆書焚燒先

時魯恭王壞孔子宅得尚書春秋論語孝經時人已不復知有古文謂之

見之魏初傳古文者出於邯鄲淳淳敬侯寫淳尚書後以示淳而淳不別至

失淳法因科斗之名遂效其法太康元年汲縣民盜發魏襄王冢得策書

猶有髮鬚敬侯謂觀也其序篆書曰秦時李斯號為工篆諸山及銅人銘

風曹喜少異於斯而亦稱善邯鄲淳師焉累究其妙淳師淳而不及也

以能書畱補侍中魏氏寶器銘題皆誕書云漢末又有蔡邕采斯喜之法

家默字法者術恒
傳作殺字法者術恒
此因殺字作法者術恒
然耳

然鴟之用筆盡其勢矣其序草書曰漢興而有草書不知作者姓名至章

篇後有崔瑗崔寔亦皆稱工杜氏然字甚安而書體微瘦崔氏甚得筆勢

英者因而轉精其攻凡家之衣鼠必書而後練之臨池學書池水盡黑下

暇草寸紙不見遺至今世人尤寶之章仲將謂之草聖伯英弟文舒者次

達田彦和及章仲將之徒皆伯英弟子有名於世然殊不及文舒也樂安太守譙國夏侯惠

惠淵子事陳郡太守任

城孫該文章叙錄曰該字公達疆志好學年二十上計掾召為郎中

擊等亦著文賦頗傳於世廉除郎中轉補校書擊與母丘儉鄉里相親故為詩與儉

求仙人藥一丸欲以感切儉求助也其詩曰騏驎馬不試婆娑槽擬間壯

伊擊為腰臣呂望身操筆夷吾困商販甯戚對牛歎食其處監門淮陰飢

不怡八子未遭遇今者邁明時胡康出龍藏楊偉無根其飛騰冲雲天奮八協光熙駿驥骨法異伯樂觀知之但當養羽翮鴻舉必有期體無纖微疾安用問良醫歸翩翩栖集還為燕雀啞韓衆藥雖良或更不能治悠悠下里情薄言答嘉詩信心感諸中中實不在辭華况不得選卒千祕書盧江何氏家傳曰明帝時有譙人胡康年十五以異才見送又陳損益未試劇縣詔特引見衆論翕然號為神童詔付祕書使博覽典籍帝以問祕書丞何禎康才何如禎答曰康雖有才性質不端必有負敗後果以過見譴臣松之案魏朝自微而顯者不聞胡康疑是孟康康事見杜恕

傳楊偉見曹爽傳

傳嘏字蘭石北地泥陽人傳介子之後也伯父巽黃初中為侍中

尚書

傳子曰嘏祖父詹代郡太守父充黃門侍郎

嘏弱冠知名

傳子曰是時何晏以材辯顯於貴戚之間鄧粲好變通合徒黨嚮聲名於閭閻而夏侯玄以貴

臣子少有重名為之宗子求交於嘏而不納也嘏友人荀粲有清識遠心然猶怪之謂嘏曰夏侯泰初一時之傑虛心交子合則好成不合則怨至二賢不睦非國之利此蕭相如所以以下廉頗也嘏答之曰泰初志大其量能合虛聲而無實才何平叔言遠而情近好辯而無誠所謂利口覆邦國之人也鄧玄茂有為而無終外要名利內無關鑰貴同惡異多言而始則多言多讟如前無親以吾觀此三人者皆取德也司空陳羣辟為掾時散騎常侍劉劭作考課法

事下二府嘏難劭論曰蓋聞帝制宏深聖道與遠苟非其才則道

不虛行神而明之存乎其人暨乎王畧虧頽而曠載罔綴微言既

沒六籍泯玷何則道弘致遠而衆才莫晞也案劭考課論雖欲尋

前代黜陟之文然其制度畧以闕亾禮之存者惟有周典外建侯

伯藩屏九服內立列司筦齊六職士有恒貢官有定則百揆均任

四民殊業故考績可理而黜陟易通也大魏繼百王之末承秦漢

之烈制度之流靡所修采自建安以來至於青龍神武撥亂肇基

皇祚埽除凶逆芟夷遺寇旌旗卷舒日不暇給及經邦治戎權法

並用百官羣司軍國通任隨時之宜以應政機以古施今事雜義

殊難得而通也所以然者制宜經遠或不切近法應時務不足垂

後夫建官均職清理民物所以立本也循名考實糾勵成規所以

治末也本綱未舉而造制未呈國畧不崇而考課是先懼不足以

料賢愚之分精幽明之理也昔先王之擇才必本行於州閭講道

於庠序行具而謂之賢道修則謂之能鄉老獻賢能于王王拜受

之舉其賢者出使長之科其能者入使治之此先王收才之義也

方今九州之民爰及京城未有六鄉之舉其選才之職專任吏部
案品狀則實才未必當任薄伐則德行未為叙如此則殿最之課
未盡人才述綜王度敷贊國式體深義廣難得而詳也正始初除
尚書郎遷黃門侍郎時曹爽秉政何晏為吏部尚書嘏謂爽弟羲
曰何平叔外靜而內銛巧好利不念務本吾恐必先惑子兄弟仁
人將遠而朝政廢矣晏等遂與嘏不平因微事以免嘏官起家拜
熒陽太守不行太傅司馬宣王請為從事中郎曹爽誅為河南尹
傳子曰河南尹內掌帝都外統京畿兼古六鄉六遂之士其民異方雜居多豪門大族商賈胡貊
天下四方會利之所聚而姦之所生前尹司馬芝舉其綱而去簡次尹劉靜綜其目而太密後尹
李勝毀常法以收一時之聲嘏立司馬氏之綱統裁劉氏之綱日以經緯之李氏所毀以漸補之
郡有七百吏半非舊也河南俗黨五官掾功曹典選職皆授其本國人無用異邦人者嘏各舉其
良而對用之官曹分職而後以次考校之其治以德教為本然持法有恒簡而不可犯見理識情
獄訟不加擯楚而得其實不為小惠有所薦達及大有益於民事皆隱其端迹若不由已出故當
時無赫赫之名吏 遷尚書嘏常以為秦始罷侯置守設官分職不與古
同漢魏因循以至於今然儒生學士咸欲錯綜以三代之禮禮弘

致遠不應時務事與制違名實未附故歷代而不至於治者蓋由
是也欲大改定官制依古正本今遇帝室多難未能革易時論者
議欲自伐吳三征獻策各不同詔以訪嘏嘏對曰昔夫差陵齊勝
晉威行中國終禍姑蘇齊閔兼土拓境闢地千里身蹈顛覆有始
不必善終古之明效也孫權自破關羽并荊州之後志盈欲滿凶
究以極是以宣文侯深建宏圖大嘏之策今權已死託孤於諸葛
恪若矯權苛暴蠲其虐政民免酷烈偷安新惠外內齊慮有同舟
之懼雖不能終自保完猶足以延期挺命於深江之外矣而議者
或欲汎舟徑濟橫行江表或欲四道並進攻其城壘或欲大佃疆
場觀釁而動誠皆取賊之常計也然自治兵以來出入三載非掩
襲之軍也賊之為寇幾六十年矣君臣偽立吉凶共患又喪其元
帥上下憂危設令列船津要堅城據險橫行之計其殆難捷惟進

軍大佃最差完牢隱兵出民表寇鈔不犯坐食積穀不煩運士乘
釁討襲無遠勞費此軍之急務也昔樊噲願以十萬之眾橫行何
奴季布面折其短今欲越長江涉虜庭亦向時之喻也未若明法
練士錯計於全勝之地振長策以禦敵之餘燼斯必然之數也司馬
彪戰略載此對詳於本傳今悉載之以盡其意彪曰嘉平四年四月孫權死征南大將軍王和
征東將軍胡遵鎮南將軍毋丘儉等表請征吳朝廷以三關地千里不足以救顛覆之敗有始不
勝齊陵首威行中國不能以免姑蘇之禍齊閔辟士兼國欲滿罪戮忠良誅及胤嗣元凶已極相
必善終古事之明效也孫權自破蜀兼平荆州之後志盈已死託孤於諸葛恪若矯權苛暴獨其
國宜文侯先識取亂侮亡之義深建宏圖大舉之策今權終已死託孤於諸葛恪若矯權苛暴獨其
虐政民免酷烈偷安新惠外內齊慮有同舟之懼雖不能終已死託孤於諸葛恪若矯權苛暴獨其
表矣昶等或欲汎舟徑渡橫行江表收民畧地因糧於寇或欲四道並進臨之以武誘間搆武待
其崩壞或欲進軍大佃偏其項積穀觀變相時而動此三者皆取賊之常計也然施之當機
則功成名立苟不應節必貽後患自治兵已來出入三載非掩襲之軍也賊喪元帥利存退守若
撰飾舟楫羅船津要堅城清野以防卒攻橫行之計始難必施賊之為寇幾六十年君臣偽立古
凶同患若恪獨其弊天去其疾崩潰之應不可卒待今邊壤之守與賊相遠賊設羅落又持軍密
間諜不行耳目無聞夫軍無耳目校察未詳而舉大眾以臨險此為希幸倣功先戰而後求勝
非全軍之長策也唯有進軍大佃最差完牢可詔也遵等擇此居險寄所錯置及令三方一時前
守奪其肥壤使還耕墾上一也兵出民表寇鈔不犯二也權懷遠路降附日至三也羅落遠設間
構不來四也賊退其守羅落必淺佃作易之五也坐食積穀上不運輸六也釁隙時開討襲速決
七也凡此七者軍事之急務也不據則賊擅便資據之則利歸於國不可不察也夫屯壘相偏形

勢已交智勇得陳巧拙得用策之而知得失之計角之而知有餘不足虜之情偽將焉所逃夫以
小敵大則役煩力竭以貧敵富則斂重財匱故敵逸能勞之飽能飢之此之謂也然後盛眾厲兵
以震之參惠倍賞以招之多方廣似以疑之由不虞之道以問其不戒比及三年左提右挈虜必
冰散瓦解安受其弊可坐算而得也昔漢氏歷世常患匈奴朝臣謀士早朝晏罷介冑之將則陳
征伐縉紳之徒咸言和親勇奮之士思展搏噬故樊噲願以十萬之眾橫行匈奴季布面折其短
李信求以二十萬獨舉楚人而果辱秦軍今諸將有陳惑江陵險獨步虜庭即亦向時之類也以
陛下聖德輔相忠賢法明士練錯計於全勝之地振長策以禦之虜之崩潰必然之數故兵法曰
屈人之兵而非戰也拔人之城而非攻也若釋廟勝必然之理而行萬一不必全之路誠愚臣之
所慮也故謂大佃而偏之計最長時不從故言其年十一月詔祖等征吳五年正月諸葛恪拒戰大破眾軍於東關

關乘勝揚聲欲向青徐朝廷將為之備噲議以為淮海非賊輕行
之路又昔孫權遣兵入海漂浪沈溺累無子遺恪豈敢傾根竭本

寄命洪流以徼乾沒乎漢書張湯傳曰湯始為御史乾沒與長安富賈田甲魚翁叔之屬交私服虔說曰乾沒射成敗也如淳曰得利為乾失利為沒

遣偏率小將素習水軍者乘海沂淮示動青徐恪自并兵來向淮

南耳後恪果圖新城不克而歸噲常論才性同異鍾會集而論之

傅子曰噲既達治好正而有清理議要好論才性原本精微能及之司隸校尉鍾會年甚少噲以明智交會 臣松之案傅子前云噲了夏侯之必敗不與之矣 此云與鍾會善愚以為夏侯

玄以名重致患費由外至鍾會以利動取敗禍自已出然則夏侯一危兆難觀而鍾氏之敗形易照也假若了夏侯之必危而不見鍾會之將敗則為識有所蔽難以言通若皆知其不終而情有彼此是為厚薄由于愛憎奚豫於成敗哉以愛憎為厚薄又虧於雅體矣傳于此論非所以益假也

嘉平末賜爵關內侯高貴鄉公即尊位進封武鄉亭侯正元二年春毋丘儉文欽作亂或以司馬

景王不宜自行可遣太尉孚往惟假及王肅勸之景王遂行漢晉春秋曰假

固勸景王行景王未從假重言曰淮楚兵勁而儉等負力遠關其鋒未易當也若諸將戰有以

利鈍大勢一失則公事敗矣是時景王新割日癩創其間假言儼然而起曰我請與疾而東以假守尚書僕射俱東儉欽破敗假有謀焉及景王薨假與司馬文

王徑還洛陽文王遂以輔政語在鍾會傳世語曰景王疾甚以朝政授傳假假不敢受及薨假秘不發喪以景王命

召文王於許昌公宣焉孫盛評曰景王與文王之相也權重相承王業其安也爾傳假所宜聞則世語所云不然矣會由是有自矜色假

戒之曰子志大其量而勲業難為也可不慎哉假以功進封陽鄉

侯增邑六百戶并前千二百戶是歲薨時年四十七追贈太常諡

曰元侯傳子曰初本豐與假同州少有顯名早歷大官內外稱之假又不善也謂同志曰豐飾偽而多疑於小失而昧於權利若處庸庸者可也自任機事遭明者必死豐後為中書

令與夏侯玄俱禍卒如假言假自少與冀州刺史孫盛散騎常侍荀勗善數勗早亡又與鎮北將軍何曾同空陳泰尚書僕射荀顛後將軍鍾毓並善相與綜朝事俱為名臣子祗嗣

咸熙中開建五等以假著勲前朝改封祗涇原子晉諸公贊曰祗字子莊假少子也晉永嘉中至

司空祗子宣字世弘世語稱宣以公正知名位至御史中丞宣弟暢字世道祕書丞沒在胡中著晉諸公贊及晉公卿禮秩故事

評曰昔文帝陳王以公子之尊博好文采同聲相應才士並出惟

粲等六人最見名目而粲特處常伯之官典一代之制然其沖虛

德宇未若徐幹之粹也衛覲亦以多識典故相時王之式劉劭該

覽學籍文質周洽劉廙以清鑒著傳假用才達顯云臣松之以為傳假識量名輩寔當時

高流而此評但云用才達顯既於題目為拙又不足以見假之美也

魏書二十二 徐衛盧傳第二十二

魏書曰階祖父超父勝皆歷任郡功曹太守孫

三國志

魏書二十二

栢二陳徐衛盧傳第二十二

栢階字伯緒長沙臨湘人也

魏書曰階祖父超父勝皆歷任郡功曹太守孫

堅舉階孝廉除尚書郎父喪還鄉里會堅擊劉表戰死階冒難詣

表乞堅喪表義而與之後太祖與表紹相拒於官渡表舉州以應

紹階說其太守張羨曰夫舉事而不本於義未有不敗者也故齊

相率諸侯以尊周晉文逐叔帶以納王今表氏反此而劉牧應之

取禍之道也明府必欲立功明義全福遠禍不宜與之同也羨曰

然則何向而可階曰曹公雖弱仗義而起救朝廷之危奉王命而

討有罪孰敢不服今若舉四郡保三江以待其來而為之內應不

亦可乎羨曰善乃舉長沙及旁三郡以拒表遣使詣太祖太祖大

悅會紹與太祖連戰軍未得南而表急攻羨羨病死城陷階遂自

寧任城太守孫夫人稱有
長沙人極伯序即階也
縉當伴序及字相應

匿久之劉表辟為從事祭酒欲妻以妻妹蔡氏階自陳已結婚拒而不受因辭疾告退太祖定荊州聞其為張羨謀也異之辟為丞相掾主簿遷趙郡太守魏國初建為虎賁中郎將侍中時太子未定而臨菑侯植有寵階數陳文帝德優齒長宜為儲副公規密諫前後懇至魏書稱階諫曰今太子位冠群子名昭海內仁聖達節天下莫不聞而大王前以植而問臣臣誠惑之於是太祖知階篤於守正深益重焉又毛玠徐奕以剛蹇少黨而為西曹掾丁儀所不善儀屢言其短賴階左右以自全係其將順匡救多此類也遷尚書典選舉曹仁為關羽所圍太祖遣徐晃救之不解太祖欲自南征以問羣下羣下皆謂王不亟行今敗矣階獨曰大王以仁等為足以料事勢不也曰能大王王二人遺力邪曰不然則何為自往曰吾恐虜衆多而晃等勢不便耳階曰今仁等處重圍之中而守死無貳者誠以大王遠為之勢也夫居萬死之地必有死爭之心內懷死爭外有疆救大

王案六軍以示餘力何憂於敗而欲自往太祖善其言駐軍於摩陂賊遂退文帝踐阼遷尚書令封高鄉亭侯加侍中階疾病帝自臨省謂曰吾方託六尺之孤寄天下之命於卿勉之徙封安樂鄉侯邑六百戶又賜階三子爵關內侯祐以嗣子不封病卒又追贈關內侯後階疾篤遣使者即拜太常薨帝為之流涕諡曰貞侯子嘉嗣以階弟纂為散騎侍郎賜爵關內侯嘉尚升遷亭公主會嘉平中以樂安太守與吳戰於東關軍敗沒諡曰壯侯子翊嗣世語曰階孫陵

字元徽有名於晉武帝世至美陽太守卒

陳羣字長文穎川許昌人也祖父寔父紀叔父諡皆有盛名寔字仲弓紀字

方諡字寔方魏書曰寔德冠當時紀諡並名重於世寔為大丘長遭黨錮隱居荆山遠近宗師進輔政引用天下名士寔欲以為參軍以老病遂不屈節諡為司空掾早卒紀歷

中中大鴻臚著書數十篇世謂之陳子寔之亡也司空荀爽太僕令韓融並制總麻統

子孫禮四至者車數千乘自太原郭泰等無不造門傅子曰寔亡天下致中會其葬者三萬人制練麻者百數先賢行狀曰大將軍何進遣屬弔祠諡曰文範先生于時寔紀高名並著而謹又配之流曰二君每宰府辟命率皆同時羔鴈成羣丞掾交至豫州百姓皆圖畫寔紀諡之

形群爲兒時寔常竒異之謂宗人父老曰此兒必興吾宗魯國孔融
高才倨傲年在紀羣之間先與紀友後與羣交更爲紀拜由是顯
名劉備臨豫州辟羣爲別駕時陶謙病死徐州迎備備欲往羣說
備曰表術尚彊今東必與之爭呂布若襲將軍之後將軍雖得徐
州事必無成備遂東與表術戰布果襲下邳遣兵助術大破備軍
備恨不用羣言舉茂才除柘令不行隨紀避難徐州屬呂布破太
祖辟羣爲司空西曹掾屬時有薦樂安王模下邳周逵者太祖辟
之羣封還教以爲模達穢德終必敗太祖不聽後模達皆坐姦宄
誅太祖以謝羣羣薦廣陵陳矯丹陽戴乾太祖皆用之後吳人叛
訖忠義死難矯遂爲名臣世以羣爲知人除蕭贊長平令父卒去
官後以司徒掾舉高第爲治書侍御史轉參丞相軍事魏國旣建
遷爲御史中丞時太祖議復肉刑令曰安得通理君子達於古今
者使平斯事乎昔陳鴻臚以爲死刑有可加於仁恩者正謂此也
御史中丞能申其父之論乎羣對曰臣父紀以爲漢除肉刑而增
加笞本與仁惻而死者更衆所謂名輕而實重者也名輕則易犯
實重則傷民書曰惟敬五刑以成三德易著劓刑滅趾之法所以
輔政助教懲惡息殺也且殺人償死合於古制至於傷人或殘毀
其體而裁翦毛髮非其理也若用古刑使淫者下蠶室盜者刑其
足則永無淫放穿踰之姦矣夫三千之屬雖未可悉復若斯數者
時之所患宜先施用漢律所殺殊死之罪仁所不及也其餘逮死
者可以刑殺如此則所刑之與所生足以相質矣今以笞死之法
易不殺之刑是重人文體而輕人軀命也時鍾繇與羣議同王朗
及議者多以爲未可行太祖深善繇羣言以軍事未罷顧衆議故
且寢羣轉爲侍中領丞相東西曹掾在朝無適無莫雅杖名義不

以非道假人文帝在東宮深敬器焉待以交友之禮常歎曰自吾
有回門人日以親及節王位封羣昌武亭侯徙爲尚書制九品官
人之法羣所建也及踐阼遷尚書僕射加侍中徙尚書令進爵潁
鄉侯帝征孫權至廣陵使羣領中領軍帝還假節都督水軍還許
昌以羣爲鎮軍大將軍領中護軍錄尚書事帝寢疾羣與曹真司
馬宣王等並受遺詔輔政明帝卽位進封潁陰侯增邑五百并前
千三百戶與征東大將軍曹休中軍大將軍曹真撫軍大將軍司
馬宣王並開府頃之爲司空故錄尚書事是時帝初莅政羣上疏
曰詩稱儀刑文王萬邦作孚又曰刑于寡妻至于兄弟以御于家
邦道自近始而化洽于天下自喪亂已來干戈未戢百姓不識王
教之本懼其陵遲已甚陛下當盛魏之隆荷二祖之業天下想望
至治唯有以崇德布化惠恤黎庶則兆民幸甚夫臣下雷同是非
相蔽國之大患也若一不和睦則有讐黨有讐黨則毀譽無端毀譽
無端則真偽失實不可不深防備有以絕其源流太和中曹真表
欲數道伐蜀從斜谷入羣以爲太祖昔到陽平攻張魯多收豆麥
以益軍糧魯未下而食猶乏今旣無所因且斜谷阻險難以進退
轉運必見鈔截多留兵守要則損戰士不可不熟慮也帝從羣議
真復表從子午道羣又陳其不便并言軍事用度之計詔以羣議
下真真據之遂行會霖雨積日羣又以爲宜詔真還帝從之後皇
女淑薨追封謚平原懿公主羣上疏曰長短有命存亡有分故聖
人制禮或抑或致以求厥中防墓有不修之儉羸博有不歸之魂
夫大人動合天地垂之無窮又大德不踰閑動爲師表故也八歲
下殤禮所不備況未暮月而以成人禮送之加爲制服舉朝素衣
朝夕哭臨自古已來未有此比而乃復自往視陵親臨祖載願陛

下抑制無益有損之事但悉聽羣臣送葬乞車駕不行此萬國之至望也聞車駕欲幸摩陂實到許昌二宮上下皆悉俱東舉朝大小莫不驚怪或言欲以避衰或言欲於便處移殿舍或不知何故臣以為吉凶有命禍福由人移徙求安則亦無益若必當移避繕治金墉城西宮及孟津別宮皆可權時分止可無舉宮暴露野次廢損盛節蠶農之要又賊地聞之以為大褻加所煩費不可計量且由吉士賢人當盛衰處安危秉道信命非徙其家以寧鄉邑從其風化無恐懼之心況乃帝王萬國之主靜則天下安動則天下擾行止動靜豈可輕脫哉帝不聽青龍中營治宮室百姓失農時羣上疏曰禹承唐虞之盛猶卑宮室而惡衣服況今喪亂之後人民至少比漢文景之時不過一大郡臣松之案漢書地理志云元始二年天下戶景之時不能如是多也案晉太康三年地記晉戶有三百七十七萬吳蜀戶不能居半以此言之魏雖始承喪亂方晉亦當無乃大殊長文之言於是為過加邊境有事

將士勞苦若有水旱之患國家之深憂也且吳蜀未滅社稷不安宜及其未動講武勸農有以待之今舍此急而先宮室臣懼百姓遂困將何以應敵昔劉備自成都至白水多作傳舍興費人役太祖知其疲民也今中國勞力亦吳蜀之所願此安危之機也惟陛下慮之帝荅曰王者宮室亦宜並立滅賊之後但當罷守耳豈可復興役邪是故君之職蕭何之大略也羣又曰昔漢祖唯與項羽爭天下羽已滅宮室燒焚是以蕭何建武庫太倉皆是要急然猶非其壯麗今二虜未平誠不宜與古同也孫盛曰周禮天子之官有斷續之制然質文之飾與時推移漢承周秦之弊宜敦簡約之化而何崇飾宮室示後嗣此乃武帝千門萬戶所以大興豈無所復增之謂邪况乃魏氏方有吳蜀之難四海罹塗炭之艱而蕭蕭河之過議以為令軌豈不惑於大道而昧得失之辨哉使百代之君眩於奢儉之中何之由矣詩云斯言之玷不可為也其斯之謂乎夫人之所欲莫不有辭况乃天王莫之敢違前欲壞武庫謂不可不壞也後欲置之謂不可不置也若必作之固非臣下辭言所屈若少留神卓然回意亦非臣下之

所及也漢明帝欲起德陽殿鍾離意諫卽用其言後乃復作之殿成謂羣臣曰鍾離尚書在不得成此殿也夫王者豈憚一臣蓋爲百姓也今臣曾不能少疑聖聽不及意遠矣帝於是有所減省初太祖時劉廙坐弟與魏諷謀反當誅羣言之太祖太祖曰廙名臣也吾亦欲赦之乃復位廙深德羣羣曰夫議刑爲國非爲私也且自明主之意吾何知焉其弘博不伐皆此類也青龍四年薨諡曰靖侯子泰嗣帝追思羣功德分羣戶邑封一子列侯

魏書曰羣前後數密陳得失每上封事輒削其草時人及其子弟莫能知也論者或譏羣居位異默正始中詔撰羣臣上書以爲名臣奏議朝士乃見羣諫事皆歎息焉泰子曰或云故少府揚阜豈非忠臣哉見人主之非則勃然怒而觸之與人言未嘗不道也豈非所謂王臣警懼匪躬之故者歟答曰然可謂直士忠則吾不知也夫仁者愛人施於君謂之忠施於親謂之孝忠孝者其本一也故仁愛之至者君親有過諫而不入求之反覆不得已而言不忍宣也今爲人臣見人主失道直諫其非而播揚其惡可爲直士未爲忠臣也故司空陳羣則不然其談論終日未嘗言人主之非書數十止而外人不知君子謂羣於是乎長

者矣
秦字玄伯青龍中除散騎侍郎正始中徙游擊將軍爲并州刺史

加振威將軍使持節護匈奴中郎將懷柔夷民甚有威惠京邑貴人多奇寶貨因秦市奴婢秦皆挂之於壁不發於封及徵爲尚書悉以還之嘉平初代郭淮爲雍州刺史加奮威將軍蜀大將軍姜維率衆依麴山築二城使牙門將句安李歆等守之聚羌胡質任等寇逼諸郡征西將軍郭淮與秦謀所以禦之秦曰麴城雖固去蜀險遠當須運糧羌夷患維勞役必未肯附今圍而取之可不血刃以拔其城雖其有救山道阻險非行兵之地也淮從秦計使秦率討蜀護軍徐質南安太守鄧艾等進兵圍之斷其運道及城外流水安等挑戰不許將士困窘分糧聚雪以稽日月維果來救出自牛頭山與秦相對秦曰兵法貴在不戰而屈人今絕牛頭維無反道則我之禽也救諸軍各堅壘勿與戰遣使白淮欲自南渡白水循水而東使淮趣牛頭截其還路可并取維不惟安等而已淮

善其策進率諸軍軍洮水維懼遁走安等孤縣遂皆降淮薨秦代
爲征西將軍假節都督雍涼諸軍事後年雍州刺史王經白秦云
姜維夏侯霸欲三道向祁山石營金城求進兵爲翅使涼州軍至
枹罕討蜀護軍向祁山秦量賊勢終不能三道且兵勢惡分涼州
未宜越境報經審其定問知所趣向須東西勢合乃進時維等將
數萬人至枹罕趣狄道秦救經進屯狄道須軍到乃規取之秦進
軍陳倉會經所統諸軍於故關與賊戰不利經輒渡洮秦以經不
堅據狄道必有他變並遣五營在前秦率諸軍繼之經已與維戰
大敗以萬餘人還保狄道城餘皆奔散維乘勝圍狄道秦軍上邽
分兵守要晨夜進前鄧艾胡奮王祕亦到卽與艾祕等分爲三軍
進到隴鄧艾等以爲王經精卒破衄於西賊衆大盛乘勝之兵旣
不可當而將軍以易合之卒繼敗軍之後將士失氣隴右傾蕩古

人有言蝮蛇螫手壯士解其腕孫子曰兵有所不擊地有所不守
蓋小有所失而大有所全故也今隴右之害過於蝮蛇狄道之地
非徒不守之謂姜維之兵是所辟之鋒不如割險自保觀釁待弊
然後進救此計之得者也秦曰姜維提輕兵深入正欲與我爭鋒
原野求一戰之利王經當高壁深壘挫其銳氣今乃與戰使賊得
計走破王經封之狄道若維以戰克之威進兵東向據櫟陽積穀
之實放兵收降招納羌胡東爭關隴傳檄四郡此我之所惡也而
維以乘勝之兵挫峻城之下銳氣之卒屈力致命攻守勢殊客主
不同兵書云修櫓櫓三月乃成拒堙三月而後已誠非輕軍遠
入維之詭謀倉卒所辦縣軍遠僑糧穀不繼是我速進破賊之時
也所謂疾雷不及掩耳自然之勢也洮水帶其表維等在其內今
乘高據勢臨其項領不戰必走寇不可縱圍不可久君等何言如

此遂進軍度高城嶺潛行夜至狄道東南高山上多舉烽火鳴鼓
角狄道城中將士見救者至皆憤踊維始詣官救兵當須衆集乃
發而卒聞已至謂有奇變宿謀上下震懼自軍之發隴西也以山
道深險賊必設伏秦詭從南道維果三日施伏臣松之案此傳云謂救兵當須衆集而卒聞已至謂
有奇變上下震懼此則救至出於不意若不知救至何故伏兵深險乃經三日乎設伏相伺非不知之謂此皆語之不通也定軍潛行卒出其南維
乃緣山突至秦與交戰維退還涼州軍從金城南至沃干阪秦與
糧不至旬向不應機舉城屠裂覆喪一州矣秦慰勞將士前後遣
還更差軍守並治城壘還屯上邽初秦聞經見圍以州軍將士素
皆一心加得保城非維所能卒傾表上進軍晨夜速到還衆議以
經奔北城不足自固維若斷涼州之道兼四郡民夷據關隴之險
敢能沒經軍而屠隴右宜須大兵四集乃致攻討大將軍司馬文

王曰昔諸葛亮常有此志卒亦不能事大謀遠非維所任也且城
非倉卒所拔而糧少爲急征西速救得上策矣秦每以一方有事
輒以虛聲擾動天下故希簡白上事驛書不過六百里司馬文王
語荀顛曰玄伯沈勇能斷荷方伯之重救將陷之城而不求益兵
又希簡上事必能辦賊故也都督大將不當爾邪後徵秦爲尚書
右僕射典選舉加侍中光祿大夫吳大將孫峻出淮泗以秦爲鎮
軍將軍假節都督淮北諸軍事詔徐州監軍已下受秦節度峻退
軍還轉爲左僕射諸葛誕作亂壽春司馬文王率六軍軍丘頭秦
總署行臺司馬景王文王皆與秦親友及沛國武陔亦與秦善文
王問陔曰玄伯何如其父司空也陔曰通雅博暢能以天下聲教
爲已任者不如也明統簡至立功立事過之秦前後以功增邑二
千六百戶賜子弟一人亭侯二人關內侯景元元年薨追贈司空

諡曰穆侯

于寶晉紀曰高貴鄉公之殺司馬文王會朝臣謀其故太常陳泰不至使其舅荀

共逼之垂涕而入王待之曲室請曰玄伯卿何以處我對曰誅賈充以謝天下文王曰為吾更思

其次泰曰泰言惟有進於此不知其次文王乃不更言一魏氏春秋曰帝之崩也太傅司馬孚尚書

右僕射陳泰枕帝尸於殿號哭盡哀時大將軍入于禁中泰見之悲慟大將軍亦對之泣謂曰玄

伯其如我何泰曰獨有斬曹允少可以謝天下耳大將軍入之曰卿更思其他泰曰豈可使泰復

發後言遂嘔血薨臣松之案本傳泰不為太常未詳于寶所由知之孫盛改易泰言雖為小勝

然檢盛言諸所改易皆非別有異聞率更自以意制多不如舊凡記言之體當使若出其口辭勝

而違實固君子所不取况復不勝而徒長虛妄哉案博物記曰太丘長陳寔寔子鴻臚紀紀子

司空羣羣子泰四世於漢魏二朝並有重名而其德漸漸小減時人為其語曰公慙卿卿慙長

子恂嗣恂薨無嗣弟溫紹封咸熙中開建五等以泰著勳開朝改

封溫為慎子

案陳氏譜羣之後名位遂微謀孫佐官至青州刺史佐弟坦廷尉佐子準太尉

封廣陵郡公準弟戴徵及從弟堪並至大位準孫達字林道有譽江左為西中

郎將追贈

陳矯字季弼廣陵東陽人也避亂江東及東城辭孫策表術之命

還本郡太守陳登請為功曹使矯詣許謂曰許下論議待吾不足足

下相為觀察還以見誨矯還曰聞遠近之論頗謂明府驕而自矜

登曰夫閨門雍穆有德有行吾敬陳元方兄弟淵清玉潔有禮有

法吾敬華子魚清修疾惡有識有義吾敬趙元達博聞疆記奇逸

卓犖吾敬孔文舉雄姿傑出有王霸之畧吾敬劉玄德所敬如此

何驕之有餘子瑣瑣亦焉足錄哉登雅意如此而深敬友矯郡為

孫權所圍於匡奇登令矯求救於太祖矯說太祖曰鄙郡雖小形

便之國也若蒙救援使為外藩則吳人劉謀徐方永安武聲遠震

仁愛滂流未從之國望風景附崇德養威此王業也太祖奇矯欲

留之矯辭曰本國倒縣本奔走告急縱無申胥之效敢忘弘演之

義乎

劉向新序曰齊桓公求婚於衛衛不與而嫁於許備為狄所伐桓公不救至於國滅君死

乃刳腹內肝而死齊桓公曰衛有臣若此而太祖乃遣赴救吳軍既退登多設間

尚滅寡人無有亡無日矣乃救衛定其君

伏勒兵追奔大破之太祖辟矯為司空掾屬除相令征南長史彭

城樂陵太守魏郡西部都尉曲周民父病以牛禱縣結正棄市矯

曰此孝子也表赦之遷魏郡太守時繫囚千數至有歷年矯以為

周有三典之制漢約三章之法今惜輕重之理而忽久繫之患可謂謬矣悉自覽罪狀一時論決大軍東征入為丞相長史軍還復為魏郡西曹屬從征漢中還為尚書行前未到鄴太祖崩洛陽羣臣拘常以為太子即位當須詔命矯曰王薨于外天下惶懼太子宜割哀即位以繫遠近之望且又愛子在側彼此生變則社稷危矣即具官備禮一日皆辦明且以王后令策太子即位大赦蕩然文帝曰陳季弼臨大節明畧過人信一時之俊傑也帝既踐阼整署吏部封高陵亭侯遷尚書令明帝即位進爵東鄉侯邑六百戶車駕嘗卒至尚書門矯跪問帝曰陛下欲何之帝曰欲案行文書耳矯曰此自臣職分非陛下所宜臨也若臣不稱其職則請就黜退陛下宜還帝慙回車而反其亮直如此世語曰劉辟以先進見幸因請矯專權曰主上明聖大人大臣今若不合不過不作公耳後數日帝見矯矯又問曰陛下意解故見大人也既入盡日帝曰劉辟構君朕有以述君朕心故已子以金五銖授之矯辭帝曰豈以為

小惠君已知朕心願君妻子未知故也帝憂社稷問矯司馬公忠正可謂社稷之臣乎矯曰朝廷之望社稷未知也加侍中光祿大夫遷司徒

景初元年薨諡曰貞侯魏氏春秋曰矯本劉氏子出嗣舅氏而婚于本族徐宣每非之庭議其闕太祖惜矯才量欲擁全之乃下令曰喪亂已來風教

彫薄謗議之言難用褒貶自建安五年已前一切勿論其以斷前誹議者以其罪罪之子本嗣歷位郡守九卿所在操綱領

舉大體能使羣下自盡有統御之才不親小事不讀法律而得廷

尉之稱優於司馬岐等精練文理遷鎮北將軍假節都督河北諸

軍事薨子粲嗣本弟騫咸熙中為車騎將軍案晉書曰騫字休淵為晉佐命功臣至太傅封高平郡公初

矯為郡功曹使過泰山太守東郡薛悌異之結為親友戲謂

矯曰以郡吏而交二千石鄰國君屈從陪臣游不亦可乎悌後為

魏郡及尚書令皆承代矯云世語曰悌字孝康年二十一以兗州從事為太山太守初太祖定冀州以悌及東平王國為左右長史後至中

領軍並悉忠貞練事為世吏表

徐宣字寶堅廣陵海西人也避亂江東又辭孫策之命還本郡與陳矯並為綱紀二人齊名而私好不協然俱見器於太守陳登與

登並心於太祖海西淮浦二縣民作亂都尉衛彌令梁習夜奔宣家密送免之太祖遣督軍扈質來討賊以兵少不進宣潛見責之示以形勢質乃進破賊太祖辟為司空掾屬除東緡發于令遷齊郡太守入為門下督從到壽春會馬超作亂大軍西征太祖見官屬曰今當遠征而此方未定以為後憂宜得清公大德以鎮統之乃以宣為左護軍留統諸軍還為丞相東曹掾出為魏郡太守太祖崩洛陽羣臣入殿中發哀或言可易諸城守用譙沛人宣厲聲曰今者遠近一統人懷效節何必譙沛而沮宿衛者心文帝聞曰所謂社稷之臣也帝既踐阼為御史中丞賜爵關內侯徙城門校尉旬月遷司隸校尉轉散騎常侍從至廣陵六軍乘舟風浪暴起帝船回倒宣病在後陵波而前羣寮莫先至者帝壯之遷尚書帝即位封津陽亭侯邑二百戶中領軍桓範薦宣曰臣聞帝王用人

度世授才爭奪之時以策畧為先分定之後以忠義為首故晉文

行舅犯之計而賞雍季之言

呂氏春秋曰昔晉文公將與楚人戰於城濮召咎犯而問曰楚眾我寡奈何而可咎犯對曰臣聞繁禮之君不足於文繁戰之君不足於詐君亦詐之而已文公以咎犯言告雍季雍季曰竭澤而漁豈不得魚而明年無魚焚藪而田豈不得獸而明年無獸詐偽之道雖今偷可後將無復非長術也文公用咎犯之言而敗楚人於城濮反而為賞雍季在上左右諫曰城濮之奏功咎犯之謀也君用其言而後其身或者不可乎文公曰雍之言百代之利咎犯之言一時之務也焉有以一時之務先百

代之高祖用陳平之智而託後於周勃也竊見尚書徐宣體忠厚之行秉直亮之性清雅特立不拘世俗確然難動有社稷之節歷位

州郡所在稱職今僕射缺宣行掌後事腹心任重莫宜宣者帝遂以宣為左僕射後加侍中光祿大夫車駕幸許昌總統留事帝還主者奏呈文書詔曰吾省與僕射何異竟不視尚方令坐猥見考竟宣上疏陳威刑大過又諫作宮殿窮盡民力帝皆手詔嘉納宣曰七十有縣車之禮今已六十八可以去矣乃固辭疾遜位帝終不許青龍四年薨遺令布衣疏巾斂以時服詔曰宣體履至實直

內方外歷在三朝公亮正色有託孤寄命之節可謂柱石臣也常欲倚以台輔未及登之惜乎大命不永其追贈車騎將軍葬如公禮諡曰貞侯子欽嗣

衛臻字公振陳留襄邑人也父茲有大節不應三公之辟太祖之

初至陳留茲曰平天下者必此人也太祖亦異之數詣茲議大事

從討董卓戰于熒陽而卒太祖每涉郡境輒遣使祠焉先賢行狀曰茲字子許不為激

詭之行不徇流俗之名明慮淵深規畧宏遠為車騎將軍何苗所辟司徒楊彪再加旌命董卓作亂漢室傾蕩太祖到陳留始與茲相見遂同盟計興武事茲答曰亂生久矣非兵無以整之且言兵之興者自今始矣深見廢興首讚弘謀合兵三千人從太祖入熒陽力戰終日失利身歿郭林宗傳曰茲弱冠與同郡園文生俱稱盛德林宗與二人共至市子許買物隨價酬直文生嘗阿減價乃取林宗曰子許少欲交生多情此二人非徒見弟乃交子也後文生以穢貨見損資以烈節垂名

夏侯惇為陳留太守舉臻計

吏命婦出宴臻以為末世之俗非禮之正惇怒執臻既而赦之後

為漢黃門侍郎東郡朱越謀反引臻太祖令曰孤與卿君同共舉

事加欽令問始聞越言固自不信及得荀令君書具亮忠誠會奉

詔命聘貴人于魏因表留臻參丞相軍事追錄臻父舊賜爵關

內侯轉為戶曹掾文帝即王位為散騎常侍及踐阼封安國亭侯

時群臣並頌魏德多抑損前朝臻獨明禪授之義稱揚漢美帝數

目臻曰天下之珍當與山陽共之遷尚書轉侍中吏部尚書帝幸

廣陵行中領軍從征東大將軍曹休表得降賊辭孫權已在濡須

口臻曰權恃長江未敢亢衡此必畏怖偽辭耳考核降者果守將

詐所作也明帝即位進封康鄉侯後轉為右僕射典選舉如前加

侍中中護軍蔣濟遺臻書曰漢祖遇亡虜為上將周武拔漁父為

大師布衣廁養可登王公何必守文試而後用臻荅曰古人遺智

慧而任度量須考績而加黜陟今子同牧野於成康喻斷蛇於文

景好不經之舉開拔奇之律將使天下馳騁而起矣諸葛亮寇天

水臻奏宜遣奇兵入散關絕其糧道乃以臻為征蜀將軍假節督

諸軍事到長安亮退還復職加光祿大夫是時帝方隆意於殿舍
臻數切諫及殿中監擅收蘭臺令史臻奏案之詔曰殿舍不成吾
所留心卿推之何臻上疏曰古制侵官之法非惡其勤事也誠以
所益者小所墮者大也臣每察校事類皆如此懼羣司將遂越職
以至陵遲矣亮又出斜谷征南上朱然等軍已過荆城臻曰然吳
之驍將必下從權且為勢以綴征南耳權果召然入居巢進攻合
肥帝欲自東征臻曰權外示應亮內實觀望且合肥城固不足為
慮車駕可無親征以省六軍之費帝到尋陽而權竟退幽州刺史
母丘儉上疏曰陛下即位已來未有可書吳蜀特險未可卒平聊
可以此方無用之士克定遼東臻曰儉所陳皆戰國細術非王者
之事也吳頻歲稱兵寇亂邊境而猶案甲養士未果尋致討者誠
以百姓疲勞故也且淵生長海表相承三世外撫戎夷內修戰射

而儉欲以偏軍長驅朝至夕卷知其妄矣儉行軍遂不利臻遷為
司空徙司徒正始中進爵長垣侯邑千戶封一子列侯初太祖久
不立太子而方奇貴臨苗侯丁儀等為之羽翼勸臻自結臻以大
義拒之及文帝即位東海王霖有寵帝問臻平原侯何如臻稱明
德美而終不言曹爽輔政使夏侯玄宣指欲引臻入守尚書令及
為弟求婚皆不許固乞遜位詔曰昔干木偃息義壓疆秦苗侯頤
神不忘楚事讜言嘉謀望不吝焉賜宅一區位特進秩如三司薨
追贈太尉諡曰敬侯子烈嗣咸熙中為光祿勳臣松之案舊事及傳咸熙烈

二千石楷子權字伯與晉太司馬汝南王亮輔政以權為尚書郎傳咸熙烈
誠有才草應作臺郎然未得東官屬東官官屬前忠楊駿親理塞路今有伯與復越其作郎一
犬吠形羣犬吠聲懼於群吠遂至回聽權作左思吳都賦叙及注
敘麗有文辭至於為注了無所發明直為塵穢紙墨不合傳寫也

盧毓字子家涿郡涿人也父植有名於世續漢書曰植字子幹少事馬融與

喟然有濟世之志不苟合取容不應州郡命召建寧中徵博士出補九江太守以病去官作尚書
章句禮記解詁稍遷侍中尚書張角起以植為北中郎將征角失利抵罪頃之復以為尚書張讓

劫少帝奔小平津植平劍責數讓等讓等皆放兵垂泣謝罪遂自殺董卓議欲廢帝眾莫敢對植獨正言語在卓傳植以老病夫位隱居上谷軍都山初平三年卒太祖北征柳城過涿郡令告太守曰故北中郎將盧植名著海內學為儒宗士之楷模乃國之棟幹也昔武王入殷封商容之閭鄰喪子產而仲尼隕涕孤到此州嘉其餘風春秋之義賢者之後有異於人敬遣承祿修墳墓并致薄醴以彰厥德植有四子毓最小毓十歲而孤遇本州亂二兄死難當表紹公孫瓚交

兵幽冀飢荒養寡嫂孤兒子以學行見稱文帝為五官將召毓署門下賊曹崔琰舉為冀州主簿時天下草創多逋逃故重士亡法罪及妻子亡士妻白等始適夫家數日未與夫相見大理奏棄市毓駁之曰夫女子之情以接見而恩生成婦而義重故詩云未見君子我心傷悲亦既見止我心則夷又禮未廟見之婦而死歸葬女氏之黨以未成婦也今白等生有未見之悲死有非婦之痛而吏議欲肆之大辟則若同牢合卺之後罪何所加且記曰附從輕言附人之罪以輕者為比也又書云與其殺不幸寧失不經恐過重也苟以白等皆受禮聘已入門庭刑之為可殺之為重太祖曰

毓執之是也又引經典有意使孤歎息由是為丞相法曹議令史轉西曹議令史魏國既建為吏部郎父帝踐阼徙黃門侍郎出為濟陰相梁譙二郡太守帝以譙舊鄉故大徙民充之以為屯田而譙土地瘠瘠百姓窮困毓愍之上表徙民於梁國就沃衍失帝意雖聽毓所表心猶恨之遂左遷毓使將徙民為睢陽典農校尉毓心在利民躬自臨視擇居美田百姓賴之遷安平廣平太守所在有惠化青龍二年入為侍中先是散騎常侍劉劭受詔定律未就毓上論古今科律之意以為法宜一正不宜有兩端使姦吏得容情及侍中高堂隆數以官室事切諫帝不悅毓進曰臣聞君明則臣直古之聖王恐不聞其過故有敢諫之鼓近臣盡規此乃臣等所以不及隆隆諸生名為狂直陛下宜容之在職三年多所駁爭詔曰官人秩才聖帝所難必須良佐進可替否侍中毓稟性貞固

心平體正可謂明試有功不懈於位者也其以毓爲吏部尚書使
毓自選代曰得如卿者乃可毓舉常侍鄭冲帝曰文和吾自知之
更舉吾所未聞者乃舉阮武孫邕帝於是用邕前此諸葛誕鄧颺
等馳名譽有四窓八達之謂帝疾之時舉中書郎詔曰得其人與
否在盧生耳選舉莫取有名名如畫地作餅不可啖也毓對曰名
不足以致異人而所以得常士常士畏教慕善然後有名非所當
疾也愚臣既不足以識異人又主者正以循名案常爲職但當有
以驗其後故古者敷奏以言明試以功今考績之法廢而以毀譽
相進退故真僞渾雜虛實相蒙帝納其言卽詔作考課法會司徒
缺毓舉處士管寧帝不能用更問其次毓對曰然篤至行則太中
大夫韓暨亮直清方則司隸校尉崔林貞固純粹則太常常林帝
乃用暨毓於人及選舉先舉性行而後言才黃門李豐嘗以問毓

毓曰才所以爲善也故大才成大善小才成小善今稱之有才而
不能爲善是才不中器也豐等服其言齊王卽位賜爵關內侯時
曹爽秉權將樹其黨徙毓僕射以侍中何晏代毓頃之出毓爲廷
尉司隸畢軌又枉奏免官衆論多訟之乃以毓爲光祿勳爽等見
收太傅司馬宣王使毓行司隸校尉治其獄復爲吏部尚書加奉
車都尉封高樂亭侯轉爲僕射故典選舉加光祿大夫高貴鄉公
卽位進封大梁鄉侯封一子高亭侯母丘儉作亂大將軍司馬景
王出征毓綱紀後事加侍中正元三年疾病遜位遷爲司空固推
驃騎將軍王昶光祿大夫王觀司隸校尉王祥詔使使者卽授印
綬進爵封容城侯邑二千三百甘露二年薨諡曰成侯孫藩嗣毓

子欽珽咸熙中欽爲尚書珽泰山太守

世語曰欽字子若珽字子務欽秦始中
爲尚書僕射領選咸寧四年卒追贈衛

將軍開府 虞預晉書曰欽少居

名位不顯財利清虛淡泊動修禮典同郡張華家單少孤不爲鄉
邑所知惟欽貴異焉欽字浮字子雲 晉諸公贊曰張華博識多聞無物不知浮高朗經博有美

於華起家太子舍人病疽疽遂廢朝廷器重之就家以為國子博士遷祭酒永平中為祕書監
瑛及子皓志並尚書志子諒諒字子諒温瞻表稱諒清出有文思諒別傳曰諒善著文章洛陽
傾覆北投劉琨琨以為司空從事中郎琨敗諒歸段末波元帝之初累召為散騎
中書侍郎不得南赴永和六年卒於胡胡中子孫過江妖賊帥盧循諒之曾孫
評曰相階識觀成敗才周當世陳羣動仗名義有清流雅望秦弘
濟簡至允克堂構矣魏世事統臺閣重內輕外故八座尚書即古
六卿之任也陳徐衛盧久居斯位矯宣剛斷骨鯁臻毓規鑒清理
咸不忝厥職云

魏書二十二

魏書二十二

三國志二十二

魏書二十三

三國志二十三

和常楊杜趙裴傳第二十三

和洽字陽士汝南西平人也舉孝廉大將軍辟皆不就表紹在冀
州遣使迎汝南士大夫洽獨以冀州土平民彊英桀所利四戰之
地本初乘資雖能彊大然雄豪方起全未可必也荆州劉表無他
遠志愛人樂士土地險阻山夷民弱易依倚也遂與親舊俱南從
表表以上客待之洽曰所以不從本初辟爭地也昏世之主不可
黷近久而沾危臣松之案漢書文紀曰沾於死亡貪貨志曰沾危若星
注曰沾音鹽如屋簷近邊欲墮之意也一日臨危曰沾有讒慝間其
中者遂南度武陵太祖定荆州辟為丞相掾屬時毛玠崔琰並以
忠清幹事其選用先尚儉節洽言曰天下大器在位與人不可以
一節儉也儉素過中自以處身則可以此節格物所失或多今朝
廷之議吏有著新衣乘好車者謂之不清長吏過管形容不飾衣

喪弊壞者謂之廉潔至今士大夫故汗辱其衣藏其輿服朝府大吏或自挈壺餐以入官寺夫立教觀俗貴處中庸為可繼也今崇一概難堪之行以檢殊塗勉而為之必有疲瘁古之大教務在通

人情而已凡激詭之行則容隱偽矣孫盛曰昔先王御世觀民設教雖質文因時損益代用至於車服禮秩貴賤等差其

歸一揆魏承漢亂風俗侈泰誠宜仰思古制訓以約簡使奢不陵肆儉足中禮進無蟬蛸之刺退免採莫之機如此則治道隆而頌聲作矣夫矯枉過正則巧偽滋生以克訓下則民志險隘非聖王所以陶冶民物開邪存誠之道和洽之言於是允矣魏國既建為侍中後有白毛玠謗毀太祖太祖

見近臣怒甚洽陳玠素行有本求案實其事罷朝太祖令曰今言事者白玠不但謗吾也乃復為崔琰缺望此損君臣恩義妄為死友怨歎殆不可忍也昔蕭曹與高祖並起微賤立功立勳高祖每在屈窄二相恭順臣道益彰所以祚及後世也和侍中比求實之所以不聽欲重參之耳洽對曰如言事者言玠罪過深重非天地所覆載臣非敢曲理玠以枉大倫也以玠出羣吏之中特見拔擢

顯在首職歷年荷寵剛直忠公為眾所憚不宜有此然人情難保要宜考竅兩驗其實今聖恩垂舍垢之仁不忍致之于理更使曲直之分不明疑自近始太祖曰所以不考欲兩全玠及言事者耳洽對曰玠信有謗主之言當肆之市朝若玠無此言事者加誣大臣以誤主聽二者不加檢覈臣竊不安太祖曰方有軍事安可受人言便考之邪狐射姑刺陽處父於朝此為君之誠也太祖克張魯洽陳便宜以時拔軍徙民可省置守之費太祖未納其後竟徙民棄漢中出為郎中令文帝踐阼為光祿勳封安城亭侯明帝即位進封西陵鄉侯邑二百戶太和申散騎常侍高堂隆奏時風不至而有休廢之氣必有司不勤職事以失天常也詔書謙虛引咎博諮異同洽以為民稀耕少人食者多國以民為本民以穀為命故費一時之農則失育命之本是以先王務蠲煩費以專耕農自

錢氏大所曰俞當是為
字之謫
陳氏景雲曰通當作通
注同字而結甘露三年帝
臨厚雅賦詩時中和道
作詩皆當即其人也
書如傳亦可任

何氏焯曰魁疑即匡
林增班也姓氏範曰魁
基當為廟

秦夏以來民窮於役農業有廢百姓囂然時風不至未必不由此
也消復之術莫大於節儉太祖建立洪業奉師徒之費供軍賞之
用吏士豐於資食倉府衍於穀帛由不飾無用之宮絕浮華之費
方今之要固在息省勞煩之役損除他餘之務以為軍戎之儲三
邊守禦宜在備豫料賊虛實蓄士養眾算廟勝之策明攻取之謀
詳詢眾庶以求厥中若謀不素定輕弱小敵軍人敷舉舉而無庸
所謂悅武無震古人之誠也轉為太常清貧守約至賣田宅以自
給明帝聞之加賜穀帛范諡曰簡侯子禽嗣禽弟適才爽開濟
官至廷尉吏部尚書官諸公贊曰和嶠字長與適之子也少知名以雅重稱常慕其舅
夏侯玄之為人厚自封植嶠然不群於黃門郎遷中書令轉尚書
愍懷太子初立以嶠為少保加散騎常侍家莊豐官擬於王公而性至儉者嶠同母
弟郁素無名嶠輒侮之以此為損卒於官贈光祿大夫郁以公彌當世致位尚書令

混者許劭子也清醇有鑒識明帝時為尚書劭字子微高才遠識見劭年十八
時乃歎息曰此則希世出眾之偉人也劭始發明鑿子昭於鸞幘之肆出虞永賢於牧豎召李叔
才鄉間之間懼郭于喻牽馬之吏援楊孝祖舉和陽士茲六賢者皆當世之令懿也其餘中流之
士或舉之於淹滯或顯之于童齒莫不賴劭顧採之榮凡所拔育顯成令德者不可殫記其探擿
偽行抑損虛名則周之單襄無以尚也劭宗人許栩沉沒榮利致位司徒舉宗莫不翦削門承
風而驅官以賄成惟劭不過其門廣陵徐孟本來臨汝南聞劭高名請為功曹饗餐放流潔士盈
朝表紹公族好名為濮陽長棄官來還有副車從騎將入郡界紹乃歎曰吾之輿服豈可使許子
將見之乎遂單衣歸辟公府掾拜鄆陵令方正徵皆不就避亂江南
所歷之國必翔而後集終于豫章時年四十六有子曰混顯名魏世

常林字伯槐河內溫人也年七歲有父黨造門問林伯先在否汝
何不拜林曰雖當下客臨子字父何拜之有於是咸共嘉之魏畧曰
林少單
貧雖貧自非手力不取之於人性好學漢末為諸生帶
經耕鋤其妻常自餽餉之林雖在田野其相敬如賓 太守王匡起兵討董卓遣諸

生於屬縣微伺吏民罪負便收之考責錢穀贖罪稽遲則夷滅宗
族以崇威嚴林叔父櫛客為諸生所白匡怒收治舉宗惶怖不知
所責多少懼繫者不救林往見匡同縣胡母彪曰王府君以文武
高才臨吾鄙郡鄙郡表裏山河土廣民殷又多賢能惟所擇用今
主上幼冲賊臣虎據華夏震慄雄才奮用之秋也若欲誅天下之
賊扶王室之微智者望風應之若響克亂在和何征不捷苟無恩

德任失其人覆亡將至何暇臣翼朝廷崇立功名乎君其藏之因
說叔父見拘之意彪即書責匡匡原林叔父林乃避地上黨耕種
山阿當時旱蝗林獨豐收盡呼比鄰升斗分之依故河間太守陳
延壁陳馮二姓舊族冠冕張楊利其婦女貪其資貨林率其宗族
為之策謀見圍六十餘日卒全堡壁并州刺史高幹表為騎都尉
林辭不受後刺史梁習薦州界名士林及楊俊王凌王象荀緯太
祖皆以為縣長林宰南和治化有成超遷博陵太守幽州刺史所
在有績文帝為五官將林為功曹太祖西征田銀蘇伯反幽冀扇
動文帝欲親自討之林曰昔秦博陵又在幽州賊之形勢可料度
也北方吏民樂安厭亂服化已久守善者多銀伯犬羊相聚智小
謀大不能為害方今大軍在遠外有疆敵將軍為天下之鎮也輕
動遠舉雖克不武文帝從之遣將往伐應時克滅出為平原太守

魏郡東部都尉入為丞相東曹屬魏國既建拜尚書文帝踐阼遷

少府封樂陽亭侯

魏畧曰林性既清白當官又嚴少府寺與鴻臚對門時崔林為鴻臚崔性潤達不與林同數數聞林過吏聲不以為可林夜過吏不勝痛叫呼

故放徹曙明日崔出門與林車相遇乃問林曰聞卿為廷尉爾邪林不覺答曰不也崔曰卿不為廷尉昨夜何故考囚乎林大慙然不能自止轉大司農明帝即

位進封高陽鄉侯徙光祿勳太常晉宣王以林鄉邑耆德每為之

拜或謂林曰司馬公貴重君宜止之林曰司馬公自欲敦長幼之

叙為後生之法貴非吾之所畏拜非吾之所制也言者蹶蹶而退

魏畧曰初林少與司馬京兆善太傅每見林輒欲跪林止之曰公尊貴矣止也及司徒缺太傅有意欲以林補之案魏畧此語與本傳反臣公之以為林之為人不自與權貴者也論其然否謂本傳

是為時論以林節操清峻欲致之公輔而林遂稱疾篤拜光祿大夫

年八十三薨追贈驃騎將軍葬如公禮諡曰貞侯子峇嗣為太山

太守坐法誅峇弟靜紹封

案晉書諸葛誕反大將軍東征皆坐稱疾司馬文王所法魏畧以林及吉茂沐並時苗四人為清介傳吉茂子叔暢

馮翊池陽人也世為著姓好書不恥惡衣惡食而恥一物之不知建安初關中始平茂與扶風蘇則共入武功南山隱處精思數歲州舉茂才除臨汾令居官清靜吏民不忍欺轉為武德侯庶子十二年坐其宗人吉本等起事被收先是科禁內學及兵書而茂皆有匿不送官及其被收不知當坐本等顧謂其左右曰我坐書也會鍾相國諡茂本服第已絕故得不坐後以茂為武陵大

慈銘案有見疑當作
姚氏範曰蓋摩為之請
得免決減也也慈銘
當讀摩範法為日以
亦有罪以覽而平以
亦利克復更則指並
謂平法並刑一牙利克
乃獲高吏也

守不之官轉鄧相以國省拜議郎景初中病亡司茂修行從少至長冬則被裘夏則短褐行則步
涉食則茨藿臣役妻子宰如懸磔其或饋遺一不肯受雖不以此高人亦心疾不義而貴且富者
先時國家始制九品各使諸郡選置中正差叙自公卿以下至於郎吏功德材行所任茂同郡護
羌校尉王琰前數為郡守不名為清白而琰子嘉仕歷諸縣亦復為通人嘉時還為散騎郎馮翊
郡移嘉為中正嘉叙茂雖在上第而狀甚下云德優能少茂愠曰痛乎我効汝父子冠憤劫人邪
初茂同產兄黃以十二年中從公府掾為長陵令是時科禁長吏擅去官而黃聞司徒趙溫薨自
以為故吏違科奔喪為司隸鍾繇所收遂伏法茂時為白衣始有清名於三輔以為兄坐追義而
死怨怒不肯哭至歲終繇舉茂議者以為茂必不就及舉既到而茂就之故時人或以茂為畏繇
或以茂為髦士也 沐並字德信河間人也少孤苦表紹父子時始為名吏有志介嘗過姊姊為
殺雞炊黍而不留也然為人公果不畏疆禦丞相召署軍謀掾黃初中為成臯令機事劉肇出過
縣遣人呼縣吏束索臺穀是時蝗旱官無有見未辦之間肇人從入並之閣下呼罵吏並怒因
躡履提刀而出多從吏卒欲收肇肇覺知驅走具以狀聞有詔肇為牧司爪牙吏而並欲收縛無
所忌憚自恃清名邪遂收欲殺之肇髮決滅死刑竟復吏由是放散十餘年至正始中為三府長
史時吳使朱然諸葛瑾攻圍樊城遣船兵於峴山東斫材犂犢人兵作食有先熟者呼後熟者言
共食來後熟者答言不也呼者曰汝欲作沐德信邪其名流布播於異域如此雖自華夏不知者
以為前世人也為長史八年晚出為濟陰太守召還拜議郎年六十餘自慮身無常豫作終制誠
其子以儉葬曰告雲儀等夫禮者生民之始教而百世之中庸也故力行省則為君子不務者終
為小人然非聖人莫能履其從容也是以富貴者有驕吝之過而貧賤者譏於困陋於是養生送
死苟竊非禮由斯觀之陽虎與孺甚於暴骨恒懸石椁不如速朽此言儒學撥亂反正鳴鼓矯俗
之大義也未是夫窮理盡性陶冶變化之實論也若能原始要終以天地為一區萬物為芻狗該
賢玄通求形景之宗同禍福之素一死生之命吾有慕於道矣夫道之為物惟恍惟惚惟忽惟
天為晷沒身淪有無與神消息含悅陰陽甘夢太極矣以棺椁為牢衣裳為纏屍繫地下長幽枉
惜豈不哀哉昔莊周濶達無所適莫又楊王孫裸體費不久容耳至夫末世緣生怨死之徒乃有
舍珠璣押玉琳象雜殺人以徇橫穴之內細以紵絮藉以屨炭干載僵燥託類神仙於是人教陵

遲競於厚葬謂性子為放蕩以王孫為戮屍豈復識古有衣薪之鬼而野有狐狸之齒乎哉吾以
才質渾濁汗於清流昔忝國恩歷試宰守所在無效代匠傷指狼跋首尾無以雪恥如不可求從
吾所好今年過耳順奄然無常苟得獲沒即以吾身襲於王孫矣上冀以贖市朝之逋罪下以親
道化之靈祖顧爾幼昏未知臧否若將逐俗抑廢吾志私稱從命未必為孝而犯魏顛聽治之賢
爾為棄父之命誰或矜之使死而有知吾將屍視嘉平中病甚臨困又救豫掘陷戒氣絕令二人
舉屍即埒絕哭泣之聲 止婦女之送禁弔祭之賓無設博治粟之奠又戒後亡者不得入藏不
得封樹妻子皆遵之 時苗字德胄鉅鹿人也少清白為人疾惡建安中入丞相府出為壽春令
令行風靡揚州治在其縣時將濟為治中苗以初至往謁濟濟素嗜酒適會其醉不能見苗苗悲
恨還刻木為人署曰酒徒將濟置之牆下旦夕射之州郡雖知其所為不恪然以其履行過競無
若之何又其始之官乘薄輦儲車黃犂牛布被囊居官歲餘牛生一犢及其去苗其犢謂主簿曰
今來時本無此犢犢是淮南所生有也羣吏曰六畜不識父自當隨母苗不聽時人皆以為激然
由此名聞天下世為大官令領其郡中正定九品於叙人才不能寬然紀人之短雖在久遠銜之
不置如所忿蔣濟者仕進至太尉濟不以苗前毀已為嫌苗亦不以濟肯
更屈意為令數歲不肅而治遷典農中郎將年七十餘以正始中病亡也

楊俊字季才河內獲嘉人也受學陳雷邊讓讓器異之俊以兵亂

方起而河內處四達之衢必為戰場乃扶持老弱詣京密山間同
行者百餘家俊振濟貧乏通其有無宗族知故為人所畧作奴僕
者凡六家俊皆傾財贖之司馬宣王年十六七與俊相遇俊曰此
非常之人也又司馬朗早有聲名其族兄芝眾未之知惟俊言曰

芝雖夙望不及朗實理但有優耳俊轉避地并州本郡王象少孤特為人僕隸年十七八見使牧羊而私讀書因被筆楚俊嘉其才質即贖象著家娉娶立屋然後與別太祖除俊曲梁長人為丞相掾屬舉茂才安陵令遷南陽太守宣德教立學校吏民稱之徙為征南軍師魏國既建遷中尉太祖征漢中魏諷反於鄴俊自劾詣行在所俊以身方罪免戕辭太子太子不悅曰楊中尉便去何太

尤

高遠邪遂被書左遷平原太守文帝踐阼復在南陽時王象為散騎常侍薦俊曰伏見南陽太守楊俊秉純粹之茂質履忠肅之弘量體仁足以育物篤實足以動眾克長後進惠訓不倦外寬內直仁而有斷自初彈冠所歷垂化再守南陽恩德流著殊鄰異黨襁負而至今境守清靜無所展其智能宜還本朝宣力輦轂熙帝之載俊自少及長以人倫自任同郡審固陳昭衛恂本皆出自兵伍

俊資拔獎致咸作佳士後固歷位郡守恂御史縣令其明鑒行義多此類也初臨苗侯與俊善太祖適嗣未定密訪群司俊雖並論文帝臨苗才分所長不適有所據當然稱臨苗猶美文帝常以恨之黃初二年車駕至宛以市不豐樂發怒收俊尚書僕射司馬宣王常侍王象荀緯請俊叩頭流血帝不許俊曰吾知罪矣遂自殺

衆冤痛之

世語曰俊二孫覽字公質汝陰太守倚字公彥尚書晉東海王越舅也覽子沈字直弘散騎常侍魏略曰王象字義伯既為俊所知故果有才志建安中與同郡荀緯等俱為魏太子所禮待及王象陳琳阮瑀路綽等亡後新出之中惟象才最高魏有天下拜象散騎侍郎遷為常侍封列侯受詔撰皇覽使象領秘書監象從延康元年始撰集數歲成藏於祕府合四十餘部有數十篇通合八百餘萬字象既性器和厚又文采溫雅用是京師歸美稱為儒宗車駕南巡未到宛有詔百官不得下豫郡縣及車駕到而宛令不解詔旨閉市門帝聞之忿然曰吾是寇邪乃收宛令及太守楊俊詔問尚書漢明帝殺幾二千石時象見詔文知俊必不免乃當帝前叩頭流血竟面請後減死一等帝不答欲釋入禁中象引帝衣帝頓謂象曰我知楊俊與卿本末耳今聽卿是無我也卿寧無後邪無我邪象以帝言切乃縮手帝遂入決俊法然後乃出象自恨不能濟後遂發病死

杜襲字子緒

川定陵人也

曾祖父安祖父根著名前世

先賢行狀曰安年十

歲名稱鄉黨至十三人太學號曰神童既名知人請高繼裕洛陽令周紆數侯安安常逃避不見時貴戚慕安高行多有與書者輒不發以慮後患常鑿壁藏書後諸與書者果有大罪推捕所與

交通者吏至門安乃發壁出書印封如故當時皆嘉其慮遠三府並辟公車特徵拜宛令先是宛有報警者其令不忍致理將與俱亡縣中豪強有告其處者致捕得安深疾惡之到官治戮肆之於市懼有司繩彈遂自免後徵拜巴郡太守率身正下以禮化俗以病卒官時服薄歛素器不漆子自將車州郡賢之表章墳墓根舉孝廉除郎中時和熹鄧后臨朝外戚橫恣安帝長大猶未歸政根乃與同時郎上書直諫鄧后怒收根等伏誅誅者皆緝囊盛於殿上撲地執法者以根德重事公默語行事人使不加力誅訖申載城外根以撲輕得蘇息遂閉目不動搖經三日乃密起逃竄為宜城山中酒家客積十五年酒家知其賢常厚敬待鄧后崩安帝謂根久死以根等忠直普下天下錄見誅者子孫根乃自出徵詣公車拜符節令或問根往日遭難天下同類知故不少何至自苦歷年如此根答曰周旋人間非絕迹之處避迨發露禍及親知故不為也遷濟陰太守以德讓為政風移俗改年七十八以壽終棺不加漆歛以時服長吏下車常先詣安根墓致祠

襲避亂荆州劉表待以賓禮同郡繁欽數見奇於表襲喻之曰吾所以與子俱來者徒欲龍蟠幽藪待時鳳翔豈謂劉牧當為撥亂之主而規長者委身哉子若見能不已非吾徒也吾其與子絕矣欽慨然曰請敬受命襲遂南適長沙建安初太祖迎天子都許襲逃還鄉里太祖以為西鄂長縣漢南境寇賊縱橫時長吏皆歛民保城郭不得農業野荒民困倉虛襲自知恩結於民乃遣老弱各分散就田業畱丁彊備守吏民歡悅會荆州出步騎萬人來攻城襲乃悉召縣吏民任拒守者五十餘人與之要誓其親戚在外欲自營護者恣聽遣出皆叩頭願致死於是身執矢石率與戮力吏民感恩咸為用命臨陣斬數百級而襲眾死者三十餘人其餘十八人盡被創賊得入城襲帥傷痍吏民決圍得出死喪略盡而無反背者遂收散民徙至摩陂營吏民慕而從之如歸九州春秋曰建安六年劉表攻西鄂西鄂長杜子緒帥縣男女嬰城而守時南陽攻曹相孝長亦在城中聞兵攻聲恐懼入室閉戶牽被覆頭相攻半日稍敢出而其明側立而聽一日往出戶問消息至四五日乃更負楯親鬪語子緒曰勇可習也司隸鍾繇表拜議郎參軍事荀彧又薦襲太祖以為丞

相軍祭酒魏國既建為侍中與王祭和洽並用彊識博聞故太祖游觀出入多得驂乘至其見敬不及洽襲嘗獨見至于夜半彊性躁競起坐曰不知公對杜襲道何等也洽笑答曰天下事豈有盡邪卿晝侍可矣悒悒於此欲兼之乎後襲領丞相長史隨太祖到漢中討張魯太祖還拜襲駙馬都尉留督漢中軍事綏懷開導百

錢氏大所曰此當別一許
做非南陽許做也

姓自樂出徙洛鄴者八萬餘口夏侯淵為劉備所沒軍喪元帥將
士失色襲與張郃郭淮糾搆諸軍事權宜以郃為督以一眾心三
軍遂定太祖東還當選留府長史鎮守長安主者所選多不當太
祖令曰釋騏驎而不乘焉皇皇而更索遂以襲為留府長史駐關
中時將軍許攸擁部曲不附太祖而有慢言太祖大怒先欲伐之
羣臣多諫可招懷攸共討彊敵太祖橫刀於膝作色不聽襲入欲
諫太祖逆謂之曰吾計以定卿勿復言襲曰若殿下計是邪臣方
助殿下成之若殿下計非邪雖成宜改之殿下逆臣令勿言之何
待下之不聞乎太祖曰許攸慢吾如何可置乎襲曰殿下謂許攸
何如人邪太祖曰凡人也襲曰夫惟賢知賢惟聖知聖凡人安能
知非凡人邪方今豺狼當路而狐狸是先人將謂殿下避彊攻弱
進不為勇退不為仁臣聞千鈞之弩不為鼷鼠發機萬石之鍾不

以廷擡起音今區區之許攸何足以勞神武哉太祖曰善遂厚撫
攸攸即歸服時夏侯尚驕於太子情好至密襲謂尚非益友不足
殊待以聞太祖文帝初甚不悅後乃追思語在尚傳其柔而不犯
皆此類也文帝即王位賜爵關內侯及踐阼為督軍糧御史封武
平亭侯更為督軍糧執法入為尚書明帝即位進封平陽鄉侯諸
葛亮出秦川大將軍曹真督諸軍拒亮徙襲為大將軍軍師分邑
百戶賜兄基爵關內侯真薨司馬宣王代之襲復為軍師增邑三
百并前五百五十戶以疾徵還拜大中大夫薨追贈少府諡曰定
侯子會嗣

趙儼字伯然潁川陽翟人也避亂荊州與杜襲繁欽通財同計合
為一家太祖始迎獻帝都許儼謂欽曰曹鎮東應期命世必能匡
濟華夏吾知歸矣建安二年年二十七遂扶持老弱詣太祖太祖

以儼為朗陵長縣多豪猾無所畏忌儼取其尤甚者收縛案驗皆得死罪儼既囚之乃表府解放自是威恩並著時袁紹舉兵南侵遣使招誘豫州諸郡諸郡多受其命惟陽安郡不動而都尉李通急錄戶調儼見通曰方今天下未集諸郡並叛懷附者復收其綿絹小人樂亂能無遺恨且遠近多虞不可不詳也通曰紹與大將軍相持甚急左右郡縣背叛乃爾若縣絹不調送觀聽者必謂我顧望有所須待也儼曰誠亦如君慮然當權其輕重小緩調當為君釋此患乃書與荀彧曰今陽安郡當送縣絹道路艱阻必致寇害百姓困窮鄰城竝叛易用傾蕩乃一方安危之機也且此郡人執守忠節在險不貳微善必賞則為義者勸善為國者藏之於民以為國家宜垂慰撫所斂縣絹皆俾還之彧報曰輒白曹公公文下郡縣絹悉以還民上下歡喜郡內遂安人為司空掾屬主簿魏略曰太

祖北拒袁紹時遠近無不私遺賧記通意於紹者儼與領陽安太守李通同治通亦欲遣使儼為陳紹必敗意通乃止及紹破走太祖使人搜閱紹記室惟不見通書疏陰知儼必為之計乃曰此必趙伯然也臣松之案魏武紀破紹後得許下軍中人書皆焚之若故使人搜閱知其有無則非所以安人情也疑此語為不然時于禁屯潁陰樂進

屯陽翟張遼屯長社諸將任氣多共不協使儼并參三軍每事訓喻遂相親睦太祖征荊州以儼領章陵太守徙都督護軍護于禁張遼張郃朱靈李典路招馮楷七軍復為丞相主簿遷扶風太守太祖徙出故韓遂馬超等兵五千餘人使平難將軍殷署等督領以儼為關中護軍盡統諸軍羌虜數來寇害儼率署等追到新平大破之屯田客呂竝自稱將軍聚黨據陳倉儼復率署等攻之賊即破滅時被書差千二百兵往助漢中守署督送之行者卒與室家別皆有憂色署發後一日儼慮其有變乃自追至斜谷口人人慰勞又深戒署還宿雍州刺史張既舍署軍復前四十里兵果叛亂未知署吉凶而儼自隨步騎百五十人皆與叛者同部曲或婚

姻得此問各驚被甲持兵不復自安儼欲還既等以為今本營黨
 已擾亂一身赴之無益可須定問儼曰雖疑本營與叛者同謀要
 當聞行者變乃發之又有欲善不能自定宜及猶豫促撫寧之且
 為之元帥既不能安輯身受禍難命也遂去行三十里止放馬息
 盡呼所從人喻以成敗慰勵懇切皆慷慨曰死生當隨護軍不敢
 有二前到諸營各召料簡諸姦結叛者八百餘人散在原野惟取
 其造謀魁率治之餘一不問郡縣所收送皆放遣乃即相率還降
 儼密白宜遣將請太營請舊兵鎮守關中大祖遣將軍劉柱將二
 千人當須到乃發遣而事露諸營大駭不可安喻儼謂諸將曰舊
 兵既少東兵未到是以諸營圖為邪謀若或成變為難不測因其
 狐疑當令早決遂宣言當差留新兵之溫厚者千人鎮守關中其
 餘悉遣東便見主者內諸營兵名籍案累重立差別之留者意定

與儼同心其當去者亦不敢動儼一日盡遣上道因使所留千人

分布羅落之東兵尋至乃復脅喻并徙千人令相及其東凡所全

致二萬餘口

孫盛曰盛聞為國以禮民非信不立周成不棄桐葉之言晉文不違伐原之誓故能隆刑措之道建一匡之功儼既詐留千人使效心力始雖權也宜以信終

兵威既集而又逼徙信義喪矣何以臨眾

關羽圍征南將軍曹仁於樊儼以議郎參仁軍事南

行遷平寇將軍徐晃俱前既到羽圍仁遂堅餘救兵未到晃所督

不足解圍而諸將呵責晃促救儼謂諸將曰今賊圍素固水潦猶

盛我徒卒單少而仁隔絕不得同力此舉適所以弊內外耳當今

不若前軍偪圍遣謀通仁使知外救以勵將士計北軍不過十日

尚足堅守然後表裏俱發破賊必矣如有緩急之戮余為諸軍當

之諸將皆喜便作地道箭飛書與仁消息數通北軍亦至并執大

戰羽軍既退舟船猶據沔水襄陽隔絕不通而孫權襲取羽輜重

羽聞之即走南還仁會諸將議咸曰今因羽危懼必可追禽也儼

陳氏景雲曰是乎寇將軍
冊府元龜遺作與當從
之缺也所曰通志亦作與

曰權邀羽連兵之難欲掩制其後顧羽還救恐我承其兩疲故順
辭求效乘釁因變以觀利鈍耳今羽已孤遊更宜存之以為權害
若深入追北權則改虞於彼將生患於我矣王必以此為深慮仁
乃解嚴太祖聞羽走恐諸將追之果疾救仁如儼所策文帝即王
位為侍中頃之拜駙馬都尉領河東太守典農中郎將黃初三年
賜爵關內侯孫權寇邊征東大將軍曹休統五州軍禦之徵儼為
軍師權眾退軍還封宜土亭侯轉為度支中郎將遷尚書從征吳
到廣陵復留為征東軍師明帝即位進封都鄉侯邑六百戶監荆
州諸軍事假節會疾不行復為尚書出監豫州諸軍事轉大司馬
軍師入為大司農齊王即位以儼監雍涼諸軍事假節轉征蜀將
軍又遷征西將軍都督雍涼正始四年老疾求還徵為驃騎將軍
魏略曰舊故四征有官廚財籍遷轉之際無不因緣而儼又手上市發到朝上忘持其常所服藥
維州聞之乃追送雜藥材數箱儼笑曰人言語殊不易我偶問所服藥耳何用是為邪遂不取

遷司空薨諡曰穆侯子亭嗣初儼與同郡辛毗陳羣杜襲並知名

號曰辛陳杜趙云

裴潛字文行河東聞喜人也

魏略曰潛世為著姓父茂仕靈帝時歷縣令郡守尚書
建安初以奉使率導關中諸將討李傕有功封列侯潛

少不修細行由
此為父所不禮避亂荆州劉表待以賓禮潛私謂所親王粲司馬芝曰

劉牧非霸王之才乃欲西北自處其敗無日矣遂南過長沙太祖

定荆州以潛參丞相軍事出歷三縣令入為倉曹屬太祖問潛曰

卿前與劉備俱在荆州卿以備才略如何潛曰使居中國能亂人

而不能為治也若乘間守險足以為一方主時代郡大亂以潛為

代郡太守烏丸王及其大人凡三人各自稱單于專制郡事前太

守莫能治正太祖欲授潛精兵以鎮討之潛辭曰代郡戶口殷眾

士馬控弦動有萬數單于自知放橫日久內不自安今多將兵往

必懼而拒境少將則不見憚宜以計謀圖之不可以兵威迫也遂

單車之郡單于驚喜潛撫之以靜單于以下脫帽稽顙悉還前後所略婦女器械財物潛案誅郡中大吏與單于為表裏者郝温郭端等十餘人北邊大震百姓歸心在代三年還為丞相理曹掾太祖褒稱治代之功潛曰潛於百姓雖寬於諸胡為峻今計者必以潛為理過嚴而事加寬惠彼素驕恣過寬必弛既弛又將攝之以法此訟爭所由生也以執料之代必復叛於是太祖深悔還潛之速後數十日三單于反問至乃遣鄢陵侯彰為驍騎將軍征之潛出為沛國相遷兗州刺史太祖次摩陂歎其軍陳齊整特加賞賜文帝踐阼入為散騎常侍出為魏郡相川典農中郎將奏通貢舉比之郡國由是農官進仕路泰遷荊州刺史賜爵關內侯明帝即位入為尚書出為河南尹轉太尉軍師大司農封清陽亭侯邑二百戶入為尚書令奏正分職料簡名實出事使斷官府者百五十

餘條喪父去官拜光祿大夫正始五年薨追贈太常諡曰貞侯

魏略曰時遠近皆云當為公會病亡始潛自感所生微賤無勇氏又為父所不禮即折節仕進雖多所更歷清省恪然每之官不將妻子妻子貧乏織藜苲以自供又潛為兗州時嘗作一胡牀及其去也留以挂柱又以父在京師出入海輦車羣弟之田廬常步行家人小大或并日而食其家教上下相奉事有似於石奮其履檢校度自魏興少能及者潛為人材博有雅要容然但如此而已終無所推進故世歸子秀嗣遺令儉葬墓中惟置一坐瓦器數枚其餘一其潔而不宗其餘

無所設秀咸熙中為尚書僕射

文章敘錄曰秀字季彥弘通博濟入歲能屬文遂知名大將軍曹爽辟喪父服終推財與兄弟年二十五遷黃門侍郎爽誅以故吏免遷衛國相累遷散騎常侍尚書僕射令光祿大夫咸熙中管文王始建五等命秀典為制度封廣川侯晉室受禪進左光祿大夫改封鉅鹿公遷司空著易及樂論又畫地域圖十八篇傳行於世盟會圖及典治官制皆未成年四十八泰始七年薨諡元公配食宗廟少子頽字逸民襲封荀綽與州記曰頽為人弘雅有遠識博學稽古履行高整自少知名歷位太子中庶子侍中尚書元康末為尚書左僕射趙王倫以其望重畏而惡之知其不與賈氏同心猶被枉害臣松之案陸機惠帝起居注稱頽雅有遠量當朝名士也又曰民之望也頽理具淵博瞻於論難著崇有貴無二論以矯虛誕之弊文辭精富為世名論子嵩字道文荀綽稱嵩有父祖風為中書郎早卒頽從父弟邈字景聲有雋才為太傅司馬越從事中郎假節監中外營諸軍事潛少弟徽字文季與州刺史有高才遠度善言玄妙事見荀綽傳王彌管轄諸傳微長子黎字伯宗一名演游擊將軍次康字仲豫太子左衛率次楷字叔則侍中中書令光祿大夫開府次綽字季舒黃門侍郎早卒追贈長水校尉康楷綽皆為名士而楷才望最重皆諸公贊曰康有弘量綽以明達為稱楷與瑯琊王戎俱為掾發名鍾會致之大將軍司馬文王曰裴楷清通王戎簡要文王即辟為掾進歷顯位謝鯉為樂廣傅稱楷儻明有識且當時獨步黎子苞秦州刺史康子純黃門侍郎次盾徐州刺史次邵有器望晉元帝為安東將軍邵為長史侍中王曠與

司馬越書曰裴郤在此雖不治事然識量弘遠此下人士大敬附之次郎中壘將軍楷子瓚中書
郎次憲豫州刺史綽子遐太傅主簿瓚遐並有盛名早卒晉諸公贊稱憲有清識魏略列傳以
徐福嚴幹李義張既游楚梁習趙儼裴潛韓宣黃朗十人其卷其既習儼潛四人自有傳徐福事
在諸葛亮傳游楚事在張既傳餘幹等四人載之於後嚴幹字公仲李義字孝懿皆馮翊東縣人
也馮翊東縣舊無冠族故二人並單家其器性皆重厚當中平末同年二十餘幹好擊劍義好辨
護喪事馮翊甲族桓田吉郭及故侍中鄭文信等頗以其各有器實共紀識之會三輔亂人多流
宕而幹義不去與諸知故相浮沉採樵自活逮建安初關中始開詔分馮翊西數縣為左內史郡
治高陵以東數縣為本郡治臨晉義於縣分當西屬義謂幹曰西縣兒曹不可與爭坐席今當共
作方林耳遂相附結皆仕東郡為右職司隸辟幹不至歲終郡舉幹孝廉尚書左僕射及文帝即位
平陵令遷允從僕射遂歷顯職魏封十郡請義以為軍祭酒又為魏尚書左僕射及文帝即位
拜諫議大夫執金吾衛尉卒官義子豐字宣國見夏侯玄傳幹以孝廉拜滿散令病去官復舉至
孝為公車司馬令為州所請詔拜議郎還參州事會以建策捕高幹又追錄前討郭援功封武鄉
侯遷弘農太守及馬超反幹郡近超民人分散超破為漢陽太守遷益州刺史以道不通黃初中
轉為五官中郎將明帝時遷永安太僕數歲卒始李義以直道推誠於人故于時陳羣等與之齊
好雖無他材力而終仕進不頓躡幹從破亂之後更折節學問特善春秋公羊司隸鍾繇不好公
羊而好左氏謂左氏為太官而謂公羊為賣餅家故數與幹共辯析長短繇為人機捷善持論而
幹訥口臨時屈無以應繇謂幹曰公羊高竟為左丘明服矣幹曰直故史為明使君服耳公羊未
肯也 韓宣字景然渤海人也為人短小建安中丞相召署軍謀掾充散在野嘗於郭出入宮於
東掖門內與臨菑侯植相遇時天新雨地有泥濘宣欲避之閣濼不得去乃以扇自障仕於道邊
植嫌官既不去又不為禮乃駐車使其常從問宣何官宣云丞相軍謀掾也植又問曰應得唐突
列侯否宣曰春秋之義王人雖微列於諸侯之上未聞宰上而為下士諸侯禮也植又曰即如所
言為人父吏見其子應有禮否宣又曰於禮臣子一例也而宣年又長植知其枝柱難窮乃釋去
其為太子言以為辯黃初中為尚書郎嘗以職事當受罰於殿前已縛束杖未行文帝筆過問此
為誰左右對曰尚書郎勃海韓宣也帝追念前臨菑侯所說乃瘡曰是子建所道韓宣邪特原之

遂解其縛時天大寒宣前以當受杖豫脫袴纏禪而縛及其原禪腰不下乃趨而去帝曰而送之
笑曰此家有瞻諦之士也後出為清河東郡太守明帝時為尚書大鴻臚數歲卒宣前後當官在
能否之間然善以已恕人始南陽韓暨以宿德在宣前為人鴻臚暨為人賢及宣在後亦稱職故
鴻臚中為之語曰大鴻臚小鴻臚前後治行曷相如案本志宣名都不見惟魏略有此傳而世語
列於名臣之流 黃朗字文達沛郡人也為人弘通有性實父為本縣卒則感其如此抗志游學
由是為方國及其郡士大夫所禮異特與東平右姓王惠陽為碩交惠陽親朗朗于牀下朗始
仕黃初中為長吏遷長安令會喪母不赴復為魏令遷襄城典農中郎將涿郡太守以明帝時疾
病卒始朗為君長自以父故常忌不呼鈴下伍伯而呼其姓字至於忿怒亦終不言朗既仕至二
千石而惠陽亦歷長安令酒泉太守故時人謂惠陽外似麤疏而內堅密能不顧朗之本木事朗
母如已母為通度也 魚豢曰世稱君子之德其猶龍乎蓋以其善變也昔長安市僧有劉仲始
者一為市吏所辱乃感激躡其尺折之遂行學問經明行修流名海內後以有道徵不肯就眾人
歸其高余以為前世偶有此耳而今徐嚴復參之若皆非似龍之志也其何能至於此哉李推至
道張工度主韓見識異黃能拔萃各著根於石上而垂陰乎千里亦未為易也游翁慷慨展布腹
心全軀保郡見延帝王又放陸生優游宴戲亦一實也梁趙及裴雖張場不足至於檢已老而益
明亦難能也

林
評曰和洽清和幹理常林素業純固楊俊人倫行義杜襲温粹識
統趙儼剛毅有度裴潛平恒貞幹皆一世之美士也至於能不繫
心於三司以大夫告老美矣哉



三國志



卷之三



